


ՄԱՐՏԻՆ ԶԻԼՖՈՒՂԱՐՅԱՆ

ԼԵՌՆԱՀԱՅԱՍՏԱՆԻ  
ՀԱՆՐԱՊԵՏՈՒԹՅՈՒՆԸ

ՍՅՈՒՆԻՔԻ  
ՍԱՀՄԱՆԱԴՐՈՒԹՅՈՒՆԸ



ԳՈՐԻՍ 2008

Հրատարակվում է Գորիսի պետական համալսարանի  
գիտությունների երաշխավորությամբ

ՀՏԴ 941 (479.25)  
ԳՄԴ 63.3 (23)  
Զ 609

Գրախոսներ՝  
**ԵՆՈՔ ԱԶԱՐՅԱՆ** - իրավաբանական գիտությունների դոկտոր  
**ՍԱԼԻԿ ԹԵԼՈՒՆՅ** - պատմական գիտությունների թեկնածու

**ԶԻԼՖՈՒՂԱՐՅԱՆ ՄԱՐՏԻՆ**

Զ 609 **ԼԵՆՆԱԳԱՅԱՍՏԱՆԻ ՀԱՆՐԱՊԵՏՈՒԹՅՈՒՆԸ**. - Գորիս: ԳՊՀ հրատարակչություն,  
**ՍՅՈՒՆԻՔԻ ՍԱՀՄԱՆԱԴՐՈՒԹՅՈՒՆԸ**. - Գորիս: ԳՊՀ հրատարակչություն,  
2008.- 72 էջ:

Աշխատանքը Լեռնահայաստանի հանրապետության և նրա սահմանադրությանը նվիրված գիտական վերլուծություն է, որում նորովի մոտեցումներ են առաջադրվում մեր ժողովրդի պատմության այդ հերոսական շրջանի, պետականության ձևավորման ու գործունեության մի շարք առանցքային հարցերի վերաբերյալ:

Աշխատության մեջ վերլուծվում է Լեռնահայաստանի պետության ստեղծման նախադրյալները, անհրաժեշտությունը, նրա բնույթը, տիպը, պատմական նշանակությունն ու դասերը: Խորությամբ ներկայացվում է Սյունիքի սահմանադրությունը և համեմատություն է անցկացվում ինչպես հայկական, այնպես էլ այլ երկրների սահմանադրությունների հետ:

Նախատեսված է ինչպես գիտական, այնպես էլ ընթերցող լայն հասարակության համար:

ԳՄԴ 63.3 (23)

ISBN 978-9939-807-03-4



ԳՊՀ հրատարակչություն - 2008

**ԵՐԿՈՒ ԽՈՍՔ**

Մարտին Զիլֆուղարյանի՝ Լեռնահայաստանի հայկական պետությանը և նրա սահմանադրությանը նվիրված ներկա ուսումնասիրությունը ճիշտ է, փոքրածավալ, բայց, միաժամանակ լուրջ, յուրովի աշխատանք է: Մեր կարծիքով, այն ընթերցողին և այս հարցերն ուսումնասիրող գիտնականներին, պատմաբաններին, իրավաբաններին կօգնի լրջորեն խորհել Նժդեհի գլխավորությամբ ստեղծված Լեռնահայաստանի հայկական յուրատիպ պետության, նրա սահմանադրության և նորօրյա Արցախի Հանրապետության ճակատագրի մասին:



**Հալիձորի բերդ**

Առաջին անգամ հրապարակվում և վերլուծվում են Համազանգեզուրյան Տաթևի երկու համագումարների, Ինքնավար Սյունիքի և Լեռնահայաստանի հանրապետության, Սյունիքի սահմանադրության վերաբերյալ դեռևս չուսումնասիրված արխիվային որոշ փաստաթղթեր:

Մանրամասն նեկայացվում է Սյունիքի սահմանադրությունը և համեմատություններ անցկացվում ինչպես հայկական մյուս սահմանադրությունների, այնպես էլ այլ երկրների հիմնական օրենքների հետ: Անդրադարձ է կատարվում նաև Լեռնային Ղարաբաղի Հանրապետության սահմանադրությանը և մյուս իրավական ակտերին:

Երկու խոսք հեղինակի մասին:

Ընթերցողներին տեղեկացնենք, որ 1991 թ. սեպտեմբերի 2-ին Լեռնային Ղարաբաղի մարզային և Շահումյանի շրջանային խորհուրդների համատեղ նստաշրջանը ընդունել է Լեռնային Ղարաբաղի Հանրապետության անկախության մասին հռչակագիրը: Լեռնային Ղարաբաղի Հանրապետության համար հիմնադիր հանդիսացող, հիրավի պատմական կարևոր նշանակություն ունեցող այս իրավական հուշարձանը՝ Հռչակագիրը, մշակել և նստաշրջան է ներկայացրել սույն գրքի հեղինակ Մարտին Զիլֆուղարյանը, որը հենց այդ նպատակով Ղարաբաղ էր գործուղվել ՀՀ կառավարության այն ժամանակվա նախագահի կողմից: Հեղինակը մասնակցելով նստաշրջանի աշխատանքներին, իր բազմաթիվ ելույթներով հիմնավորել է նեոկացված հռչակագրի բովանդակությունը և ընդունման անհրաժեշտությունը:

Նրա կողմից ներկայացվող գիրքը ունի բազմառնույթ ուղղվածություն, հարուստ բովանդակություն, տոգորված է հայրենասիրությամբ Սյունիքի, Արցախի և ընդհանրապես Հայաստանի անկախության ազատության գաղափարին: Այն իր լեռնաշխարհի սիրով թելադրված, տքմաշան ու խորիմաստ աշխատանքը արդյունք է:

**ԵՆՈՔ ԱԶԱՐՅԱՆ**  
**Իրավաբանական գիտությունների դոկտոր**

**ՍԱԼԻԿ ԹԵԼՈՒՆՅ**  
**Պատմական գիտությունների թեկնածու**

ԼԵՌՆԱՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆԸ.  
ՍՅՈՒՆԻՔԻ ՍԱՀՄԱՆԱԴՐՈՒԹՅՈՒՆԸ



Սույն աշխատությունը Նժդեհյան հայկական պետության, ինչպես նաև Սյունյաց սահմանադրության մասին գիտական վերլուծություններից է: Առաջին անգամ ճշտվում և շրջանառության մեջ է դրվում Լեռնահայաստանի հայկական յուրատիպ պետության առանձնահատկությունները, դերն ու նշանակությունը, իրավաբանորեն վերլուծվում և ներկայացվում է «Սյունյաց սահմանադրությունը»:

1920-1921 թթ. Ձանգեզուրում մղված գոյամարտը հայ ժողովրդի հազարամյակների պատմության ամենափայլուն էջերից է, նրա աննկուն կամքի գերակայության արտահայտություններից մեկը: Պռոթկում է ազգային ֆեոդալները, միավորվում են ինքնապաշտպանական բնագոյը, ազգի հերոսությունը և անկախ պետականության ինքնորոշման զգացումը, որն առաջնորդվում է այնպիսի մեծ անհատի կողմից, ինչպիսին Գարեգին Նժդեհն էր: Այդ ինքնաբերույն ու ազատատենչ պոռթկումը ռուս-բոլշևիկյան և թուրք-ադրբեջանական միացյալ զորքերի դեմ, որոնք ներխուժել էին Ձանգեզուր այն խորհրդային Ադրբեջանին բռնակցելու հաստատակամությամբ, ավարտվեց Ձանգեզուրի պաշտպանների փայլուն հաղթանակով: Տարած հաղթանակները պետք էր ամրապնդել ինքնիշխան Ձանգեզուրի քաղաքական ու տնտեսական կյանքը վարող պետական կառույցների ստեղծմամբ, արյան զնով ազատագրված լեռնաշխարհի ինքնիշխանությունը մարմնավորել օրենսդրական գործունեությամբ և պետական շինարարությամբ, որին բաժին էր հասնելու պատմական մեծ առաքելություն ի փառս ապագա, նորօրյա Հայաստանի ու Արցախի:

Եվ ստեղծվեց, կայացավ Լեռնահայաստանի ժողովրդավարական հանրապետությունը:

Սույն աշխատության մեջ նպատակ ենք դրել վերլուծել Լեռնահայաստանի պետության ստեղծման նախադրյալները, անհրաժեշտությունը, նրա բնույթը, տիպը, պատմական նշանակությունն ու դասերը: Նշված տեսանկյունից հարց է ծագում. ի՞նչ է իրենից ներկայացնում Լեռնահայաստանը՝ Հայկական ինքնուրույն պետություն, ինքնավար մարզ, տեղական ինքնուրույն իշխանություն, թե՞ զինված միավորում: Տաթևի համազանգեզուրյան համագումարի կողմից ընդունված «կառավարության ձևի գծերը» ի՞նչ է՝ համագումարի սովորական որոշում, օրենք, թե՞ սահմանադրություն:

Այս հարցերին պատասխանելու համար կարճ անդրադառնանք, թե ընդհանրապես գիտական միտքը ինչպե՞ս է բնութագրում պետությունը, սահմանադրությունը, որո՞նք են պետության հիմնական հատկանիշները և այս տեսանկյունից մոտենանք Լեռնահայաստանի հարցին:

Պատմական տարբեր ժամանակաշրջաններում գիտական միտքը փորձել է տալ պետության իր բնորոշումը: Օրինակ՝ անտիկ աշխարհում պետությունը, առանց բացառության, ընդգրկում էր հասարակական կյանքի բոլոր կողմերը, այդ պատճառով նրանում մարդն ամբողջությամբ կլանվում էր պետության քաղաքացու կամ հպատակի մեջ:

Արիստոտելը պետությունը բնորոշել է որպես բազմաթիվ համայնքների և գյուղերի միավորում՝ հանուն լավ, կատարյալ կյանքի: Հին հույների մոտ պետությունը համարվում էր քաղաքացիների բոլոր մտավոր և բարոյական շահերի կենտրոնացում: Հռոմում այդ խնդիրը եապես ներկայացվում էր որպես իրավունքի ընդհանուր սկզբունքներով և ընդհանուր շահերով միավորված մարդկանց միություն:

Իրավաբանները **Պետությունը** բնութագրում են որպես «մեկ իշխանության տակ և մեկ տարածքի սահմաններում գտնվող մարդկանց միացում»: «Ռոդալակի տարածքում ապրող և հարկադրանքի ու ինքնուրույն գերագույն իշխանության ենթարկվող ազատ մարդկանց միություն և այլն»:

Հեղինակները պետության և իրավունքի տեսության և սահմանադրական իրավունքի տեսանկյունից հետաքրքիր և հիմնավոր վերլուծության է ենթարկում ինքնավար Սյունիքի և Լեռնահայաստանի պետության առանձնահատկությունները, հատկանիշները և եզրակացնում.

«Լեռնահայաստանը, ժամանակի հրամայականով և պատմական անցքերի բերումով, մեծ պայքարի ու մաքառումների զնով կազմավորվեց որպես ինքնատիպ հայկական պետություն»:

Մեր հայրենիք ներխուժած հորդաների դեմ ապստամբած և իր անկախությունը վերականգնած Հայաստանի Հանրապետությունը, **Սյունիքի ու Լեռնահայաստանի Հանրապետությունների հետ միասին**, Մերձավոր ու Միջին Արևելքի և Ռուսական կայսրության սահմաններում գործող միակ ժողովրդապետությունն էր: Այդ հսկայական տարածքում, հատկապես՝ կոմունիստական խավարասփյուռ կայսրությունում, 1921 թ. միայն մի օջախ կար, որտեղ վառվում էր ժողովրդավարության, ազատության ու անկախության ջահը. դա Հայաստանի Հանրապետությունն ու Լեռնահայաստանն էր:

Սա՛ է ռուս և թուրք զինակցության դեմ Ձանգեզուրում և Հայաստանի Հանրապետությունում հայ ժողովրդի ազատամարտի համաշխարհային-պատմական նշանակությունը և հենց այդ ազատամարտի շնորհիվ է, որ թուրք-բոլշևիզմը, ստիպված, հանդուրժեց հորհրդային Հայաստանի գոյությունն իբրև Վրաստանին ու Ադրբեջանին հավասարազոր հանրապետություն:

Փորձել ենք հանգամանալից վերլուծության ենթարկել ներկայիս իրադրությունը, ըստ ամենայնի արժևորել Արցախի գոյամարտի նշանակությունը և միջազգային ռազմաքաղաքական հանրության արձագանքը դրան: Մեծ է Ձանգեզուրի երկրամասի ռազմաստրատեգիական նշանակությունը ինչպես անցյալում, այնպես էլ այսօր:

Ձանգեզուրը Արևիք-Մեղրիով հանդերձ, Հայաստանի ելքն է դեպի հարա-

վային արտասահման, չդադարելով սեպ լինել Ադրբեջանի, թրջալեզու արևելքի ու Թուրքիայի միջև: Ձանգեզուրի նկատմամբ թշնամական նկրտումները հնչում են մեր օրերում ևս: Սյունիք-Արևիքում Գարեգին Նժդեհի հայրենասեր գործունեության փորձն այսօր նույնպես զգուշացնում ու պարտավորեցնում է՝:

Հայ ժողովուրդը թանկ է գնահատում ձեռք բերած իր ազգային անկախ պետականությունը, որի համար նա բազում զոհեր է տվել: Համաձայնվելով պատմական գիտությունների դոկտոր-պրոֆեսոր, ՀՀԱԱ թղթակից անդամ Արամ Սիմոնյանի հետ, նշենք, որ Ազգային պետականության վերականգնման համար վերջին հարյուրամյակում հայ ժողովրդի համառ պայքարն անցել է տարբեր հանգրվաններով, առաջ բերելով անկախ պետականության գոյության հինգ իրողություններ՝:

1) 1915թ. գարնանը Վանի նահանգի հայերի՝ Արամ Մանուկյանի գլխավորած կարճատև անկախությունը՝ հայոց ազգային պետականության վերականգնման առաջին փորձը:

2) 1918թ. մայիսին Հայաստանի Առաջին Հանրապետության հաստատումը՝ 600 տարի առաջ կորսված անկախ հայոց պետականության վերականգնումը:

3) 1921թ. ապրիլին Գարեգին Նժդեհի գլխավորությամբ Լեռնահայաստանի Հանրապետության հռչակումը, որն արժանագրեց հայերի ազգային պետականության կարճատև գոյությունը պատմական Հայաստանի մի սահմանափակ տարածքում՝ Սյունիքում:

4) 1988թ. սկսած դարաբաղյան հզոր շարժման ընթացքում ծնունդ առած Հայաստանի երկրորդ ազգային անկախ Հանրապետությունը, (1991 թ. սեպտեմբերի 21):

5) Նույն շարժման անմիջական արգասիք հանդիսացող Լեռնային Ղարաբաղի Հանրապետության հռչակումը (1991 թ. սեպտեմբերի 2):

Հինգ անկախ ազգային պետական կազմավորումներից բացի, վերջին հարյուրամյակում հայ ժողովուրդն ունեցավ նաև կիսանկախ պետականություն՝ հանձինս Հայկական հորհրդային Սոցիալիստական Հանրապետության (1920-1991թ.), որը միասնական ԽՍՀՄ պետության մի մասն էր՝:

Նժդեհի երազած անկախ Հայկական պետությունը՝ մրացյալ Սյունիքով, այսօր իրականություն է: Եթե Հայաստանի Առաջին անկախ հանրապետությունը ոգեշնչեց ու պայքարի հանեց Ձանգեզուրին, որի շնորհիվ վերջինս մնաց Մայր հայրենիքի կազմում՝ ստեղծելով Լեռնահայաստան, ապա Հայաստանի երկրորդ անկախացումը նոր թափ հաղորդեց Ղարաբաղի ազգային-ազատագրական պայքարին, և ստեղծվեց Լեռնային Ղարաբաղի Հանրապետությունը, որն իր շատ գծերով նույնացվում է Լեռնահայաստանի հետ: Լեռնահայաստանի պատմական փորձը փայլուն օրինակ է Արցախի համար:

Հիշենք, որ ազգային ազատագրական պայքարի և Լեռնահայաստանի ստեղծման շնորհիվ Սյունիքը միացավ Հայաստանին. իսկ Արցախը սպասում է: Այո, պատմությունը կարծես կրկնվում է:

\*\*\*

Վերջին տարիներին Ձանգեզուրի գոյամարտի, այդ ժամանակաշրջանի կուսակցությունների և Գարեգին Նժդեհի թողած ժառանգության մասին գրվել են բազմաթիվ լուրջ և հետաքրքիր գործեր, հիշողություններ, հոդվածներ (Ա. Հովհաննիսյան, Ա. Աբրահամյան, Ա. Սիմոնյան, Լ. Ղազարխեցյան, Յ. Գրիգորյան, Ս. Քառյան, Ա. Բաղայան, Յ. Սիմոնյան, Գ. Մանուկյան, Ա. Հարությունյան, Մ. Լալայան, Յու. Հովսեփյան, Ա. Վիրաբյան Ս. Ջաքարյան, Ա. Սարգսյան, Ա. Պետրոսյան, Բ. Հովակիմյան, Գ. Ավագյան): Սակայն, Լեռնահայաստանի որպես հայկական պետականության ինքնուրույն միավորի և նրա սահմանադրությունը պատմաբանների, իրավաբանների, քաղաքագետների հատուկ ուշադրությանը չի արժանացել. հին պատմագրության մեջ էլ այն աններելի կերպով քիչ է հիշատակվել: Խորհրդային շրջանի պատմաբանները, իրավաբանները, քաղաքագետները, ուսումնասիրողները, հայտնի պատճառներով, չէին կարող օբյեկտիվորեն անդրադառնալ անցողիկ տիպի այդ պետության՝ հայ ժողովրդի կյանքում նրա ունեցած պատմական դերին՝:

Սույն աշխատության նպատակն է լրացնել այդ բացը և վերլուծել ինչպես Լեռնահայաստանի, որպես պետություն, ստեղծման նախադրյալները, անհրաժեշտությունը, նրա բնույթը, տիպը, դերն ու պատմական նշանակությունը, այնպես էլ նրա կողմից ընդունված Սյունիքի սահմանադրությունը:

## ՄԱՐՏԻՆ ԶԻԼՖՈՒՂԱՐՅԱՆ

ԳՊՀ պատմության և իրավագիտության ֆակուլտետի դեկան,  
իրավաբանական գիտությունների թեկնածու, պրոֆեսոր

## ԻՆՔՆԱՎԱՐ ՍՅՈՒՆԻՔ

Զանգեզուրը յայտարարել ժամանակաւորապէս ինքնավար, մտցնելով հանրապետական իրաւակարգ, մնալով անկախ, մինչև քաղաքական հնարաւորութիւն կունենա միանալու իր մայր երկրի՝ Հայաստանի հետ: Ինքնավար Սիւնիքի սահմաններն են Զանգեզուրի նախկին սահմանները:

*Տաթևի համազանգեզուրյան I համագումար  
25 դեկտեմբեր, 1920 թ.*



Լեռնահայաստանի նախարարություն

## ԼԵՌՆԱԿԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

1. «Ինքնավար լեռնաշխարհի Ազատ Սյունիքը» յայտարարել անկախ պետություն և այն վերանվանել Լեռնահայաստան, որի մեջ մտնում են Զանգեզուրը, Վայոց ձորը (Դարալագյազ) և Լեռնային Ղարաբաղը: Գորիս քաղաքը համարել Լեռնահայաստանի մայրաքաղաք:

2. Քանի որ նորաստեղծ պետությունն ազդարարվում էր հանրապետական և ժողովրդավարական, ուստի այն պետք է ունենար համապատասխան հաստատություններ՝ պառլամենտ, նախարարների խորհուրդ և ինքնիշխանութանը բնորոշ մյուս հատկանիշները:

3. Համագումարը յայտարարել Լեռնահայաստանի վարչապետություն նախարարների խորհուրդ: Կառավարության անդամներին հետախուս անվանել նախարարներ:


4. Վարչապետ ընտրել Սպարապետին նրան վերապահելով նոր կառավարության կազմի ընտրությունը:

*Տաթևի համազանգեզուրյան II համագումար,  
26 ապրիլ, 1921թ.*

## Սյունիքի Հանրապետության պետականության խորհրդանիշները

Անկախության հռչակումից հետո Լեռնահայաստանն ունեցել է իր պետականության խորհրդանիշները՝ օրհներգ-քայլերգը, զինանշանը և եռագույն դրոշը:

Զինանշանը




## «Ինքնավար Սյունիքի քայլերգը»

Մեր սարերը անստիկ ու հպարտ,  
Մեր որդիք կորովի ու անպարտ,  
Խոր ձորերը Սյունիքի ահավար՝  
Շիրիս են բշնամու դարավոր:  
Թշնասին հազարավ միշտ մեր դեմ,  
Կույծք-կրծքի մենք կանգնած նրա դեմ:  
Չենք դողում, չենք սարսում մենք մահից,  
Մեր մասը բեքե քիթեռի քելից:  
Ինքնավար Սյունիքին ցանկանք  
Միշտ լինել բշնամու սպառնանք,  
Շատ սպրի մեզ համար այսուհետ,  
Քաջ հերոս Նժդեհ Սպարապետ:

Սյունիքի քայլերգի տեքստի հեղինակն է Տիգրան Սազանդարյանը (Տաթևիկ Սազանդարյանի հայրը):

**Սյունյաց նախարարության նահապետները թագավորները, գահերեց իշխանները, վարչապետները**



**Սյունիքի Գրիգոր Ա թագավոր (1051-1072)**

Սյունիների (Սիսականների) տոհմի հիմնադիրը և առաջին նահապետը համարվում է ՍԻՍԱԿԸ՝ Գեղամի որդին, որի անունով էլ, ըստ ավանդության, կոչվել է Մեծ Հայքի Սիսական նահանգը (աշխարհը): Այս հարստության սկիզբը մ. թ. ա. 2100 թվականն է:

Ապա հայտնի է ԱՌԱՆ նահապետը, որին, քաղցր բնավորության համար կոչում էին նաև Աղու: Ըստ Մովսես Խորենացու, նրա անունով է կոչվել Աղուանք-Աղվանքը, որի նահապետն էր:

Մ. թ. 150 թվականին Սյունյաց տերն էր Բակուր իշխանը, որը հայ բանահյուսության և քնարերգության մեջ վիպականացվել է մի դիպվածով («Հարճը»): Նրանից հետո պատմագրության մեջ երևում են Պելուժավր (հարցականով) և Վաղինակ իշխանները (332-ից):

Մինչև 363 թվականը Սյունյաց նախարարության նահապետն էր ԱՆՂՈԿ ԱՅՈՒՆԻՆ: Այդ նա էր, որ անսպասելի հարվածով գրոհեց և թալանեց Պարսկաստանի այն ժամանակվա

մայրաքաղաք Տիգրանը: Տասնհինգ տարի ընդմիջումից հետո, իշխանությունը վերցնում է նրա որդի ԲԱԲԻԿԸ, որը իշխում է 21 տարի, այսինքն մինչև 400 թվականը:

Ըստ Ստ. Օրբելյան պատմիչի, այնուհետև մեկ տարի իշխում է պարսիկների դրածո Սամ Գնթունին, ապա 9 տարի՝ ՎԱՂԻՆԱԿ ԱՅՈՒՆԻՆ:

412թ. Սյունյաց նախարար, ապա Հայոց և վրաց մարզպան է նշանակվում ՎԱՍԱԿ ԱՅՈՒՆԻՆ և իշխում 39 տարի (մինչև 451/52 թթ.): Ապա իրար հաջորդում են 28 գահերեց իշխաններ:

Ըստ այն թվերի, որ վավերագրել են Ստ. Օրբելյանը և Հայր Ալիշանը, վերոհիշյալ Սյունիները գահակալել են մինչև 711 թվականը: Այնուհետև, մինչև 800-ական թվականների սկիզբը, երևում են Վասակ, Փիլիպպե, Ատրներսեի և Փիլիպպե իշխանները: Սրանց բոլորի նստավայրը եղել է Շաղատ մայրաքաղաքը: Դրանից հետո գահանիստը տեղափոխվել է Վայոց Ձոր և սկիզբ դրվել Սյունյաց նոր նահապետների հարստությանը՝ սկսած Վասակ իշխանից, որը վախճանվել է 821թ.:

Այս իշխանական տոհմը շարունակվել է մինչև 976թ., երբ ՍՄԲԱՏ ՍԱՀԱԿ-ՅԱՆ գահերեց իշխանը 987 հռչակել է Սյունիքի (Բաղաց) թագավորությունը

Կապան մայրաքաղաքով, և ինքն էլ դարձել առաջին թագավորը: Սյունիքի թագավորության հոգևոր կենտրոնը դառնում է Տաթևը: 1008 բնակավայր, 43 բերդ և 48 վանք ունեցող Սյունյաց թագավորությունը 1170 թ. դադարում է գոյություն ունենալուց:

XII դարում Սյունիքի իշխաններին՝ Օրբելյաններին և Պռոշյաններին հաջողվել է երկրամասը ազատագրել օտարներից և հաստատել իրենց իշխանությունը: Օրբելյաններն իրենց իշխանությունը պահպանում են մինչև Լենկ-Թեմուրի արշավանքը և 1450-ական թթ. այն վերջնականապես կորցնում:

XVIII դարի սկզբին Սյունիքում բռնկվում է հզոր ազատագրական շարժում Դավիթ-Բեկի գլխավորությամբ: Նրան հաջողվում է թոթափել պարսկական (կաջարների) լուծը և Սյունիքի բնիկ ազգային-պատմական տարածքում իր ձեռքը վերցնել իշխանությունը: Պարսից Թահմազ 2-ը, հարկադրված, 1727 թ. հրովարտակով ճանաչում է Դավիթ-Բեկի իշխանությունը Սյունիքում, որը, փաստացի, երկրամասի ինքնուրույնության ճանաչումն էր:

Դարերը չընկճեցին այունեցու ոգին. կարծես պատմությունը կրկնվեց և շուրջ երկու դար անց այունեցին նորից պայքարով նվաճեց իր անկախությունը:

1921 թ. ապրիլի 26-ին Տաթևում կայացավ համազանգեզուրյան 2-րդ համագումարը, ուր երկրամասը հայտարարվեց Լեռնահայաստան և ստեղծվեց կառավարություն Գարեգին Նժդեհի գլխավորությամբ: Զանգեզուրի 1920-21թթ. գոյամարտի շնորհիվ Սյունիքը մնաց Սովետական Հայաստանի կազմում, որի համար պարտական ենք Գարեգին Նժդեհին:

1996 թ. հունվարի 1-ին կազմավորվում է Սյունիքի մարզը՝ ներառելով Կապանի, Գորիսի, Սիսիանի, Մեղրու նախկին վարչական շրջանների տարածքները:



Պատմական տարբեր ժամանակաշրջաններում կոչվել է տարբեր անուններով՝ Սյունիք, Սիսական, Չանգեզուր:

Սյունիքը հայ ժողովրդի պատմության մեջ բացառիկ կարևոր դեր կատարած երկրամասերից է: Մեծ Հայքի հյուսիս-արևելյան մասում գտնվող Սյունյաց աշխարհը հյուսիսից սահմանակից է Գուգարքին, հյուսիս-արևելքից՝ Ուտիքին, արևելքից՝ Արցախին, հարավից՝ Վասպուրականին, Արաքս գետով անջատվում է Ատրպատականից, իսկ արևմուտքից սահմանակից է Այրարատ աշխարհին: Սյունիքը լեռնային երկիր է: Այստեղ են գտնվում մի քանի մեծ ու փոքր լեռնաշղթաներ, որոնցից են Վարդենիսի, Վայոց Ձորի, Չանգեզուրի, Բարգուշատի և Արևիքի լեռնաշղթաները: Այս լեռնաշղթաները միաժամանակ օտար նվաճողների դեմ բնական պատնեշ են հանդիսացել: Երկիրն ասպատակողներից պաշտպանվելու համար սյունեցիները կառուցել են մի քանի տասնյակ բերդեր ու ամրոցներ: Միայն Սյունյաց թագավորությունը (970-1170թթ.), որի մեջ մտնում էին պատմական Սյունիքի 12 գավառներից 6-ը, ուներ 43 բերդ:



Սյունիքի մարզը կազմավորվել է 1996 թ. հունվարի 1-ին՝ ներառելով Կապանի, Գորիսի, Սիսիանի, Մեղրու նախկին վարչական շրջանների տարածքները: Մարզկենտրոնը Կապան քաղաքն է: Մարզի տարածքը 4506 քառ. կմ է, բնակչությունը՝ 164,1 հազար մարդ:

Սյունիքի մարզն զբաղեցնում է Հայաստանի Հանրապետության տարածքի հարավարևելյան հատվածը: Ջրաղեցնում է ՀՀ տարածքի 15 %-ը: Գեղարքունիքի մարզից հետո երկրորդն է, իսկ ցամաքային տարածքով առաջինը: Բնակչության թվով այն գրավում է վերջին տեղերից մեկը, առաջ անցնելով միայն Վայոց Ձորի, Արագածոտնի և Տավուշի մարզերից:

Մարզն ունի 113 համայնք, որից. քաղաքային 7, գյուղական՝ 106: Մարզի բնակավայրերի թիվը 135 է, որից՝ սահմանամերձ, լեռնային և բարձրլեռնային է 102-ը:

Ներկա Սյունիքի մարզը հանդիսանում է պատմական Սյունիքի մի հատվածը: Այն Մեծ Հայքի իններորդ նահանգն էր:

Առանձնահատուկ է մարզի աշխարհագրական դիրքը, սահմանների բնույթը և տարածքի ձևը: Այն երեք կողմից սեպածն խրված է. արևելքից՝ Ադրբեջանի, արևմուտքից՝ նրա մասը կազմող Նախիջևանի, իսկ հարավից՝ Իրանի՝ միջև: ՀՀ մարզերից սահմանակից է միայն Վայոց Ձորին, որի հետ սահմանակից է հյուսիս-արևմուտքում: Սահմանների ընդհանուր երկարությունը կազմում է 472 կմ՝ Իրանի Իսլամական հանրապետությանը՝ 42 կմ, Ադրբեջանի, որից 110 կմ Նախիջևանի և ԼՂՀ-ի հետ:

Այսպիսով, նրա սահմանների ընդհանուր երկարության 85 %-ը բաժին է ընկնում արտաքին, այսինքն՝ պետական սահմաններին և միայն 15 %-ը /կամ 48 կմ/ ներքին սահմանն է: Այդ պատճառով էլ Սյունիքը, զրեթե ամբողջությամբ, դիտվում է որպես սահմանամերձ գոտի: Նրա ճանապարհների մեծ մասը մտնում է փակուղի:

Վերջին տարիներին Սյունիքի աշխարհագրական և տրանսպորտային դիրքն զգալիորեն բարելավվել է: Արաքս գետի վրա ավտոմոբիլային նոր կամրջի կառուցման և Իրանի հետ առևտրա-տնտեսական կապերի զարգացման շնորհիվ, Սյունիքը խիստ կարևոր, տարանցիկ նշանակություն է ձեռք բերել: Նրա միջոցով Սև ծովի ավազանը, Վրաստանը, Հայաստանը կապվում են Պարսից ծոցի, իսկ արևելք-արևմուտք ուղղությամբ՝ Կասպից ու Միջերկրական ծովերի ավազանների երկրների հետ\*\*:

\*Նյութերը ամբողջությամբ վերցված են «Սյունիքի մարզ» գրքից (Ս. Մանասյան, Ա. Գրիգորյան, Ա. Պոտոյան, Ե., 2002 թ., էջ 5-6):

\*\*Նույն տեղը

# ԼԵՌՆԱՀԱՅԱՍՏԱՆԻ ՀՈՉԱԿՄԱՆ ՔԱՂԱՔԱԿԱՆ, ՏՆՏԵՍԱԿԱՆ ՆԱԽԱԴԻՅԱԼՆԵՐԸ

իրավիճակը Ձանգեզուրում 1918-20 թթ.

Ռուսաստանում, փետրվարյան հեղափոխությունից և հոկտեմբերյան հեղաշրջումից, մանավանդ Խորհրդային Ռուսաստանի կառավարության կողմից «Հաշտության մասին» նշանավոր դեկրետից հետո, երբ Այսրկովկասն սկսեց անջատողական, ինքնուրույնացման գործընթաց, և թուրքերն էլ Տրապիզոնում առանձին պետական կազմավորումների ստեղծման և այդ նորաստեղծ կովկասյան հանրապետությունների հետ անջատ-անջատ հաշտություն ստորագրելու կտրուկ խնդիր դրեցին, Այսրկովկասում ստեղծվեց քաղաքական նոր իրադրություն, որը 1918 թ. հանգեցրեց նրան, որ մայիսի 26-ին, նախ՝ Կրաստանը, ապա 27 և 28-ին՝ Ադրբեջանն ու Հայաստանը իրենց անկախ հռչակեցին: Թուրքական դիվանագիտությունը, կարծես, հասկանում էր, որ եթե իրենք մեկ պայմանագիր կնքեն այսրկովկասյան միասնական պետական կազմավորման՝ Սեյմի հետ, որը շատ խախուռ և անկայուն պետական միավոր էր, ապա վաղը, երբ այն հողս ցնդի, պետություններից ոչ մեկը տեղ չի կանգնի Սեյմ-Թուրքիա պայմանագրին: Ռուսաստանն էլ 1918-20 թթ. զբաղված լինելով քաղաքացիական կռիվներով, ի գործու չէր վերադարձնել Այսրկովկասը և առժամանակ հաշտվեց այդ կացության հետ:

Մի առիթով Անդրանիկն ասել է. «150 000 000 առողջ և կարելիություններով լեցուն ռուս ժողովուրդը մեռած չէ, այլ կապրի... ես ինքս չեմ կրնար հանդգնել, թե մեռան ու գացին ռուսները: 1827-են մինչև 1917 ռուս պետությունը 700 000 զինուոր զոհած և անոնց արյունով ներկած է Կովկասեան ամեն մի քար-հողը»: Այնպես որ, պետք էր սպասել Ռուսաստանի վերադարձին: Քաղաքական շահերի բախումը հակիրճ բնորոշել է Նժդեհը. «Այլևս ոչ ոք չի հավատում, մեր ժողովրդից գատ, թե կարելի է կանգնեցնել առաջընթացի հաղթական կառքը՝ գետնին փռված պարտվածների և թույլերի հառաչանքներով: Այլևս ոչ ոքի համար գաղտնիք չէ, որ պետությունները բնական հակառակորդներ են, որոնցմե ամեն մեկը կծգտե տարածվիլ, ուժեղանալ, շահել իր հարևանների հաշիհն»:

1918 թ. մարտի 3-ին, Ռուսաստանի հետ չարաքաստիկ Բրեստ-Լիտովսկի պայմանագիրը կնքելուց հետո, իրեն Այսրկովկասում, որպես Թուրքիայի դաշնակից, տեղական գործերին խառնվելու իրավունք վերապահեց Գերմանիան:

1918-1921 թվականներին Այսրկովկասը դարձավ մեծ տերությունների՝ Ռուսաստանի, Անտանտի, Գերմանիայի, ինչպես նաև Թուրքիայի շահերի բախումների կիզակետ՝ «Կասկածից դուրս է, որ անգլիական կառավարությունը մեծ գոհունակությամբ ակնառտես եղավ Ռուսաստանի քայքայմանը, -1918 թ. ստեղծված կացության մասին գրում է Ա. Բաբալյանը: - Անգլիա-

կան կառավարության համար ռուսական վտանգը հեռանում էր Մերձավոր Արևելքից և անդրկովկասյան երեք հանրապետությունները պըֆըր (իմա՝ բուֆերային - Ս. Խ.) պետությունների դեր էին խաղում Արևելքում: Այլևս Ռուսաստանը մուտք չուներ պարսկական Ադրբեջան ու Գիլան... Հայաստանն իր փոքրիկ ուժերով և լղարիկ միջոցներով չէր կարող վտանգ ներկայացնել Թուրքիայի համար: Այս եղավ գլխավոր պատճառը, որ Տաճկաստանին հարկադրեց ընդունելու հայ ժողովրդի քաղաքական անկախությունը: ...Անգլիա և խղճուկ Հայաստան...»:

Խորհրդային Ռուսաստանի այսօրինակ քաղաքականությունն էլ այդ ամբողջ ժամանակամիջոցում պայմանավորեց տարածաշրջանում նրա դիվանագիտությունը, որի առջև խնդիր էր դրվել ձգձգել այսրկովկասյան հանգուցալուծումը՝ մինչև իր այնտեղ վերադառնալու համար պատեհ առիթ ստեղծվելը: Հայաստանի երիտասարդ Հանրապետությունը՝ իրավիճակից ելք որոնելու փնտրտուքում, երբ ծանրութեթև էր անում Ռուսաստանի և Անտանտի դիրքորոշումները, առաջին աշխարհամարտի ավարտից հետո ավելի շատ հույսեր էր կապում: Եվ դա այն տարիների համար բնական էր, Փարիզի խաղաղության կոնֆերանսի հետ: Այսօր, երբ մենք տասնամյակների հեռվից նայում ենք այն օրերի իրադարձություններին, հեշտությամբ ենք դատողություններ անում: Բայց մի պահ պատկերացնենք քաղաքական խարդավանքների այդ օրերը, երբ հանրապետության կառավարությունն ամեն Աստծու օր փորձում էր լուծել քաղաքական դիլեմաներ, ընդամին, չունենալով լիակատար տեղեկատվություն, տնտեսական-քաղաքական ժանրակշռություն և ազդեցիկություն, բացի դրությունը փրկելու փափազը, որին ուղղում էր ամեն մի ջանք:

Անդրկովկասի երեք նորակազմ հանրապետությունների համար ամենացավոտ խնդիրներից մեկը, անկասկած, տարածքային-սահմանային վեճերն էին, որոնք ծայր առան անկախության հռչակման առաջին իսկ պահից: 1919թ. հունվարի 21-ին ՀՀ կառավարությունը որոշում է կայացնում Ձանգեզուրի և Ղարաբաղի կառավարման սկզբունքների մասին:

«Լսեցին. Մինիստր - նախագահը ի կատարումն Մինիստրների խորհրդի հանձնարարության՝ ներկայացնում է ծրագիր Ձանգեզուրի և Ղարաբաղի հայկական մասերում ժամանակավոր վարչություն հաստատելու մասին: Ծրագիրը մշակված է ներքին գործերի մինիստրի պաշտոնակատար Ա. Խատիսյանի աշխատակցությամբ:

Էական կետերն են.

1. Ձանգեզուրի և Ղարաբաղի հայաբնակ շրջանները, կազմելով Հայաստանի Հանրապետության անբաժան մասը, կառավարվում են հանրապետության կենտրոնական կառավարության կողմից հաստատված օրգանների միջոցով և Հայաստանում գործող օրենքների հիման վրա:

2. Հաղորդակցության դժվարությունների պատճառով, ժամանակավորապես երկրի ընդհանուր վարչությունը հանձնվում է գոյություն ունեցող «Ձան-



գեզուրի հայկական ազգային խորհրդին», որը կոչվել է «Ձանգեզուր - Ղարաբաղի շրջանային խորհուրդ»:

3. Խորհուրդը երկիրը կառավարում է ժամանակավորապես, Հայաստանի Հանրապետության անունից և նրանից ստացված լիազորություններով:

4. Խորհրդի ներկա կազմը պետք է լրացվի Ղարաբաղի հայաբնակ մասերի ներկայացուցիչներով, ինչպես նաև շրջանում ապրող թուրք ազգաբնակչության ներկայացուցիչներով՝ համապատասխան իրենց թվին:

5. Խորհրդի կազմը պետք է ներկայացվի հանրապետության կենտրոնական կառավարությանն ի հաստատություն:

6. Մինչև նոր կարգ հաստատելը, երկրի բոլոր պետական հաստատությունները և պաշտոնյաները ենթարկվում են խորհրդին, հիմնվում և հաստատվում են խորհրդի կողմից և պատասխանատու են նրա առաջ:

7. Երկրի եկամուտները (պետական հարկերը և ուրիշ պետական հասույթները) ծախսվում են երկրի պետքերի համար. պակասը լրացվում է հանրապետության գանձարանից:

8. Փետրվար ամսի պետական ծախսերը հոգալու համար հատկացվում է պետական գանձարանից 400 հազար ռուբլի: Անկախ սրանից, պետական գանձարանը հոգում է մի վաշտ (рота) զինվորների ծախքը զինվորական միևնույնության կազմած նախահաշվով:

9. Վերոհիշյալ 400 հազար ռուբլի ծախսելու մասին «Ձանգեզուր - Ղարաբաղի շրջանային խորհուրդը» հաշիվ է ներկայացնելու կենտրոնական կառավարությանը:

10. Մարտի և հետևյալ (մինչև նոր կարգեր հաստատվելը) ամիսների համար խորհուրդը պետք է ներկայացնի ի հաստատություն կենտրոնական կառավարության իր նախահաշիվը (смета), ցույց տալով միաժամանակ, թե ծախսերի որ մասը կարող է ծածկվել տեղական հասույթներով և որ մասը պետք է հոգացվի պետական գանձարանից: Վերջինը չպետք է գերանգանցե 400 հազար ռուբլի ամսական:

11. Հանրապետության կառավարությունն ուղարկում է Գորիս մի պետական կոմիսար, իբրև իր ներկայացուցիչ՝ Ձանգեզուր-Ղարաբաղի հայկական շրջանի համար:

12. Պետական կոմիսարին հանձնարարվում է հսկողություն ունենալ խորհրդի գործունեության օրինականության վրա և, հարև եղած դեպքում, ցուցումներ անել խորհրդին կառավարության անունից:

13. Փետրվար ամսի պետքերի համար հաստատված 400 հազար ռուբլի գումարը պետք է ծախսվի պետական կոմիսարի գիտությամբ և հավանությամբ: Հետագա ամիսներում ծախսերը պիտի կատարվեն հանրապետության կառավարության կողմից հաստատված նախահաշիվներով:

14. Նախընթաց կետի համաձայն, Գորիսի գանձարանին (казначейство) ներկայացված օրդերները պետք է ունենան պետական կոմիսարի ստորագրությունը, առանց որի չպետք է կատարվեն:

15. Եթե պետական կոմիսարը զինվորական անձ լինի, նրան պետք է հանձնվի նաև Գորիսի վաշտի հրամանատարությունը, հակառակ դեպքում, հատուկ հրամանատար պետք է նշանակվի զինվորական միևնույն կողմից:

16. Պետական կոմիսարի ընտրությունը հանձնարարել միևնույն-նախագահին՝ ներքին գործերի և զինվորական միևնույնների համաձայնությամբ:

**Որոշեցին.** Ընդունել ծրագիրը և հանձնարարել միևնույն - նախագահին հարկավոր կարգադրություններ անել այն իրագործելու համար:

Ծանր կացության մեջ գտնվող հանրապետության առջև կանգնած էին Ղարաբաղի, Նախիջևանի, դրանց հետ՝ նույնիսկ Բասարազեյարի<sup>6</sup>, Վեդիբասարի մի մասի, Դարալազյազի խնդիրը Հայաստանի ու Ադրբեջանի միջև, Լոռի-Ախալքալաքի խնդիրը Վրաստանի հետ, Կարսի, Սուրմալուի խնդիրը՝ Թուրքիայի հետ: Էլ չենք խոսում Սևրի դաշնագրի ու Թուրքիայի հետ հարաբերությունների կառուցման նոր սկզբունքների մասին: Հայաստանի Հանրապետության կառավարությունն իր անմիջական հարևանների հետ հարաբերությունները կառուցելիս աշխատում էր, ըստ կարելիության, առաջնորդվել բարի-դրացիության սկզբունքով և ծագած վեճերն ու կոնֆլիկտները լուծել քաղաքական բանակցությունների, փոխադարձ համաձայնության ճանապարհով: Հայաստանի հարաբերություններն ամենից ավելի սերտ ու բարեկամական են եղել հարևան Պարսկաստանի հետ, մասամբ՝ Վրաստանի և մեզ արդեն հասկանալի պատճառներով, բարդ ու կոնֆլիկտային՝ Թուրքիայի և Ադրբեջանի հետ:

Առանձնապես սուր էր հակասությունը Հայաստանի և Ադրբեջանի միջև՝ Արցախի, Ձանգեզուրի և Նախիջևանի հարցերում: Սակայն վերջինիս չի հաջողվում Լեռնային Արցախը ենթարկել Ադրբեջանին: Ինչ վերաբերում էր Ձանգեզուրին, ապա այն, սկսած 1918 թ. երկրորդ կեսից, անկախ էր շնորհիվ Անդրանիկի, իսկ 1919 թ. մարտից՝ ՀՀ ներկայացուցիչ, նահանգապետ Արսեն Շահմազյանի: 1919 թ. գարնանամուտին, անգլիացիների պահանջով, Անդրանիկը Ձանգեզուրից հեռանում է: Ձանգեզուրում կացությունը հատկապես ավելի է ծանրանում, երբ 1919 թ. ամռանը Ադրբեջանին հաջողվում է իր ուժերով և զգեստավորված թուրք սպաների և էմիսարների օժանդակությամբ, ժամանակավորապես գրավել Շարուր-Նախիջևանը և, փաստորեն, օղակման մեջ առնել Ձանգեզուրը: Վերջինիս պաշտպանությունը ստանում է ստրատեգիական նշանակություն, քանզի այն Հայաստանի և Արցախի միջև կապող միակ օղակն էր: Ուստի, կորցնել Ձանգեզուրը, նշանակում էր կորցնել Արցախը: Թաթարական (ադրբեջանական) զորքերը բազմիցս փորձեցին զավթել Սյունիքը, սակայն, ամեն անգամ հանդիպելով տեղացի քաջարի հայ բնակչության հակահարվածին, մեծ կորուստներով ետ նահանջեցին: Հարկ է նկատել, որ Հայաստանի Հանրապետությունը, որը ներքաղաքական և արտաքին քաղաքական առումով ծանր վիճակում էր գտնվում, ինչպես Ջավախքի (Ախալքալաքի), այնպես էլ Արցախի և Սյունիքի հարցում, հապաղեց Հայաստանի անբաժանելի մասը ճանաչելուց, որից

և փորձեցին օգտվել հակառակորդ կողմերը: Հայաստանի կառավարության վարանունը, հավանաբար, պետք է բացատրել Քաջազունու կառավարության չափից ավելի զգուշավոր, հարևանների հետ բարդություններից խուսափելու քաղաքականությամբ: Ղարաբաղ-Չանգեզուրի ավելի քան 300 հազար հայության՝ իրենց օգնելու խնդրանքներին Հայաստանի կառավարությունը պատասխանում էր միայն հատ ու կենտ ներկայացուցիչներ ու նրտապնդիչ գրություններ ուղարկելով: Այդ խնդրի դրական լուծման գործում իր բացասական դերը խաղաց նաև անգլիական զորքերի հրամանատարությունը: Սրանք ամեն կերպ ձգտում էին աջակցել Ադրբեջանին, վերջինիս իշխանությունը, թեկուզ ժամանակավորապես, Ղարաբաղի վրա տարածելու համար<sup>6</sup>:

1919 թ. մարտի 28-ին ՀՀ կառավարությունը, Սյունիքի շրջափակումը մեղմելու նպատակով, որոշում ընդունեց կառուցել Քեշիշքենդ (Եղեգնաձոր)-Անգեղակոթ խճուղին, որին զուգահեռ, պիտի անցկացվեր հեռագրային գիծ: Մինչ այդ Չանգեզուրը Երևանի հետ կապված էր Նախիջևանի վրայով: Աշխատում էին Կապանի պղնձահանքերը: Ճապոնացիների հետ նախագիծ էր մշակվում՝ կառուցելու Ելենովկա (Սևան)-Նոր-Բայազետ (Գավառ)-Գորիս երկաթգիծը: 1919 թ. Գորիսում՝ Վարարակն գետի վրա, սկսվեց 48 կմտ հզորությամբ երկրորդ հիդրոէլեկտրակայանի կառուցումը<sup>7</sup>:

1919-1920 ուստարում գործում էին Չանգեզուրի համարյա բոլոր հայկական դպրոցները, նույնիսկ հրավիրվեց ուսուցիչների համագումար: Կառավարությունն սկսեց ուշադրություն դարձնել նաև կրթական գործին:

Չուզընթացաբար, տարվում էր նաև քաղաքացիական մասի կազմակերպական աշխատանքը: Գավառապետ նշանակվեց Ն. Հովսեփյանը, օգնական և միլպետ՝ Սաքոն: Վերաբացվեցին Գորիսի գանձարանը, Գորիսի եւ Հանքերի հիվանդանոցները<sup>8</sup>:

Ծանր էր Չանգեզուրի ներքին և արտաքին դրությունը 1920 թ. սկզբին: «Սյունիք» թերթն իր «Տարեմուտի առթիվ» ամսանորյա առաջնորդողում, բնորոշելով ընդհանուր իրավիճակը, գրում է. «... մարդկությունը 1919 թվականը դիմավորեց խանդավառ երազանքներով ու վարդազույն հույսերով, որ է-գուց միև օրը խաղաղութան հրեշտակը կը սաւառնի արևելքից-արևմուտք և տանջված երկրին կը բերի խաղաղութիւն, անդորր, կուլտուրական կեանքի հնարավորութիւն... Վերսայլի ... դռներից ներս սկսեց «առիւծի բաժնի» համար վեճը... Եւ յոյսերով սկսած 1919 թիւը էսօր վերջանում է կատարեալ հիասթափումով...» և ապա շարունակում. «... այս երկու փոթորկոտ և արիւնոտ տարիների վայրիվերումների շնորհիւ, մեր հասարակական կեանքը ընթացել է միմիայն աննորմալ պայմաններում: Մի կողմից, նախկին պետական իշխանութեան քայքայում, որի հետևանքով գլուխ բարձրացրեց մեր երկրում անկախութիւնը, միև կողմից՝ տաճկական հայաջինջ քաղաքականութեան վտանգը, որ ստեղծել է ազգամիջեան թշնամութիւն՝ հայ և թուրք ժողովուրդների միջև, միանգամայն անհնար դարձրին զարգացնելու հասա-

րական որևէ ձեռնարկութիւն»<sup>9</sup>:

Անկախության հռչակումից հետո, Հայաստանի Հանրապետության կառավարության կարևորագույն որոշումներից մեկն էլ հայերենը պետական լեզու ճանաչելն էր և այն գործի դրվեց նաև Չանգեզուրում<sup>10</sup>:

Գտնվելով ադրբեջանական շրջափակման պայմաններում, տեղական իշխանությունները մեծ ուշադրություն էին դարձնում բանակի կազմակերպական ամրապնդմանը, բարոյական ոգու բարձրացմանը:

Գավառում 1920 թ. ծնունդ մուլեզնում էր բժավոր տիֆը: Փետրվարի 15-ից, երկու շաբաթով, փակվում են դպրոցները: Իշխանությունները հոգ էին տանում բժշկական ծառայության կազմակերպմանը, և ֆինանսական ծայրահեղ սուղ միջոցների պայմաններում անգամ, կարողանում էին «բժիշկների և ֆելդշերների շտատներ նշանակել Բուն Չանգեզուրում՝ Գորիսում, ապա՝ Սիսիանում՝ Բոնակոթում, Ղափանում՝ Հանքերում, Գեմվազում՝ Մեղրիում», (մեկական բժիշկ, մեկական ֆելդշեր), առանձին ֆելդշերական կետեր բաց անում խնձորեսկում, Տաթևում, Անգեղակոթում, Արծվանիկում: Մինաս Մինասյանը նշանակվում է շրջանի գլխավոր բժիշկ, որին պետք է ենթարկվեր նաև Գորիսի բուժօժանայությունը: Որպես սանիտարական միջոցառում, 1919 թվականի դեկտեմբերի 28-ից, բացվում է Գորիսի կառավարական բաղնիքը, որի ընդհանուր համարները տրամադրվում են գորքին ու որբանոցին:

Չանգեզուրի տարածքը, որը վիճելի էր Հայաստանի և Ադրբեջանի միջև, առայժմ շարունակում էր կառավարվել Հայաստանի Հանրապետության օրենքներով, կիրառել նրա որոշումները, դե-ֆակտո համարվելով նրա մի մաս<sup>11</sup>:

Այսպես, կտրված լինելով մայրաքաղաքից և համապատասխան գերատեսչությունների ու կառավարական մարմինների հետ ունենալով կապի դժվար լուծելի խնդիր, նահանգապետն ամբողջությամբ իր վրա է վերցնում հրահանգավորման գործընթացը և դեկտեմբերի 20-ին պետերին առաջարկում և հրամայում է «ի ղեկավարումն ցուցումներն իրենից ստանալ»<sup>12</sup>:

1920 թ. մարտի 25-ին՝ նահանգապետ Մելիք-Յուլյանի հրամանով, կիրարկման է դրվում «...Հայաստանի կառավարության Մինիստրների խորհրդի 1918 թվականի թիվ 19, Հայաստանի պառլամենտի 1919 թվականի նոյեմբերի 28 թիվ 72-73 որոշումը և օրենքները...»<sup>13</sup>

Ելնելով կառավարչական նպատակահարմարությունից, Գեղվա և Օխչու ձորերում կազմակերպվում է նոր՝ 6-րդ կոմիսարային շրջան, որի մեջ մտնում են նաև հայկական Քաջարանց, Քրդիկենց, Վերին Հանդ, Փուխրուտ, Փիր-Մազրա գյուղերը, որտեղ կոմիսար է նշանակվում Իվան Շահնազարյանը: Կատարվում են կադրային վերադասավորումներ: 4-րդ շրջանի կոմիսար Լևոն Միքայելյանը նշանակվում է 5-րդ շրջանում՝ Առաքել Շահբազյանի փոխարեն, ապա 6-րդ շրջանից 5-րդ ոստիկանական շրջանի ժամանակավոր կոմիսար է նշանակվում Իվան Շահնազարյանը:

Կառավարությունը մտահոգված էր նաև գյուղացիության սոցիալական դրությանը, փորձում էր, ուժը ներածին չափ պայքարել սոցիալական սուր իրավիճակը մեղմելու համար: Պարենավորման կոմիսար է նշանակվում Նիկոլայ Կրմենանցը: Հանդես գալով «Սյունիք» թերթի էջերում, նա գրում է. «Գյուղական աշխարհում տիրող պարագիտ կուլակները դեռ յետ չեն քաշվել աշխատաւոր գյուղացիութեան կմախկացած մարմնի հիւթը ծծելուց... Արդարութիւն, շիտակութիւն և խիղճ ասած բանը գոյութիւն չունեն մեր գիւղերում... Գիւղացու աղքատիկ գրպանն է, որ լցնում է անպարտաճանաչ կաշառակեր պաշտոնեաների գրպանները... (գեներալ-կոմիսարի- Ս.Խ.) ձգտումն էլ այն է, որ արմատախիլ անի գիւղական աշխարհում տիրող բոլոր ցեցերին, կուլակներին և ցեց պաշտոնեաներին...»<sup>4</sup>:

Զանգեզուրի արտաքին կապերն այս շրջանում պահպանվում էին հիմնականում Պարսկաստանի հետ՝ Մեղրիի վրայով<sup>5</sup>:

Առտնին գործունեության մի վկայություն է նաև Գորիս-Քեշիշքենդ, Գորիս-Տեղ, Գորիս-Հանքեր-Գենվազ երթուղիներով փոստի կանոնավոր առաքումը: Բացվեցին փոստատներն ու կանոնավորվեց փոստային հարաբերությունը Երևանի հետ:

Փաստորեն երկրամասն ապրում էր, գործում, ուներ իր բազմաթիվ խնդիրները, որոնք փորձում էր լուծել սեփական ուժերով: Մինչդեռ, նրա շուրջ փոթորկվող քաղաքական իրադարձությունները երկրամասին հարկադրում էին մաքառել սեփական տանը ապրելու իրավունքը պահպանելու համար, ինչը փառահեղ կերպով հաջողվում է Սյունյաց Սպարապետ Մեծն Նժդեհին:



Հին Խնձորեսկ

## ՎՅՅԿԱԿԱՆ ՊԵՏԱԿԱՆՈՒԹՅԱՆ ՎԵՐԱԿԱՆԳՆՈՒՄԸ ԶՆԱԳԵԶՈՒՐՈՒՄ

20-րդ դար

### Սյունիքի ինքնավարության հռչակումը

Սյունիքի ինքնավարության հռչակման մասին հանգամանորեն անդրադարձել է Ա. Սիմոնյանը:

Մինչ Արարատյան Հանրապետության դրության կայունացումը, Զանգեզուրի ռազմաքաղաքական իրավական դրության վերջնական պարզվելը, երկիրը պետք է ապրեր ու կառավարվեր սեփական օրենքներով: Իսկ օրենքներ կարող էր ստեղծել ժողովրդի հավաքական կամքը: Անհրաժեշտ էր նաև ի մի բերել գավառում թուրք-բոլշևիկյան զինված ուժերի դեմ անցած ամիսներին մղված արյունալի կռիվների արդյունքները, նաև՝ մշակել ու ընդունել ապագա գործողությունների ծրագիր: Այդ խնդիրները պետք է լուծեր Համազանգեզուրյան առաջին համագումարը<sup>1</sup>:

Համագումարի նախապատրաստական աշխատանքներն սկսվեցին 1920 թվականի դեկտեմբերի կեսերից: Գարեգին Նժդեհը և Գյուղացիական ժամանակավոր խորհուրդը գավառի բոլոր շրջաններ ուղարկեցին հեռախոսագրեր՝ պահանջելով իրավիքել շրջանային համագումարներ, նախապես այդ համագումարների պատվիրակներ ընտրելով գյուղական համայնքներում: Շրջանային համագումարներին առաջարկվում էր քննարկման դնել Հայաստանում տեղի ունեցած հեղաշրջման և դրա նկատմամբ շրջանի բնակչության բռնելիք դիրքի հարցը, ինչպես նաև ժողովրդական հիմունքներով ընտրել Համազանգեզուրյան համագումարի պատգամավորներ և նրանց Տաթև ուղարկել համապատասխան մանդատներով:

Զանգեզուրի բոլոր շրջանների գյուղական համայնքներում ժամանակին անցկացվեցին ժողովներ, առաջադրվեցին, քննարկվեցին և ընտրվեցին շրջանային համագումարի պատգամավորներ: Այդ համագումարները, իրենց հերթին, ընտրեցին Համազանգեզուրյան առաջին համագումարի պատգամավորներ, որոնք մեկնեցին Տաթև:

Բացառություն էր կազմել Արևիքի (Մեղրու) շրջանը, ուր հեռախոսագիրը հասել էր մեծ ուշացումով՝ դեկտեմբերի 21-ի երեկոյան:

Դեկտեմբերի 21-ի լույս 22-ի գիշերը Արևիքի բոլոր 14 հայկական գյուղերում տեղի են ունենում հասարակական ժողովներ, որոնք ընտրում են ներկայացուցիչներ և շտապ մանդատներով ուղարկում Մեղրի գյուղ շրջանային գյուղացիական համագումարի: Դեկտեմբերի 22-ին բացված համագումարին 12 գյուղերից ներկա էին 68 պատգամավորներ: Բացակայում էին Կարճևանի և Ավկեզի ներկայացուցիչները:

Արևիքի գյուղացիական պատգամավորների համագումարի օրակարգի հարցերն էին.

1. Հայաստանում տեղի ունեցած հեղաշրջումը և Արևիքի ժողովրդի բռնե-

լիք դիրքը:

2. Համազանգեզուրյան համագումարին ներկայացուցիչներ ուղարկելու մասին:

Օրակարգի առաջին հարցի քննարկումից հետո ընդունվեց հետևյալ որոշումը.

«Բուլղարիայի իշխանությունը բռնի կերպով է փաթաթված հայ ժողովրդի վզին, Հայաստանը սովետական է հայտարարված տաճկական և ռուսական զորքի բռնուցքի ճնշման տակ: Նորմալ պայմանների մեջ երբեք նման քաղաքական հեղաշրջում չէր կարող կատարվել Հայաստանում, ընդհակառակը, շատ անգամ Հայաստանը ցայտուն կերպով արտահայտել է, որ **ինքը Ազատ և Անկախ Հայրենիք է ցանկանում:**

Արևիքի ժողովրդական ներկայացուցիչներս համոզված ենք, որ այս պայտամբությունն ավելի արագ կկատարվի, եթե Ձանգեզուրը կանգուն մնա իր սահմանների մեջ: Իսկ ժողովրդի հոգին և հերոսական կամքն անընկճելի է, այն է՝ ապրել ազատ: Այդ իսկ նկատառումներով, Արևիքի ժողովրդական ներկայացուցիչներս՝

դեկտեմբերի 22-ի ժողովում գտանք, որ մեր հորիզոնների վրա դեռ փրկության ճառագայթները ընդմիշտ չեն մարել, որ կա փրկության ճանապարհ, ուստի, որոշեցինք պաշտպանվել մինչև վերջին հնարավորությունը»<sup>2</sup>:

Պատգամավորները Մեղրիից դուրս եկան, բայց Լիճք-Տաշտունի ճանապարհն առատ ծյան պատճառով փակվել էր, և նրանք ստիպված էին ետ վերադառնալ ու դեկտեմբերի 23-ին անցնել Հանքերը:

Նրանք Հանքերից հեռախոսով Տաթև հղեցին Արևիքի գյուղացիական համագումարի որոշումը, ավելացնելով, որ արևիքցիները լի են անկոտրում վճռականությամբ. «Թույլ չտալ ոչ մի օտար զորքի և օտար մարդկանց ներս խուժելը մեր երկրի սահմանները և խառնվելը մեր ներքին գործերի մեջ»<sup>3</sup>:



## Տաթևի համագանգեզուրյան I-ին համագումարը

Այսպիսով, Հայաստանի խորհրդայնացումից մի քանի օր անց՝ 1920 թ. դեկտեմբերի 25-ին, Տաթևի վանքում տեղի ունեցավ համագանգեզուրյան I-ին համագումարը, որի գլխավոր հարցը խորհրդային Հայաստանի նկատմամբ ունենալիք վերաբերմունքն էր: Այն օրակարգում ձևակերպված էր այսպես՝ «Ձեկուցում Հայաստանի քաղաքական անցուղարձերի մասին և համագումարի բռնելիք դիրքը»: Համագումարի վերաբերմունքի ընտրության մեջ կարևոր տեղ ու դեր էր տրվում այն բացասական արդյունքներին, որ ունեցել էր խորհրդային իշխանության ժամանակավոր գոյությունը Ձանգեզուրում 1920 թ.՝ հուլիս-նոյեմբեր՝ հինգ ամիսների ընթացքում: Այդ ամիսների արդյունքները համագումարի էր բերել Ձանգեզուրի գյուղացիական ժամանակավոր խորհուրդը իր 1920 թ. նոյեմբերի 30-ի նիստում: Գյուղացիական ժամանակավոր խորհուրդը, որպես ժամանակավոր կառավարման օրգան, ստեղծվել էր Ձանգեզուրի ազատագրումից հետո, որը գործելու էր մինչև համագումարի միջոցով հիմնական իշխանության ստեղծումը:

«Ձանգեզուրի գյուղացիական խորհրդի այսօրվա նիստում, - կարդում ենք արձանագրության մեջ, - որոշվեց արձանագրել տարվույս հուլիսի 5-ից նոյեմբերի 20-ը խորհրդային կառավարության միջոցով և կարգադրությամբ կատարված սպանությունները, բռնագրավումները և բռնությունները, որոնք գործադրված են ազգաբնակչության բոլոր խավերի նկատմամբ Ձանգեզուրում»: Այնուհետև, տվյալներ են բերված ըստ գյուղերի և ամբողջությամբ վերցված՝

«Ազատ Այուրիք» հրատարակության մեջ, որպես օրինակ, բերված է միայն Կոռնիծոր և Տեղ գյուղերի բնակիչների համախոսականների սեղմ բովանդակությունը, որը ներկայացնում է սարսափելի պատկերներ: Կարմիր բանակի, նրա կազմում թուրքական «կամավորների կարմիր» դիվիզիայի օկուպացիան, բուլղարիկների տիրապետությամբ հանդերձ, երկրամասում» ստեղծել էր ահաբեկչության ծանր մթնոլորտ<sup>4</sup>: Նման պայմաններում աննպաստ կարծիք էր ստեղծվել և անվստահություն ձևավորվել նաև խորհրդային Հայաստանի նկատմամբ: Ելնելով այդ ամենից, համագումարը որդեգրեց «առայժմ սպասելու» մարտավարությունը: Առայժմ սպասելու և հարցի լուծումը ձգձգելու մարտավարությունը շարունակվեց նաև հետագայում, ընդհուպ, մինչև Ձանգեզուրի գոյամարտի ու ինքնապաշտպանության վերջը<sup>5</sup>:

Ձանգեզուրի բոլոր շրջանների 69 գյուղերից ներկա էին ըստ բնակչության թվի ընտրված պատգամավորները, գավառի բոլոր շրջանային խորհուրդների 15 ներկայացուցիչները, Ձանգեզուր-Գողթանի սպարապետ Գարեգին Նժդեհը, ընդամենը՝ 118 մարդ<sup>6</sup>:

Համաժողովի դիվանի կազմում ընտրվում են Գեղեոն Տեր-Մինասյանը՝ նախագահ, Եգոր Հարությունյանը և Տիգրան Մելիք-Հուսեփյանը՝ փոխնախագահներ, Սամվել Մաշուրյանը և Նիկոլայ Դորունցը՝ քարտուղարներ:

### Համագումարի օրակարգը

Առաջարկվում է համագումարի հետևյալ օրակարգը.

1. Ձեկուցում Հայաստանի քաղաքական անցուդարձերի մասին և համագումարի բռնելիք դիրքը:
2. Իրենց գործունեության մասին բոլոր շրջանային խորհուրդների զեկուցումները:
3. Ինքնավար Սյունիքի հռչակումը և նրա կառավարման ձևի որոշումը:
4. Ինքնավար Սյունիքի իշխանության կազմակերպումը (Սպարապետի հրավիրումը, Ինքնավար Սյունիքի պառլամենտի դիվանի, Ինքնավար Սյունիքի վերահսկիչ մարմնի ընտրությունները):
5. Իշխանության կենտրոնատեղի որոշումը:
6. Արտաքին քաղաքականություն (փոխհարաբերությունների մշակու Հայաստանի և Ադրբեջանի խորհրդային հանրապետությունների, Պարս կաստանի կառավարության և հարևան թուրքերի հետ):
7. Ինքնապաշտպանության հարց:
8. Պարենավորման հարց:
9. Պետական ծառայողների ռոճիկների նորմաների որոշման հարց:
10. Մասնավոր խոշոր սեփականությունների պետականացում.  
ա. վանքապատկան և եկեղեցական,  
բ. խաների, բեկերի և մելիքների,  
գ. արդյունաբերական ձեռնարկությունների պետականացման հարց,  
11. Ընթացիկ հարցեր (որբանոցի, ջուլհականոցի բացման, նախկին կառավարություններից զանազան անձնավորությունների մոտ մնացած գումարների պահանջման, դրամների գործադրության հարցը):  
Ինչպես տեսնում ենք, համագումարը, ըստ էության, նաև Սահմանադիր ժողովի դեր է կատարում, քանի որ քննության էին առնվելու մի շարք հիմնական պետական սկզբունքներ, մասնավորապես որոշվելու էր նաև երկրի պետական կառույցի խնդիրը:  
«Սովետական կառավարութիւնը իր ալան-թալանը, իր ճնշումները, իր բռնութիւնները կատարեալ կերպով առաջ տանելու համար, հարիւրավոր անմեղ մարդիկներ բանտ ձգեց ու խեղդեց:  
Ձանգեզուրի աշխատաւոր գիւղացիութիւնը այլևս չկարողացաւ տանել նման բարբարոսութիւններ, որոշեց դուրս վրնդել սովետական Ռուսաստանի զօրքերին և նրա դիմակի տակ թաքնված ադրբեջանական վարձկաններին...»:<sup>2</sup>  
Մյուս կողմից, պատգամավորներն այն տեսակետն էին արտահայտում, որ խորհրդային Հայաստանի նորածին իշխանությունը տվյալ իրադրության մեջ ի վիճակի չէ պաշտպան կանգնելու Ձանգեզուրին, առավել ևս՝ անգոր է գավառն ընդգրկելու հանրապետության կազմի մեջ:  
Ելնելով դրանից, համագումարը պարզեց «Ձանգեզուրը յայտարարել

ժամանակաւորապէս ինքնավար, մտցնելով հանրապետական իրաւակարգ, մնալով անկախ, մինչև քաղաքական հնարաւորութիւն կունենայ միանալու իր մայր երկրի՝ Հայաստանի հետ»<sup>2</sup>:

Պատգամավորներն իրենց ելույթներում նկարագրում էին Ձանգեզուրի ծանր տնտեսական վիճակը, ցավով նշում, որ վաղուց դադարել են աշխատելուց Ղափանի պղնձահանքերը և ծուլարանը, փակվել են Գորիս քաղաքի մանր ձեռնարկությունները:

Ծայրահեղ անկման էին հասել գավառի արդյունաբերությունն ու գյուղատնտեսությունը: Խոպան էին մնացել դաշտերը, բարձիթողի վիճակում այգիները: Կեր չկար կովերի ու լծկանների համար:

Երեք երկար տարիներ մեկուսացված լինելով դրսի աշխարհից, գավառի բնակչությունն իր գոյությունը պահպանում էր միայն ու միայն ներքին աղքատ միջոցներով՝ ամեն ինչում տնտեսելով, հաճախ ուղղակի զրկելով իրեն:

Շրջանառության մեջ գտնվող անդրկովկասյան բուն թղթադրամները և Հայաստանի Հանրապետության չեկերն արժեզուրկ էին, չէին երաշխավորված որևէ տարադրամով, ուստի, առևտուրը ոչ այլ ինչ էր, քան պարզ ապրանքափոխանակություն: Այդ ամենի մասին խոսում էին համագումարի պատգամավորները և առաջարկներ անում, թե ինչպես շտկել դրությունը:

«Ձանգեզուրի աշխատավոր գյուղացիությունը,- կարողում ենք համագումարի որոշման մեջ,- մոտ 5 ամսվա ընթացքում դատարկեց դառնության բաժակը մինչև վերջին կաթիլը: Խորհրդային հրամանատարությունը հենց առաջին քայլից գավառիս գյուղացիության նկատմամբ սկսեց իր ավերիչ, քայքայիչ քաղաքականությունը, որի առաջ նսեմանում են պատմական լեռն-թեմուրյան և արևելքի բարբարոսների արշավանքներն ու գործելավերպը»:

«Ինքնավար Սյունիքի» հռչակման անհրաժեշտությունը և «մինչև»-ի իմաստը բացատրել է Նժդեհը 1923 և 1925 թթ. իրատարակած հոդվածներում: «Հայաստանի Հանրապետության անկումից հետո,- գրել է նա,- երբ Կարմիր բանակի հրամանատարության հետ իմ կողմի բանակցությունները մնացին անհետևանք, երբ կարմիրները, «չլացած Երևանի կամովին խորհրդայնացումից», մերժեցին հաշտության իմ առաջարկած նախնական պայմանները, ստիպեցին Սյունիքը հայտարարել անկախ: «Սյունիքը չէր կարող տեղի տալ, քանի դեռ տաճկական զորքերը գտնվում էին Ալեքսանդրապոլում, Շարուրում և Նախիջևանում, միշտ պատրաստ, ցանկության դեպքում արհամարհելու Երևանի բոլշևիկյան ուժերը և շարժվելու Սյունիքի դեմ»: Միաժամանակ, Նժդեհը խոսում է «կարմիր կացնի սարսափի տակ» ընկած «ամբողջ հայ մտավորականության» շահերի մասին<sup>3</sup>:

Նորից անդրադառնալով տվյալ հարցին, Նժդեհը նշում է, որ Հայաստանի Հանրապետության անկումով Ձանգեզուրը դադարեց ինքնանպատակ լինելուց և դարձավ միջոց, որով խնդիր էր դրված ապահովել «մեր լեռնա-

հայության ֆիզիկական գոյությունը սովետ-պանիսլամական վտանգից», «փրկել Հայաստանի հողը մահացու անդամահատությունից, իսկ հայ մտավորականությանը՝ գլխովին ոչնչացումից»: Ուստի, պետք էր, Ձանգեզուրը «ներքուստ ավելի ևս ամրացնելու նպատակով», հռչակել այն «Ինքնավար Սյունիք»<sup>4</sup>:

Այսպիսով, եթե մինչև Հայաստանի խորհրդային դառնալը Ձանգեզուրը պայքարում էր Ադրբեջանի հավակնություններից պաշտպանվելու համար, ապա դրանից հետո նա վերածվեց միջոցի՝ ստիպելու, որ խորհրդային իշխանությունն ընդունի իր պայմանները խորհրդային բանտերից ազատելու հայ մտավորականներին, ինչպես նաև կանխելու խորհրդա-քեմալական հետագա հնարավոր վտանգը Հայաստանի նկատմամբ:



Տաթևի վանք. Պողոս-Պետրոս տուճարի զանգերից մեկը (1304 թ.)

## ՍՅՈՒՆԻՔԻ ՍԱՀՄԱՆԱԴՐՈՒԹՅՈՒՆԸ «Կառավարության ձևի գլխավոր գծեր»

Տաթևի համագումարն ընդունեց Ինքնավար Սյունիքի, այսպես կոչված, սահմանադրությունը, որն անվանվում է «Կառավարության ձևի գլխավոր գծեր»: Ըստ դրա, բարձրագույն օրենսդիր մարմինը խորհուրդն էր /պառլամենտ-խորհրդարանը/ որպես ընտրովի մարմին: Տվյալ պահին համագումարը հայտարարվեց օրենսդիր: Գործադիր մարմինը կամ պրեզիդիում-դիվանն ընտրվում էր խորհրդարանի անդամներից և ոչ անդամներից՝ 6 ամիս ժամանակով, 9 հոգուց բաղկացած, որը ղեկավարելու էր երկրի զինվորական ու քաղաքացիական բոլոր գործերը:

Որոշման մեջ ուղղակի նշվում է որ. «Համագումարը միաձայն ընդունում ու հաստատում է ինքնավար Սիւնիքի կառավարութեան ձևի հետևեալ գլխաւոր գծերը.

Սոյն համագումարը ճանաչել ինքնավար Սիւնիքի բարձր օրենսդրական մարմին-պարլամենտ և վերապահել նրան Սիւնիքի բախտի լիակատար տնօրէնութիւնը»<sup>5</sup>:

Խորհրդարանն էր նշանակում և արձակում զինվորական ընդհանուր հրամանատարին, պատերազմ հայտարարում, հաշտություն կնքում, արտակարգ դեպքում դա վերապահելով նաև սպարապետին:

Ըստ նշված սահմանադրության կամ սահմանադրական օրենքի, Սյունիքում հաստատվում են հանրապետական կարգեր. կառավարման հանրապետական խորհրդարանական ձև: Խորհրդարանի կազմումը բավական ժողովրդավարական է: Փաստորեն, յուրաքանչյուր գյուղական համայնք իր պատգամավորն ուներ պառլամենտում: Ընդհանուր գծերով «Սյունյաց սահմանադրությունը» հիշեցնում է «Որոգայթ փառաց»-ի ընտրահամակարգի սկզբունքները\*:

«Սյունիքի սահմանադրությունը» խորհրդարանը (պառլամենտը) հաստատում է ոչ միայն որպես Սյունիքի բարձրագույն օրենսդիր մարմին, այլև որպես Սյունիքի բախտի լիակատար տնօրենի: Հատկապես ուշագրավ է այն հանգամանքը, որ խորհրդարանի գերակայությունը, կոլեգիալ կառավարմանը գերապատվություն տալու գաղափարը հետևողականորեն ամրագրվել է հայկական հիմնական սահմանադրական ակտերում: «Որոգայթ փառաց»-ում, Արևմտահայ Ազգային սահմանադրության (1860-63 թթ.) մեջ, ինչպես տեսանք՝ նաև «Սյունյաց սահմանադրություն»-ում, կամ սահմանադրական օրենքում: Խորհրդարան-պառլամենտի իշխանության մյուս թևերի

\*«Որոգայթ փառաց»-ի մասին մանրամասն տես Մ. Մ. Թելուց, Հայ ազգային ազատագրական շարժումը 18-րդ դարի երկրորդ կեսին և իրավաքաղաքական միտքը, ԳԳ ԳԱԱ «Գիտություն» հրատարակչություն, Երևան, 1995 թ.:

նկատմամբ գերակայության գաղափարը բուրժուադեմոկրատական կարգերի երկունքի շրջանի արդյունք էր: Այդ գաղափարն իր ուղղակի ազդեցությունն ունեցավ նաև ժամանակաշրջանի հայ իրականության վրա: Սակայն համայնական կառավարման միտումներն ու պրակտիկան հայ իրականության մեջ ավելի խորը ակունքներ ունեն, արդեն 5-րդ դարի հայ պատմագիրները բազմիցս հիշատակում են աշխարհաժողովների մասին, որոնցում թե՛ իշխանների, և՛ թե՛ շինական-ռամիկների մասնակցությամբ քննարկվում էին երկրի հասարակական-պետական կյանքին վերաբերվող կարևորագույն հարցեր\*:

### *Վարչատերիտորիալ բաժանումը*

Վարչական տեսակետից Սյունիքը բաժանվում էր 6 շրջանների՝ Բուն Ջանգեզուր, Տաթևի ձոր, Ղափան, Ղարաբասի ձոր, Սիսիան և Գենվազ: Շրջանում իշխանությունը պատկանում էր գործադիր մարմնին, 3-5 անդամով, դարձյալ՝ 6 ամիս ժամանակով: Նրանց վերապահված էր շրջանների ներքին հարցերի լուծումը, որոնք չունեին համապետական նշանակություն: Շրջանային գործադիր մարմինն ուներ իր մասնաճյուղերը՝ ներքին գործերի, պարենավորման և զինվորական:

Շրջանը /գավառակը/ ուներ իր գավառապետը և շրջանային կոմիսարները, որոնց ընտրում էր շրջանային գործադիր մարմինը իր կազմից և հաստատում խորհրդարանի դիվանը:

Գյուղը կամ համայնքն ուներ իր գյուղական կոմիսարը, որոշ դեպքում, նաև՝ կոմիսարի օգնականը: Նրանք ընտրվում էին գյուղական հասարակության և համայնքի կողմից և հաստատվում շրջանային գործադիր մարմնում:

Ինքնավար Սյունիքի վերահսկիչ մարմինը վերահսկում էր պետական հիմնարկությունների գործունեությունը:

### *Կառավարության (դիվանի) ընտրությունը, Սյունյաց սպարապետի հրավիրումը*

Համագումարի առանձին միաձայն որոշմամբ, ազատարար և հերոս Նժդեհը հրավիրվեց որպես Սյունյաց սպարապետ:

Համագումարը, գաղտնի քվեարկությամբ, ընտրեց դիվանի /կառավարության/ 8 անդամներ: Գենվազը, որի ներկայացուցիչները տեղ չհասան համագումարին մասնակցելու համար, ընտրելու էր դիվանի 9-րդ անդամին:

### **Ինքնավար Սյունիքի իշխանության կենտրոնատեղին Գորիսն էր:**

Համագանգեզուրյան համագումարը որոշումներ ընդունեց նաև արտա-

քին հարաբերությունների վերաբերյալ: «Ջանգեզուրը միշտ ձգտել է լինել Մայր երկրի՝ Հայաստանի Հանրապետության անբաժան մասը,- արձանագրել է համապատասխան բանաձևը: Բայց, նկատի առնելով Հայաստանի վերջին քաղաքական փոփոխությունները, որ նա, ստիպված, մի շարք քաղաքական անբարեհաջող հանգամանքներից ելնելով, իրեն հայտարարել է խորհրդային, մի իրավակարգ, որի հետ երբեք չի կարող հաշտվել մեր ժողովուրդը, համագումարը որոշեց, մինչև նրա այդ իրավակարգից բաժանվելը, գործել սեպարատ և ապրել ուրույն կյանքով»:

Բանաձևեր ընդունվեցին նաև Աղբրեջանի կառավարության հետ բարեկամական վերաբերմունքի, Պարսկաստանի հետ փոխհարաբերությունները զարգացնելու, այնտեղ ներկայացուցիչ ունենալու, ինչպես նաև Ջանգեզուրում հարևան թուրք բնակչության հետ թշնամանքը դադարեցնելու, երկու դարավոր հարևանների միջև սերտ բարեկամություն հաստատելու մասին\*:

Ինքնավար Սյունիքի դիվանի /կառավարության/ նախագահ ընտրվեց Գեղեոն Տեր-Սիմասյանը:

Մինչև 1920 թ. դեկտեմբերի 25-ը՝ հակառակորդից ազատագրված Ջանգեզուրը ղեկավարում էր 7 մարդուց բաղկացած Գյուղացիական ժամանակավոր խորհուրդը: Սակայն, ինչպես գրել է Ս. Վրացյանը, «երկրի գերագույն իշխանությունը, փաստորեն, հանդիսանում է սպարապետ Նժդեհը: Նժդեհի անձնական հատկությունները և նրա արտակարգ ազդեցությունը ժողովրդի վրա սովորի մեջ են թողնում կառավարությունը»: Այսպիսով, կարելի է ասել, ինչպես նկատել է Սիմոն Վրացյանը, համագանգեզուրյան 1-ին համագումարն ուներ սահմանադիր ժողովի նշանակություն:

Համագումարից հետո՝ 1921թ. փետրվարի 23-ին, հրապարակվեց Ինքնավար Սյունիքի կառավարության առաջին կոչը «Հայ ժողովրդին», ուր գնահատվում էր երկրամասի ինքնավարության հռչակումը և մեծարվում Նժդեհի սպարապետությունը:



\*Տես Փափստոս Բուզանդ, Հայոց պատմություն, Երևան, 1987, էջ 87-109:  
Ղազար Փարպեցի, Հայոց պատմություն, Երևան, 1982, էջ 103-143:



**Սպարապետի օծումը Գորիսի Սբ. Գ. Լուսավորիչ եկեղեցում**



1921 թ. փետրվարի 21-ին Գորիսի Սուրբ Լուսավորիչ եկեղեցում՝ հանդիսավոր իրադրության մեջ, օծվել էր սպարապետին հանձնվող գոտին և եռագույն դրոշը, որը դարձյալ նա էր ընդունել:

«Հայ ժողովուրդը,- ասված է կոչում, կառավարությունը՝ ժողովրդի անունից, սպարապետին հանձնելով ազատ Սյունիքի դրոշակը, դրա հետ մեկտեղ հանձնել է և «մեր քաղաքական բախտը», համոզված լինելով, որ, ինչպես մինչև այսօր, այսուհետև ևս, նա կշարունակի «փառավոր հաղթություններով ապացուցել աշխարհին, որ հայ ժողովուրդը, տոգորված ազատ և անկախ հայրենիք ունենալու տենչով, պատրաստ է զոհաբերել այն ամենը, ինչ հարկավոր կլինի հասնելու ցանկացած նպատակին»<sup>7</sup>:

Հավանորեն, այս համագումարի մասին է խոսվում, չնայած փաստաթղթում նշվում է որպես 2-րդ համագումար, Կարմիր բանակի գրանցման բաժնի 1921թ. փետրվարի 11-ի Ձանգեզուրի շրջանին վերաբերող հետախուզական ամփոփագրում: «Գործակալական տվյալները,- ասվում է ամփոփագրում,- հաստատում են, որ կազմավորվել է պառլամենտ՝ նախագահությամբ հայտնի ավանտյուրիստ, ուսուցիչ Գեղեղնի: Ձինվորական մինիստր է նշանակվել Նժդեհը: Իրադարձությունների ընթացքին տոն է տալիս Հայաստանի նախկին դաշնակցական զինվորական մինիստր Ռուբեն փաշա Տեր-Մինասյանը: Համագումարում ընդարձակ զեկուցում է արել Նժդեհը և ասել, որ գարնանը Կարմիր բանակն անպայման կծեռնարկի իր խմբի վերացումը և հրավիրել է ներկաներին արտահայտել իրենց վերաբերմունքը: Եղել է նաև Կարմիր բանակին հանձնվելու առաջարկություն, քանի որ նա կարողացել է պարտության մատնել Կոլչակին, Դեճիկինին և Վրանգելին»<sup>8</sup>:

Խորհրդային Ադրբեջանը ուշադրությամբ հետևում էր Ձանգեզուրի իրադարձություններին, որին տիրելու նրա փորձերը մատնվել էին անհաջողության: 1921թ. փետրվարի 15-ին Շուշիի հեղկոմը և Նարիմանովին (Օրջոնիկիձեի համար) ուղարկած գրության մեջ հայտնում էր, թե Ձանգեզուրից Կարմիր բանակի հեռանալուց հետո /խոսքը 1920 թ. նոյեմբերին Ձանգեզու-

րում Կարմիր բանակի կրած խայտառակ պարտության մասին է/ Ղարաբաղի քաղաքական դրությունն ավելի է վատթարացել: «Այդ կապակցությամբ Ձանգեզուրի դաշնակցականները կազմակերպել են գյուղացիական խորհուրդ, «Ինքնավար կառավարության» գլխավորությամբ /հասկանալի 1-ին համագումարը-<sup>9</sup> և, զգալով մեր թուլությունը, որոշել են իրականացնել իրենց վաղեմի ցանկությունը՝ դաշնակցական իշխանության տիրապետությունը Ձանգեզուրում և Ղարաբաղում»: Այդ նպատակով,- շարունակում է հեղկոմը,- առայժմ, հնարավորություն չունենք հարձակվել Քրդստանի ուղղությամբ, դաշնակցականները ապստամբություն են բարձրացրել Վարանդայի 2-րդ տեղամասում՝ Խանքենդի 1-ին տեղամասի հետ միանալու համար:

**Սյունիքի պառլամենտը (խորհրդարանը)**

Այսպիսով, Սյունիքի ինքնավարության հռչակմամբ դրվեցին Լեռնահայաստան հայկական պետության հիմքերը: Ստեղծվեց նրա իշխանության բարձրագույն օրենսդիր մարմինը՝ **խորհրդարանը**, ի դեմս համագումարի:

Սահմանվեց նրա ձևավորման կարգը՝ 100 ծուխ ունեցող համայնքից 1, 100-200-ից՝ 2, 200-ից ավելի ծուխ ունեցող համայնքներից 3 պատգամավոր:

ա) զինվորական ընդհանուր իրամանատարի սպարապետի ընտրությունը,

բ) պատերազմ հայտարարելու և հաշտության բանակցություններ վարելու իրավունքը, իսկ արտակարգ դեպքերում դա վերապահվում էր նաև սպարապետին,

գ) երկրի թե՛ քաղաքացիական, և՛ թե՛ զինվորական կառավարչական ձևի հաստատումը և օրենսդրությունը:

Եթե նայում ենք հարցին պետության և իրավունքի տեսության տեսանկյունից, որ օրենսդրական իշխանության ֆունկցիան իրականացնում են պետության բարձրագույն ներկայացուցչական մարմինները, որն իրականացնում է.

ա) ֆինանսական լիազորություններ, բ) վերահսկողություն գործադիր իշխանության նկատմամբ, գ) մասնակցում է գործադիր իշխանության կազմավորմանը և այլն, ապա, ակնհայտ է դառնում, որ ինքնավար Սյունիքն արդեն ուներ պետությանը բնորոշ իր պառլամենտը:

Պառլամենտի կողմից հետևյալ կերպ էր կազմակերպվում ինքնավար Սյունիքի կառավարությունը. «Պարլամենտը ընտրում է 6 ամիս ժամանակով 9 հոգուց բաղկացած կառավարութիւն և ցրում: Մինչև պարլամենտի նոր նստաշրջանը, կառավարութեանն է անցնում այդ երկրի զինուորական և քաղաքացիական բոլոր գործերի ղեկավարութիւնը, որը և կիրառում է կեանքի մեջ, Պարլամենտից բղխած բոլոր օրենքներն ու որոշումները:

Ծանօթութիւն. Պառլամենտը կառավարութեան անդամ կարող է ընտրել նաև ոչ պարլամենտի անդամները:



դ) Կառավարութեանն է վերապահուում գինւորական ընդհանուր հրամանատարի-սպարապետի հրաւիրումը և արծակումը:

ե) Կառավարութեանն է վերապահուում պատերազմ յայտարարելու և հաշտութեան բանակցութիւններ վարելու իրաւունքը, իսկ արտակարգ դէպքում, այդ վերապահուում է նաև սպարապետին:

զ) Երկրի թե քաղաքացիական և թէ գինւորական կառավարչական ծևերի հաստատումը և օրէնսդրոթյունը:

է) Կառավարութիւնը ունենում է հետևյալ վարչութիւնները 1) Ներքին-գործերի, 2) Արտաքին-գործերի, 3) Պարենաւորման, 4) Արդարադատութեան, 5) Ֆինանսական, 6) Լուսաւորութեան, 7) Արևտրա-Արդյունաբերութեան, 8) Հողային, 9) Ճանապարհների հաղորդակցութեան (պոստ, հեռագիր, հեռախոս և խճուղի), 10) Խնամատարութեան:

ը) Բոլոր խոշոր և կարևոր խնդիրները, մասնաւորապէս ներքին ու արտաքին քաղաքականութեանը վերաբերող, իրենց լուծուում ստանում են ոչ թէ այս կամ այն վարիչի, այլ կառավարութեան ամբողջ կազմի կողմից:

թ) Բոլոր պատասխանատու պաշտօնեաները հաստատուում են կառավարութեան կողմից, վարիչների առաջարկութեամբ:

ժ) Չինւորական բոլոր տեսակի գործերը տարւում են սպարապետի դեկավարութեամբ, որը այդ մասին իրազեկ է դարձնում կառավարութեան»:

Այսպիսով, սահմանադրական մակարդակով կարգավորվում է նաև ոչ միայն կառավարության կազմակերպման կարգը, այլև ստույգ որոշում է նրա կարգավիճակը:

Համագումարի կողմից ստեղծվում են նաև իշխանության ու կառավարման տեղական մարմինները և որոշվում նրանց իրավասութիւնների շրջանակը, որոնց կանդորդառնանք հաջորդ Լեռնահայաստանի հռչակմանը նվիրված բաժնում:

## ՏԱԹԵՎԻ ՀԱՍՏԱՉԱՆԳԵԶՈՒՐՅԱՆ 11 ՀԱՍՏԱԳՈՒՄԱՐԸ ԼԵՌՆԱՀԱՅԱՍՏԱՆԻ ԱՆԿԱԽՈՒԹՅԱՆ ՀՈՉԱԿՈՒՄԸ

Սյունիքի խորհրդարանի դիվանի հրավերով 1921թ. ապրիլի 26-ին Տաթևի վանքում կայացավ Ինքնավար Սյունիքի հայ ազգաբնակչության 2-րդ (Արտակարգ) համագումարը, որտեղ 64 գյուղից ներկա էին 95 պատգամավոր և Սպարապետ Նժդեհը:


### Օրակարգը

Համագումարը հաստատում է հետևյալ օրակարգը. 1. Ինքնավար Սյունիքի դիվանի կազմի հրաժարականը: 2. Պարենավորումը: 3. Ինքնավար Սյունիքի սահմանադրության վերամշակումը: 4. Ազատ հողերի բաշխման հարցը: 5. Պաշտոնյաների վարձատրության մասին: 6. Պարոցական գործ: 7. Պետական հարստության պահպանության մասին: 8. Նոր կառավարության (դիվանի) ընտրություն: 9. Համագումարում հարուցվելիք խնդիրներ:

Համագումարը վարչապետ ընտրեց Նժդեհին, նրան հանձնարարելով նոր կառավարության կազմավորումը: Կառավարության անդամը կոչվելու էր նախարար<sup>20</sup>:

Նույն օրը պառլամենտը ողջունեց գորքին ու նրա հրամանատարներին, նրանց մաղթելով նոր հաղթանակներ<sup>21</sup>:

Նժդեհը, հանդես գալով գեւուցմամբ, հանգամանալից հաշվետվութիւն է տալիս, կատարում է Ինքնավար Սյունիքի ռազմաքաղաքական և սոցիալ-տնտեսական իրավիճակի բազմակողմանի ու խոր վերլուծությունը, հանրագումարի բերում նախորդ համագումարից հետո կատարված աշխատանքները, ժամանակների հրատապ խնդիրները: Սպարապետի սպառիչ զեկուցումից հետո, համագումարի պատգամավորներն այլևս ավելորդ են համարում լսել հաշվետու մյուս զեկուցումներն առանձին-առանձին և անցնում են մտքերի փոխանակության:



## Պարենավորման հարցը

Այնուհետև քննարկվում է պարենավորման հարցը, որի մասին դարձյալ զեկուցում է Նժդեհը: Նա նկարագրում է տնտեսական ծանր կացությունը՝ գավառում, բնակչության կրած տառապանքները, որոնք անընդհատ խորանում էին Արարատյան դաշտից եկած հազարավոր գաղթականներին կերակրելու պատճառով:

Սյունիքը հացի մեծ կարիք ուներ սկսած դեռ 1918 թվականից, երբ Անդրկովկասը մատնվել էր քաոսի, երբ ծայր էին առել հայ-ադրբեջանական և հայ-վրացական բախումները, որի հետևանքով փակվել էին ճանապարհները, և լեռնաշխարհը կղզիացել էր: Բայց, եթե 1918-1919 թվականներին վիճակն ինչ-որ կերպ տանելի էր, ապա 1920 թ. ամառվանից, սովը չոքել էր զանգեզուրցիների դռանը: Ճիշտ է, 1920-ին Կարմիր բանակի զորքերից խլած հացի պաշարները փոքր-ինչ մեղմել էին զանգվածային սովը: Նժդեհի պատկերավոր խոսքերով ասած՝ զանգեզուրցին «հաց էր ճարել իր սրի ծայրով», բայց 1921 թ. գարնանը նա նորից սոված էր:

1921 թ. գարնան ամիսներին սովի սաստկացումը երկու պատճառների հետևանք էր. ա) Սյունիք թափված բազմահազար գաղթականությունը արագորեն նվազեցնում էր զանգեզուրցիների հացի՝ առանց այն էլ խղճուկ պաշարը, բ) Արաքսի վրայով Սյունիքից դեպի Պարսկաստան կամուրջ չլինելը և այդ երկրից բավարար քանակությամբ հաց չստանալը: Աշխարհից կտրված երկրամասը դրսի օգնության որևէ հույս չուներ:

Այս պայմաններում սովը սաստկանում էր օրըստօրե, ժամ առ ժամ: Շատ գյուղերի բնակիչների միակ սնունդը դաշտերի բանջարեղենն էր և արմտիքը: «Դիրքապահ վաշտերը շատ ռազմածակատներում ապրում էին վայրի շագանակի այլուրից պատրաստած հացով,- նշել է Նժդեհը,- Գողթանը գործածեց անգամ կատվի և էջի միս»<sup>22</sup>:

Սպառվելու վրա էր ռազմամթերքը: «Նման դժնդակ պայմաններում,- ասում էր Նժդեհը,- բանակները գոնե ժամեր դիմադրելու փոխարեն, թշնամու անարգանքին են հանձնում իրենց դրոշակները, «տեղի են տալիս կառավարությունները», բայց «սյունեցին չլքեց իր վահանը», քանզի նրա մարմնում «ցեղի հրաշագործ ոգին» էր: Կրելով գերմարդկային տառապանքներ, նա, զարմանալիորեն, չէր ընկճվում, չէր թուլացնում բազուկը, շարունակում էր ամուր բռնած պահել զենքը»<sup>23</sup>:

Համագումարին տված հաշվետվության մեջ Նժդեհը պատգամավորներին տեղեկացնում էր, որ հացի չնչին պաշարներն ինչ-որ չափով լրացնելու համար ինքնավար Սյունիքի իշխանությունները 1921 թ. գարնանը մի շարք փորձեր են արել հաց հայթայթել հարևան ադրբեջանական թուրքաբնակ և քրդաբնակ Ավդալարի, Կուբաթլիի, Ջանգելանի, Ջիրբայիլի շրջաններում: Այդ նպատակով մարտի 21-ին Ադրբեջանի մոտակա գյուղերից Գորիս էին հրավիրվել երեք մարդ՝ էյվազբեկովը՝ էյվազլադ գյուղից, Հաջի Հաշիմը՝

Շուռնուխից և մեծահարուստ Քերբայալ Աղամամեդը՝ Սելիք-Ահմեդլի գյուղից, որոնց հետ Նժդեհը հանդիպել և առաջարկել էր համեմատաբար բարձր գներով հացահատիկ վաճառել: Սրանք համաձայնել էին, բայց վերադառնալով իրենց գյուղերը՝ ադրբեջանական իշխանությունների սպառնալիքների տակ, հրաժարվել էին կատարել տված խոստումը: Նման մեկ այլ խորհրդակցություն ապրիլի 6-ին հրավիրվել էր Ղափանի Ագարակ գյուղում, որտեղ խոջախան, Մինջևան, Խորամա, Իսկենդերբեյլի, Դոնդարլու և այլ գյուղերից եկել էին ոչ քիչ թվով հարուստ թուրքեր՝ Շահսովարբեկ Քալանթարովը, Բախլուլ էֆենդի Բահչետին և ուրիշներ: Խորհրդակցությանն անձամբ եկել էր մասնակցելու Նժդեհը: Այստեղ ևս հացահատիկ վաճառելու խոստումներ էին եղել, որոնք նույնպես չէին կատարվել:

Բնակչության և զորքի պարենավորումը համարելով առաջնային, համագումարը տեղի պաշտոնյաներին ցուցում տվեց՝ խիստ կազմակերպված կատարել հացահատիկի հունձը, հացը հավաքել անկորուստ, միաժամանակ միջոցներ հայթայթել Պարսկաստանից լրացուցիչ հացահատիկ կամ այլուր ձեռք բերելու համար:

Պարենավորման խնդրի վերաբերյալ համագումարի միաձայն ընդունած հայտարարության մեջ ասված էր.

«Պարենավորման համար Սպարապետը հայտարարում է, որ մինչև նոր հունձը հնարավոր է Հայաստանի Հանրապետության կառավարության\* նյութական օգնությամբ հաց ձեռք բերել և միաժամանակ, ըստ հնարավորության աշխատել կազմակերպել պետական տրանսպորտը և ժողովրդին ազատել փոխադրական ծանր պարտականությունից»<sup>24</sup>:

Այնուհետև քննարկվում է կառավարման մարմիններ կազմելու ձևի և սկզբունքների հարցը: Պատգամավորների ծայրերի մեծամասնությամբ, համագումարը որոշում է.

1. «Ինքնավար լեռնաշխարհի Ազատ Սյունիքը» հայտարարել անկախ պետություն և այն վերանվանել Լեռնահայաստան, որի մեջ մտնում են Ջանգեզուրը, Վայոց ձորը (Դարալագյազ) և Լեռնային Ղարաբաղը: Գորիս քաղաքը համարել Լեռնահայաստանի մայրաքաղաք:

2. Քանի որ նորաստեղծ պետությունն ազդարարվում էր հանրապետական և ժողովրդավարական, ուստի, այն պետք է ունենար համապատասխան հաստատություններ՝ պառլամենտ, նախարարների խորհուրդ և ինքնիշխանությանը բնորոշ մյուս հատկանիշները:

3. Համագումարը հայտարարել Լեռնահայաստանի վարչապետություն՝ նախարարների խորհուրդ: Կառավարության անդամներին հետախուս անվանել նախարարներ:

4. Վարչապետ ընտրել Սպարապետին՝ նրան վերապահելով նոր կառավարության կազմի ընտրությունը»<sup>25</sup>:

\* Ըստ Ա. Սիմենյանի նկատի է առնվում Ս. Վրացյանի գլխավորած Փրկության կոմիտեն

## Կառավարության կազմը

Նժդեհը համագումարի հաստատմանը գրավոր ներկայացնում է կառավարության յոթ մարդուց բաղկացած հետևյալ կազմը.

1. Գ. Նժդեհի վարչապետ և արտաքին գործոց նախարար, 2. Ս. Մելիք-Յուլյանի ներքին գործոց, 3. Գ. Տեր-Չակոբյանի պարենավորման, 4. Բժիշկ Ս. Մինասյանի խնամատարության, 5. Հովհ. Տևեճյանի արդարադատության և լուսավորության, 6. Ավ. Օհանջանյանի հաղորդակցության և փոստ-հեռագրի, 7. Բժիշկ Ս. Եղիազարյանի ֆինանսների նախարար:

«Համազանգեզուրյան Տաթևի 2-րդ խորհրդարանը սրտանց ողջունում է իր կուռ, անհաղթահարելի և տոկուն բանակի ռազմիկներին և լիափոխ է, որ այդ անհաղթ բանակը, որ մինչև օրս իր փառապանծ հաղթանակներով աշխարհն է զարմացրել, այսուհետև էլ պատրաստ կը լինի նոր հրաշքներ, նոր զարմանքներ ցուցադրելու քաղաքակիրթ աշխարհին, իր կատարյալ և վերջնական հարվածը տալով հայ աշխատավորության թշնամիներին:

Կազմված է կառավարություն:

Մեր ինքնավար Սյունիքն այսուհետև կոչվելու է Լեռնա-Հայաստան, որն իր քաջարի գործով, իր անպարտ առյուծասիրտ մարտիկներով սպառնալիք պետք է լինի մեր բոլոր թշնամիների համար<sup>26</sup>:

Մեր ազատարար սպարապետ Նժդեհին տրված է գորավարի տիտղոս և «խուստուայան արծիվ» շքանշան:

Այս սուրբ տաճարում նա ուխտեց և իր սրբազան խոսքն ասաց ձեզ հետ միասին, սև օրվա համար հայության բաժին համարված Սյունիքը դարձնել հայության վերածնության օրրան<sup>27</sup>:

1921թ. մայիսի 1-ին Լեռնահայաստանի կառավարությունը Գորիսում հանդես եկավ Դեկլարացիայով: Կառավարությունը հայտարարում էր, որ «իր առաջնակարգ պարտքն է համարում լարել երկրի բոլոր ուժերը՝ զորացնելու մեր հայրենիքի ինքնապաշտպանության ռազմական կորովը. Լեռնահայաստանը պետք է լինի ամուր հենակետ՝ մոտ ապագայում Մայր Հայաստանը թշնամի տարրերից ազատելու համար»<sup>28</sup>:

Կառավարությունն իր կարևորագույն խնդիրներից էր համարում պարենավորման գործի արմատական բարելավումը, գյուղացիական տնտեսությունների արագ զարգացումը: Միաժամանակ, ազդարարվում էր կառուցել իրավական պետություն՝ «մոտեցնելով ժողովրդին և մատչելի դարձնելով դատավարությունը, զարկ տալ ժողովրդի լուսավորության գործին՝ կազմակերպելով նորանոր դպրոցներ, անգրագետների դասընթացներ, դասախոսություններ, զրույցներ, երեկույթներ և տարածելով գրավոր հրատարակություններ: Կառավարությունը ջանք չի խնայելու հանրային առողջապահությունը և բժշկական օգնությունը դնելու ավելի լավ հիմքերի վրա»<sup>29</sup>:

Կառավարությունը վստահ էր, որ ժողովրդի միակամ աջակցության պայմաններում, ինքը կարող է կատարել իր առաքելությունը: «Լիափոխ լինե-

լով, որ Լեռնահայաստանի ազատատենչ ժողովուրդը և պարտաճանաչ պաշտոնեությունը ոչ մի ջանք չեն խնայի ընդառաջ գնալու և բոլոր ուժերով աջակցելու կառավարությանը՝ համագումարի կողմից նրա վրա դրած պարտականությունները կատարելիս, նաև վստահ լինելով, որ Սյունյաց Աշխարհի հերոսացած Դավիթբեկյան զորքերը՝ միացած բուն Հայաստանի զորամասերի հետ, նորանոր սխրագործություններով պիտի զորավիգ հանդիսանան կառավարությանը, իրենց Սպարապետի ղեկավարությամբ՝ Լեռնահայաստանի կառավարությունը ստանձնում է երկրի ծանր ղեկը»<sup>30</sup>:

Նժդեհը նշում էր, որ Լեռնահայաստանի ստեղծման նպատակը «ոչ թե Սյունիքի անկախ գոյությունը երկարացնելն էր», «այլ որպեսզի այդ ապստամբ երկրամասին հնարավորություն տրվեր մի որոշ ժամանակով ևս դիմագրավելու իրեն օղակող թշնամիներին», մինչև որ Երևանից փախչող հայ մտավորականությունը, երկրից հեռացող արևմտահայ զորամասերը, սպայության մեծագույն մասը, խմբապետների մի որոշ մասը անցնեն Պարսկաստան»<sup>31</sup>:

Երկրորդ համագումարի անհրաժեշտությունը բացատրել է Նժդեհը, ըստ որի, այն ուներ ոչ այնքան գործնական, որքան բարոյական նշանակություն: «Երևանյան գաղթի առաջացրած բարոյալքումից հեռու պահելու համար՝ պետք էր մի նոր ժեստով գոտեպնդել տեղական ժողովուրդը: Եվ այդ ոչ թե միայն անկախ Հայաստանի գաղափարն ապրեցնելու համար, այլև, որպեսզի հոգեբանական հնարավորություն տրվեր Սյունիքի հայությանը մի որոշ ժամանակով ևս դիմագրավելու իրեն օղակող ռուս և թուրք հորդաներին, մինչև որ մագապուրծ եղած հայ մտավորականությունը կանցներ Պարսկաստան: Երևանի առաջին անկմամբ ստեղծված ծանր դրությունը փրկել էր ինքնավար Սյունիքը: Նրա երկրորդ խորհրդայնացմամբ առաջացած աղետալի դրությունը պիտի փրկեր անկախ Լեռնահայաստանը, որը, փաստորեն, գոյություն ուներ Ղարաբաղի և Վայոց Ձորի գրավման օրերից»<sup>32</sup>:

Համագումարի ավարտից մի քանի օր անց հրապարակվեց «Լեռնահայաստանի կառավարության ղեկավարացիան», որում շարադրված էին նրա խնդիրները ներքին կյանքում և արտաքին հարաբերություններում<sup>33</sup>:

**ԼԵՆՆԱԴԱՅՄԱՍՏԱՆԻ ԱՆԿՈՒՄԸ  
ՊԱՏՄԱԿԱՆ ՆՇԱՆԱԿՈՒԹՅՈՒՆԸ ԵՎ ԴԱՍԵՐԸ**

Երևանում ապստամբության պարտությունից ու նահանջից հետո, Ձանգեզուրի համար ստեղծվել էր ճգնաժամային իրադրություն: Ոչ միայն երկիշխանությունն էր խանգարում գործերին, այլև միիշխանության դեպքում նույնպես գոյատևումը, փաստորեն, ապագա չուներ: Իշխանության կամ իշխանությունների համար հետապրիյան ծանր դրությունը վկայում է միայն այն մասին, որ պետք էր կանխել գաղթը, և, որպես դրա հետևանք, Ձանգեզուրի Հայաստանին միանալու հետագա ձգձգումը:

Չնայած պետականության այս արտաքին եական բոլոր նշաններին, նրա իրական դրությունը ծանր էր և զնալով ավելի էր ծանրանում: Երևանից հազարավոր մարդկանց գաղթը անլուծելի խնդիրներ ստեղծեց տնտեսական բնագավառում: Հացի խիստ պակասը չէր թուլանում Պարսկաստանից ստացվող չնչին միջոցներով: Ինչ վերաբերում է արտաքին դրությանը, ապա, քաղաքացիական պատերազմի ավարտից և խորհրդային իշխանության Երևան վերադառնալուց հետո, այն նույնպես ծանրացավ, ուժեղացավ ճնշումը նրա վրա եւ խաղաղ, եւ ոչ խաղաղ միջոցներով՝ թե՛ խորհրդային Հայաստանի, եւ թե Կարմիր բանակի կողմից: Այժմ գերապատվությունը տրվում էր խաղաղ միջոցներին՝ բանակցություններին:

Լեննահայաստանի իշխանությունները Գորիսում կազմակերպել էին Հայաստանի անկախության Մայիսի 28-ի տոնակատարությունը:

«1921թ. այդ զարնանային օրը,- նկարագրել է տոնակատարությունը Նժդեհը,- եռագույնը դեռևս ժածանվում էր մեր հայրենիքի լեռնային երկրամասի վրա: Նրա մայրաքաղաք Գորիս էին ժամանում Ձանգեզուրի /Գորիսի/, Տաթևի ու Ղարաբասի շրջանների ժողովրդական վաշտերը, բազմահազար ժողովուրդը: Ես այդ օրը տեսա Սյունիքը, իր ույժի, փառքի ու մեծության մեջ: Նա հպարտ էր, որովհետև պարտության էր մատնել Ադրբեջանը, ջարդել տաճիկ զնդերը, զինաթափել բուլշևիկյան 11-րդ զորաբանակը: Նա հպարտ էր, որովհետև հերոսական շարժումնով հետ էր մղել դեպի հայ մտավորականությունը երկարող խորհրդային մահաբեր տապարը: Նա հպարտ էր, որովհետև իր մեջքը փրկության կամուրջ էր դարձրել նահանջող բյուրոց համար դեպի Պարսկաստան»<sup>43</sup>:

Նժդեհը, միաժամանակ, խոստովանում է այն «ողբերգության գիտակցության» մասին, որ տոնական այդ օրը սյունեցու դեմքին կկարդար ծանոթ աչքը: Նա նկատի ուներ փամփուշտի ու հացի բացակայությունը, որը հնարավորություն չէր տալիս օգտվելու նվաճած հաղթանակից:

«Իրերի այս ողբերգական վիճակում,- եզրափակում է Նժդեհը,- մեր անկախությունը պիտի ապրեր երկու ամիս ևս, որից հետո խորհրդային կարմիր լաթը, առանց հաղթանակի, չարափառորեն պիտի ծածանվեր և Սյունյաց աշխարհի վրա»<sup>44</sup>: «Այդ օրը Նժդեհը հարգանքի իր հարկը կբերե գեներալ իր

ընկերներին, որոնք, կառչած Սյունիքի անմատչելի լեռներին, իրենց մասնակցությունն էին բերած Լեննաշխարհի հայության ինքնապաշտպանության գործին»: Գնդապետի աստիճան շնորհվեց Նարինյանին / գլխավոր շտաբի պետ/, փոխգնդապետի աստիճան Մելիք-Օհանջանյանին, Ամիրջանյանին, Թորոսյանին, Ամիրխանյանին և Գրիգորյանին: Բարձրացվեցին նաև այլ սպաների զինվորական աստիճանները<sup>45</sup>:

Նժդեհը գրում է. «Երկրորդ Հայաստանի գոյությունը չէր կարող մարսել Մոսկվան, նա վախ ուներ, որ Հանրապետական Հայաստանը կարող է հենարան դառնալ ամբողջ Անդրկովկասի հակասովետական շարժումների համար և որ դա կարող է թևավորել Ադրբեջանի և Վրաստանի դժգոհ տարրերին և նրանց ևս հանել խորհրդային իշխանության դեմ: Ահա թե ինչու նա սկսեց հավաքել իր բովանդակ ուժերը և պատրաստվել կռվի: Պետք էր տապալել «Երկրորդ Հայաստանը»: Եթե նորեն կարիք զգացվեր, բուլշևիկներին օգնության պիտի կանչեին քեմալական զորքը»<sup>46</sup>:

Հավաստիանալով, որ բուլշևիկյան Հայաստանի նոր ղեկավարությունը՝ Ալ. Մյասնիկյանի գլխավորությամբ, Ձանգեզուրը՝ Մոսկվայի համաձայնությամբ, իրոք, թողնելու են Հայաստանի կազմում, անհնարին համարելով կռվել կարմիր բանակի գերազանցող ուժերի դեմ և չուզեցնալով ավելորդ զոհեր տալ ու հետագա պայքարով սովի մատնել Ձանգեզուրը, Նժդեհը դադարեցրեց պայքարը և հեռացավ Ձանգեզուրից:

1921 թ. հունիսի 7-ի խորհրդային Հայաստանի Հեղկոմին հղած իր մամուլում նա հետևյալ պայմաններն է դնում.

«Դուք գիտե՞ք,- նշում է Նժդեհը,- որ ցանկութեան դեպքում, ես միշտ էլ հնարաւորութիւն կունենամ մի քանի տասնեակ զինուորներով վերականգնել Լեննահայաստանը: Որպեսզի այս երկրի աշխատավոր գիւղացիութիւնը ստիպուած չլինի մէկ էլ ինձ օգնութեան կանչելու. աշխատեք բաւարարել իայ գիւղացիութեան և նրա մտավորականութեան արդար պահանջը»<sup>47</sup>:

Նժդեհին հղած իր գրությամբ ՀՀ հեղկոմը, փաստորեն, համաձայնում է նրա պահանջներին՝ թեև ինչպես իր բազմաթիվ գրավոր պարտավորությունները, այնպես էլ այս մեկը, քարոզչական նպատակով արված սուտ հայտարարություն էր, ուստի, մնաց թղթի վրա:

«Ինչու՞ պայքարեց Լեննահայաստանը» հոդվածում<sup>48</sup> Նժդեհը լուսաբանել է մի շարք հարցեր՝ ինչու՞ Լեննահայաստանը կռվի բռնվեց, ու՞մ դեմ և ինչի՞՞ համար էր պայքարում երկրամասը, ե՞րբ և ինչպիսի՞ պայմաններում դադարեցրեց դիմադրությունը և այլն:

Նժդեհը փաստեր է բերել նաև այն մասին, թե Ադրբեջանը, նաև խորհրդային, ինչպես չէին թաքցնում Ձանգեզուրն ու Ղարաբաղը իրենց միացնելու ցանկությունը: «Ձանգեզուրի կոմունիստ» թերթը 1920 թ. նոյեմբերի 20-ին տպագրել է «թռուցիկ-գրություն», որում նշվում էր, թե ռաշնակցականները և ուրիշներ «տեսնողորեն աշխատում են խորհրդային Ադրբեջանի գավառներում ապստամբություն առաջացնել»: Ապստամբությունը վերագրելով նաև

Ձանգեզուրին, Նժդեհը գրում է. «Սյունիքը անվերապահորեն հայտարարված էր «խորհրդայն Ադրբեջանի գավառ» և նրա անբաժան մասը»: Նժդեհը հիշեցնում է նաև Ղափանի շրջանի և խորհրդային Ադրբեջանի ներկայացուցիչների 1920 թ. հուլիսի 11-ի հանդիպման արդյունքների մասին, երբ վերջիններս հայտարարել էին, թե եկել ենք Ձանգեզուրն ու Ղարաբաղը կցելու խորհրդային Ադրբեջանին և զինաթափելու ժողովրդին:

ՀՀ նախարարական խորհրդին և կուսակցական դատարանին ներկայացրած բացատրագրերում (1921 թ. օգոստոս) Նժդեհը հանգամանորեն վերլուծել է նաև Ձանգեզուրի պարտության պատճառները: Նա հիմնականում կանգ է առել այն բացասական հետևանքների վրա, որ ունեցավ Երևանի ապստամբ ուժերի և մեծաթիվ գաղթականության նահանջը և հայտնվելը Ձանգեզուրում: Խիստ ընկավ երկրամասի պաշտպանների մարտունակությունը և բարոյական ոգին: Ուժեղացավ սովը: Սրվեցին հակասությունները ղեկավարների միջև (տեղական և երևանյան) և այլն<sup>48</sup>:

Պարտության մասին նույնպիսի բացատրություն է տալիս Հովհ. Քաջագնունին: Ապստամբների նահանջի հետևանքով, Ղարալագյազում և Ձանգեզուրում ստեղծված վիճակի մասին նա հայտնում է, որ այն «պայքար չէ այլևս, այլ՝ հոգեվարք»: «Մենք կարծում էինք, - շարունակում է Քաջագնունին, - թե անցնելով Լեռնահայաստան, կուժեղացնենք տեղացիներին... Հաշվի չէինք առել, որ պարտված, կազմալուծված ու նահանջի ճամփան բռնած խմբերը, և մասնավոր սարսափահար ամբոխը, կարող են առաջ բերել միայն լքում ու հուսահատություն... Մարտական թափը հալչում էր ու պակասում օր-օրի վրա... Տեղացիները տեսնում էին զորքի քայքայված վիճակը, տիրող անիշխանությունն ու կասկածում էին իրենց կատարյալ անզորության վրա՝ շենքի վրա կանգնած բուլշևիկների հանդեպ»<sup>49</sup>:

Այդ ամենը ճիշտ է: Սակայն պետք է ավելացնել և այն մասին, որ խորհրդային ուժերին դիմադրելը, անկախ Ձանգեզուրում չէր կարող երկար շարունակվել: Մի կողմից այն պատճառով, որ Կարմիր բանակը դիմում էր վճռական գործողությունների, մյուս կողմից, արդեն կասկած չիմեղ չէր կարող այն մասին, որ Ձանգեզուրը կմիացվի Հայաստանին:

Ձանգեզուրյան կռիվը, միաժամանակ, նաև հակաբուլշևիկյան էր, ուստի, բնականաբար, որոշակի իմաստով՝ նաև դասակարգային: Եվ պատահական չէ, որ ամփոփելով Սյունիքում իր վարած երկու տարվա կռիվները, նա գրում է.

«Երկու տարի տևող կռիվների առաջին շրջանում պետք է թրջո-թաթար վտանգից փրկել Սիւնիքի հայութիւնը: Երկրորդ շրջանում - Ինքնավար Սիւնիքի օրով - պետք էր մահացու անդամահատութիւնից փրկել Հայաստանը [նրան կցելով] Մոսկուայի կողմից Ադրբեյջանին տրուած Սիւնեաց երկիրը:

Երրորդ շրջանում - Լեռնահայաստանի օրով - պետք էր հոգեբանօրէն հրահրել և ռազմագիտօրէն կարելի դարձնել Հայաստանի փետրուարեան ապստամբութիւնը, ապա փրկութեան կամուրջ հանդիսանալ բուլշևիզմի գազանից մազապուրծ եղած հայ մտաւորականութեան ուսմար»<sup>50</sup>:

Ձանգեզուրի գոյամարտի հանրագումարի և դասերի մասին անգնահատելի ուսումնասիրություն է կատարել Ա. Սիմոնյանը:

Ձանգեզուրը խորհրդայնացվեց և միավորվեց խորհրդային Հայաստանին: Դա Սյունիքի անձնագրի գավակների պայքարի արդյունքն էր: Գոյամարտը արգելք եղավ գավառը Ադրբեջանին ենթարկելու բուլշևիկների նկրտումներին: Սա էր Նժդեհի գլխավորությամբ զանգեզուրյան զինյալների մղած հերոսական կռիվների գլխավոր հանրագումարը: Դա թափած արյան արժանի հատուցումն էր: Ձանգեզուրի 1920-21թթ. գոյամարտը թողել է նաև ուսանելի դասեր:

Հայրենի երկրում ապրող հայությունը գտնվում է աշխարհաքաղաքական բարդ ու վտանգավոր տարածքում, մի բան, որ Հայաստանի Հանրապետության իշխանություններին և քաղաքական ուժերին պարտադրում է վարել այդ իրողություններից բխող, բազմակողմանիորեն հիմնավորված ներքին ու արտաքին քաղաքականություն:

Երկրի ներքին քաղաքականության մեջ կարևորվում են մի շարք հանգամանքներ:

1. Հասարակական բոլոր արժեքներից (ազգ, դասակարգ, կուսակցություն) ամենամնայունը ազգն է, որի վրա, որպես անկյունաքարի, պետք է խարսխված լինի հայոց պետական գաղափարախոսությունը: Պետական կամ ազգային գաղափարախոսության մեջ ձևակերպվում են այն գլխավոր նպատակներն ու իղծերը, որոնց իրականացմանը պետք է ձգտի ամբողջ ազգը:

2. Հայաստանը պետք է ունենա այնպիսի տնտեսական համակարգ, որը նպաստի երկրի բոլոր մասերի տնտեսական հզորացմանը: Առանձնահատուկ ուշադրություն են պահանջում հանրապետության այն շրջանները, որոնք սահմանակից են Թուրքիային և Ադրբեջանին: Այդ շրջանների թվում, բնականաբար, առանձնանում է Սյունիքը՝ Հայաստանի համար իր կարևորագույն ռազմաստրատեգիական նշանակությամբ:

Ձանգեզուրը Հայաստանի համար պետք է դառնա նախընտրելի բնակության վայր՝ բազմամարդ բնակչություն և պաշտպանական հզոր հնարավորություններ ունեցող անընկճելի մի միավոր:

3. Հայերը մշտապես պետք է հիշեն, որ իրենց երկրի, իրենց քաղաքակրթության գոյության հիմնական երաշխիքը և ժողովրդի անվտանգության գլխավոր պայմանը ուժեղ բանակ ունենալն է:

4. Ձանգեզուրի 1920-21թթ. իրադարձությունները եկան ապացուցելու, որ պատերազմի ելքը կախված չէ միայն կռվող կողմերի զինվորների թվից, ռազմական առկա տեխնիկայից, տնտեսական հնարավորություններից: Ձանգեզուրյան գոյամարտը, իսկ հետագայում պատերազմը նույնպես, ցույց տվեցին, որ պակաս կարևոր չէ կռվողների բարոյական ոգին, նրանց հայրենասիրությունը, անհուն նվիրվածությունն իրենց հայրենիքին ու ժողովրդին<sup>52</sup>:

Ձանգեզուրյան գոյամարտը այն ճշմարտության հաստատումն է, որ ազգային շահերի գերակայությունը բացարձակ է: Իսկ հայ ժողովրդի գոյատևման ու բարգավաճման հայկական պետականության համար այն ամենակարևոր երաշխիքն է:

**Լեռնահայաստանի հայկական պետության բնորոշ հատկանիշները**



Պարթևիկոս Առաջին

Այսպիսով, ինչպես տեսնում ենք, Սյունիքի ինքնավարության հռչակմամբ դրվեցին հայկական նոր առանձին ու անկախ պետության ստեղծման հիմքերը: Եվ վերջապես, թեկուզև մի կարճ ժամանակահատվածում, Լեռնահայաստանի անկախության հռչակմամբ կայացավ հայկական պետականության մի ուրույն միավոր՝ Լեռնահայաստանը:

Նպատակահարմար է գտնում մեկայացնել գիտնական-իրավաբան Մարտին Ջիլֆուղարյանի տեսակեր Լեռնահայաստանի հայկական պետության բնորոշ հատկանիշների մասին:

«Եթե ելնում ենք պետության հասկացության ընդհանուր սահմանումից այն է. **Պետությունը**՝ հասարակության միասնական քաղաքական կազմակերպություն է, որն իր իշխանությունը երկրի տարածքի սահմաններում տարածում է ողջ բնակչության վրա, հրապարակում է իրավաբանական համապարտադիր նորմեր, ունի կառավարման և հարկադրանքի հատուկ ապարատ, օժտված է ինքնիշխանությամբ<sup>53</sup>, ակնհայտ է դառնում, որ Լեռնահայաստանն ուներ պետությանը բնորոշ բոլոր հատկանիշները:

Պետության հասկացության սոցիոլոգիական բնորոշման ներկայացուցիչները առանձնացնում են նրա երեք հատկանիշները. 1) **մարդկանց ամբողջությունը՝ ժողովուրդ:** 2) **Նրանց վրա գերիշխող իշխանությունը:** 3) **Տարածքը, որպես այդ իշխանության գործողության սահման:** Իրենց փոխկապակցության մեջ այս հատկանիշները կազմում են պետության հասկացությունը որպես որոշակի տարածքի սահմաններում մեկ իշխանության ներքո մարդկանց ամբողջություն<sup>54</sup>:

1. Լեռնահայաստանը, ի դեմս համագումարի իշխանության բարձրագույն օրենսդիր մարմնի՝ պառլամենտի և նրա կողմից ստեղծված մյուս մարմինների, ուներ երկրի ամբողջ մասշտաբով քաղաքական իշխանության միասնական տարածքային կազմակերպություն:

2. Պետականորեն հաստատված էին նրա սահմանները, որով նա բաժանվում էր մյուս պետություններից, ինչպես նաև կատարված էր նրա ներքին կառուցվածքի բաժանումը:

3. Լեռնահայաստանն իր սահմանների շրջանակում օժտված էր տարածքային գերակայությամբ, այսինքն՝ առկա էր նրա օրենսդիր, գործադիր և դատական իշխանությունների միասնականությունն ու լիիշխանությունը բնակչության նկատմամբ, որը բացառում էր օտարերկրյա իշխանության միջամտությունը:

4. Ստեղծվել էր հասարակության կառավարման հատուկ ապարատը՝ կառավարությունը (գործադիր իշխանությունը):

5. Կազմավորվել էր դատական իշխանությունը՝ հարկադրանք, այդ թվում նաև պատժամիջոցներ իրականացնող մարմինները՝ բանակը, ոստիկանությունը, բանտային և ուղղիչ-աշխատանքային հիմնարկները:

6. Իրավական սկզբունքներով էր կազմակերպում հասարակական կյանքը: Հրապարակում էր կարգադրեր, որոնք պարտադիր ուժ ունեին ողջ բնակչության համար:

7. Լեռնահայաստանը ինքնիշխան էր, քանի որ նրա իշխանությունը անձնցված կամ տրված չէր որևէ այլ պետության կամ մարմնի կողմից, այլ նրա ինքնիշխանությունը տրված էր իր տարածքի ազգաբնակչության կողմից, որը համընկնում էր ժողովրդի ինքնիշխանության հետ և սերտորեն կապված էր ազգային ինքնիշխանության հետ:

Լեռնահայաստանը, ըստ էության, պառլամենտական հանրապետություն էր:

Դեռևս Համագանգեզուրյան համագումարի որոշումների արձանագրության մեջ ուղղակի շեշտվում է. «Ձանգեզուրը հայտարարել ժամանակավորապես ինքնավար, մտցնելով հանրապետական իրավակարգ<sup>55</sup>», որն անկախ էր մնալու անորոշ ժամանակով:

Այդ համագումարով որոշվում են նաև պետության սահմանները. «Ինքնավար Սյունիքի սահմաններն են Ձանգեզուրի նախկին սահմանները<sup>56</sup>»:

Պառլամենտը ընտրում է կառավարություն 6 անդամ և ցրում: Այն, ըստ էության, հանդիսանում է գործադիր իշխանության կրողը՝ կառավարման բարձրագույն կենտրոնական մարմինը: Սահմանված էր նրա կազմը, իրավասությունների շրջանակը և պարտականությունները:

Համագումարի որոշմամբ ստեղծվում են կառավարման տեղական մարմինները. «Շրջանային գործադիր մարմինների կազմը, ընտրությունը և նրանց իրավասության սահմանները<sup>57</sup>»:

Սահմանվում են գավառապետների շրջանային կոմիսարների և գյուղա-

**ԼԵՈՆԱԴԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՍԱՀՄԱՆԱԴՈՒԹՅՈՒՆԸ**

**«ԻՆՔՆԱՎԱՐ ՍՅՈՒՆԻՔԻ ԿԱՌԱՎԱՐՈՒԹՅԱՆ ՁԵՎԻ  
ԳԼԽԱՎՈՐ ԳԾԵՐԸ»**

**Սահմանադրության հասկացությունը**

Սահմանադրությունը, որպես իրավական ակտ, ժամանակակից ժողովրդավարական պետության իրավունքի համակարգում զբաղեցնում է ինքնուրույն և հատուկ տեղ, որը մյուս բոլոր իրավական ակտերից տարբերվում է մի շարք բնորոշ գծերով:

Եթե ընդհանուր ձևով փորձենք համակարգել այդ գծերը, ապա կարելի է ասել, որ սահմանադրությունն այնպիսի նորմատիվ ակտ է, որը պետության իրավունքի ողջ համակարգի նորմերի նկատմամբ ունի բարձրագույն իրավաբանական ուժ և կոչված է կարգավորելու մի կողմից՝ մարդու և հասարականության, մյուս կողմից՝ մարդու և պետության միջև հարաբերությունները, ինչպես նաև հենց իր՝ պետության կազմակերպման հիմունքները:

Բերված սահմանումից երևում է, որ՝ ա) սահմանադրությունը նորմատիվ ակտ է, բ) այն ունի բարձրագույն իրավաբանական ուժ իրավական մյուս ակտերի նկատմամբ և գ) ունի հատուկ կարգավորման առարկա:

Սահմանադրության հասկացությունը ճիշտ ընկալելու համար փորձենք պարզաբանել սահմանադրության նշված հատկանիշների յուրաքանչյուրի բովանդակությունը և համեմատել Լեռնահայաստանի Սահմանադրության հետ:

Սովորաբար պետության իրավունքի համակարգը ներառում է տվյալ պետության մարմինների կողմից ընդունված իրավական ակտերը, ժողովրդի անմիջական կամաարտահայտությամբ (հանրաքվեով) ընդունված ակտերը, ինչպես նաև նրա (պետության) կողմից վավերացված միջազգային պայմանագրերը:

Պետական յուրաքանչյուր մարմնի գործունեությունը, որպես կանոն, իրականացվում է համապատասխան իրավական ակտեր ընդունելու ձևով: Պետության իրավունքի համակարգը կազմող բոլոր այդ իրավական նորմերը, ելնելով դրանց իրավաբանական ուժից և այն ընդունող մարմնի տեղից պետական մարմինների համակարգում, բաժանվում են երեք մեծ խմբերի: Դրանք են՝ 1) օրենքներ, 2) ենթաօրենսդրական ակտեր և 3) միջազգային ակտեր:

Սակայն անկախ այն բանից՝ պետությունը ունիտար է, թե դաշնային և

1 ԳԳ Սահմանադրական իրավունք, Երևան, 2007 թ. էջ 37:

կան կոմիսարների նշանակման կարգն ու կարգավիճակը:

Պառլամենտի կողմից սահմանվում են նաև հանրապետության միջազգային հարաբերությունների շրջանակները<sup>58</sup>:

Մարքսիստական հայեցակետը առանձնացնում է պետական-կազմակերպված հասարակության բնորոշ հետևյալ ընդհանուր հիմնական հատկանիշները.

1. Պետության հպատակների բաժանումով՝ ըստ տարածքային միավորների:

2. Հատուկ հրապարակային իշխանության հաստատումը, որն այլևս անմիջականորեն չի ընդհանրանում բնակչության հետ:

3. Պետական իշխանության ապարատը պահպանելու համար բնակչությունից հարկերի գրանցումը և նրանից փոխառություններ ստանալը:

Ինչպես տեսնում ենք, բերված հատկանիշները նույնպես բնութագրական են Լեռնահայաստանի համար:

Լեռնահայաստանը ժողովրդավարական պետություն էր, այսինքն՝ մի «պետություն, որը, կապված լինելով օրենքների հետ, ապահովում է մարդու իրական իրավունքներն ու ազատությունները<sup>59</sup>»:

Պետական իշխանությունը հիմնված է ժողովրդի կամքի վրա, որը գերիշխող է: Ըստ Պիդրոյի «միայն ազգն է իսկական գերիշխող, իսկական օրենսդիր կարող է լինել ժողովուրդը, միայն ժողովրդի կամքն է քաղաքական իշխանության աղբյուրը<sup>60</sup>»: Այո, Լեռնահայաստանի պետության դեպքում նույնպես Սյունիքի ժողովրդի կամքն էր քաղաքական իշխանության աղբյուրը<sup>61</sup>»:

Ահա այսպիսի ժողովրդավարական պետություն էր Լեռնահայաստանը, որի եռամյա հերոսական պայքարի շնորհիվ է, որ այսօր Սյունիքը գտնվում է Հայաստանի կազմում, այլապես նա պետք է կիսեր Արցախի ճակատագիրը և, լավագույն դեպքում, Կավբյուրոյի կողմից տրվեր Ադրբեջանին: Իսկ եթե չլիներ Ջանգեզուրը, վաղուց հայաթափ կլիներ նաև Արցախը:

Հետաքրքիր է նաև մի օրինաչափություն, որ Սյունիքի հայեցի անկախությունը միշտ ձեռք է բերվել համառ պայքարով ու ինքնազոհ նվիրվածությամբ մեր մեծագույն զորավարների՝ Ղավիթ-Բեկի, Նժդեհի գլխավորությամբ:



նրա օրենքների համակարգն ինչպիսի անվանումներով օրենքներ է պարունակում, գործում է բոլոր պետությունների համար պարտադիր մի կանոն. բոլոր օրենքների, ուրեմն և պետության ողջ իրավունքի համակարգի բուրգի գագաթին գտնվում է Սահմանադրությունը: Խնդիրն այն է, որ, որ Սահմանադրությունը, որպես իրավական ակտ, մյուս բոլոր իրավական ակտերից տարբերվում է մի շարք հատկանիշներով:

**Առաջին**, սահմանադրությունը ժամանակակից իմաստով, ի տարբերություն մյուս իրավական ակտերի, **ընդունվում է ժողովրդի կողմից կամ նրա անունից:**

Սահմանադրության մեջ պետք է ամրագրվի ողջ ժողովրդի կամքը որպես բարձրագույն իշխանության և նրան պետք է տրվի բարձրագույն իրավաբանական ուժ: Այդ միտքը միջնադարում ժամ ժակ Ռուսոյի կողմից ձևակերպվեց որպես **հասարակական դաշինքի** տեսություն, համաձայն որի՝ սահմանադրության ստեղծման համար անհրաժեշտ է բոլոր քաղաքացիների համաձայնությունը:

Սահմանադրության այս էական հատկանիշն ընդունելի է նաև ժամանակակից ժողովրդավարական երկրների սահմանադրական պրակտիկայում, որն իր արտացոլումն է գտնում, մասնավորապես, նրանց սահմանադրությունների նախաբաններում (պրեամբուլա):

Սահմանադրություններն ընդունվում են ոչ միայն ժողովուրդների կողմից, այլ նաև **ժողովրդի անունից՝** նրա կողմից ազատ ընտրությունների միջոցով ձևավորված կառույցների (խորհրդարան, կոնվենտ, սահմանադիր ժողով և այլն) միջոցով:

**Երկրորդ**, ժողովրդի կողմից ընդունելու հանգամանքը պայմանավորում է սահմանադրության հաջորդ կարևոր առանձնահատկությունը՝ **նրա հիմնարար բնույթը:** Ժողովրդավարական պետություններում ժողովուրդն ինքնիշխանության կրողը և իշխանության միակ աղբյուրն է: Միայն **ինքնիշխան ժողովուրդն է իրավասու սահմանադրության ընդունման և դրա մեջ փոփոխություններ կատարելու ճանապարհով սահմանելու և փոփոխելու հասարակության և պետության կառուցվածքի հիմունքները:** Սահմանադրության աշխարհի գալու պահից սահմանադրություն ունեցող բոլոր երկրների հասարակական և պետական կառուցվածքի հիմնախնդիրներն իրենց սահմանումն ու փոփոխումն են ստացել սահմանադրական ամրագրման ճանապարհով: Այդ մասին է վկայում Ինքնավար Սյունիքի 1920 թ-ի Սահմանադրությունը, Հայաստանի Հանրապետության 1995 թվականի և ժողովրդավարական այլ երկրների սահմանադրությունները:

Սահմանադրության հիմնարար բնույթն արտահայտվում է նաև նրանում, որ դրա **հանձնարարականները նախահիմք են համարվում բոլոր տեսակի իրավահարաբերությունների կարգավորման համար:** Այդ է պատճառը, որ

ինչպես օրենքները, այնպես էլ ենթաօրենսդրական ակտերն ընդունվում են սահմանադրության հիմքի վրա և չպետք է հակասեն դրան:

**Երրորդ**, սահմանադրության կարևոր առանձնահատկություններից է, նրա **յուրահատուկ կարգավորման առարկան**, այսինքն՝ հասարակական հարաբերությունների այն հատուկ բնագավառները, որոնք պահանջում են սահմանադրական կարգավորում:

Ի տարբերություն մյուս իրավական ակտերի, որոնք կյանքի են կոչվում կարգավորելու որևէ կոնկրետ բնագավառ կամ որոշակի խումբ հասարակական հարաբերությունները, սահմանադրությունն ունի կարգավորման **համապարփակ** բնույթ: Այն ընդգրկում է հասարակության կյանքի բոլոր ոլորտները՝ քաղաքական, տնտեսական, հոգևոր և այլն, ընդ որում, կարգավորելով այդ ոլորտների առավել կարևոր, հիմնային, առանցքային հասարակական հարաբերությունները: Այդպիսիք են հանդիսանում սեփականության ձևերն ու բովանդակությունը, անհատի և պետության փոխհարաբերությունների բնույթը, պետական իշխանության պատկանաբարությունը և իրացման ձևերն ու կառուցակարգերը, պետության և քաղաքական կուսակցությունների: Նախորդ բաժիններից երևում է, որ Լեռնահայաստանի սահմանադրությունը նույնպես անդրադարձել է բոլոր այդ խնդիրներին:

#### *Լեռնահայաստանի Սահմանադրության իրավաբանական բնույթը*

Սահմանադրության, որպես իրավական ակտի, բնորոշ գծերի շարքում առանձնակի կարևորվում է **նրա հատուկ իրավաբանական բնույթը:**

Սահմանադրության բարձրագույն իրավաբանական ուժը նշանակում է. **առաջին**, ցանկացած իրավական ակտ, լինի օրենք թե ենթաօրենսդրական ակտ, **պետք է համապատասխանի սահմանադրությանը:**

**Երկրորդ**, սահմանադրության բարձրագույն իրավաբանական ուժը նշանակում է նաև, որ պետական իշխանության (երեք թևերի) **բոլոր մարմինների և նրանց պաշտոնատար անձանց գործողությունները պետք է համապատասխանեն սահմանադրությանը:**

**Երրորդ**, սահմանադրության բարձրագույն իրավաբանական ուժը արտահայտում է նաև այն բանում, որ օրենքները և մյուս ակտերն ընդունվում են **սահմանադրությամբ նախատեսված մարմինների կողմից և սահմանադրությամբ նախատեսված կարգով**<sup>1</sup>, ինչպես և նախատեսում էր նաև Լեռնահայաստանի սահմանադրությունը:

#### *Լեռնահայաստանի Սահմանադրության էությունը*

Սահմանադրության հասկացության և դրա իրավաբանական բնույթի բա-

<sup>1</sup> ՀՀ Սահմանադրական իրավունք, Երևան, 2007 թ. էջ 40:

<sup>1</sup> Տես նույն տեղում:



ցահայտման համար կարևոր է նաև դրա էության լուսաբանումը: Այն վիճաբանությունների առարկա է հանդիսացել հենց իր՝ Սահմանադրության մասին գաղափարի ծննդյան պահից:

Սահմանադրությունը, որպես գաղափար և որպես իրավական ակտի ձև, մարդկությանը հայտնի է դաժել և նրա կողմից օգտագործվել անհամեմատ ուշ ժամանակներում, քան իրավունքի մյուս ձևերը՝ օրենքներն ու մյուս իրավական ակտերը: Վերջիններս նրա կողմից օգտագործվել են դեռևս մեր թվարկությունից առաջ՝ 4-3-րդ հազարամյակում:

«Սահմանադրություն» արտահայտությունն առաջին անգամ օգտագործվել է մ. թ. ա. IV դարում՝ հունական մեծ մտածող Արիստոտելի (384-322 մ. թ. ա. ) կողմից:

Թերևս իր յուրահատկությամբ առանձնանում է V դարում Հայոց արքա Վաչագանի նախաձեռնությամբ ընդունված «Կանոնական սահմանադրությունը», որն իր նախապատրաստման և ընդունման եղանակով, հետապնդման նպատակներով և հասարակական հարաբերությունների կարգավորման առանձնահատկությամբ զգալի ընդհանրություններ ունի սահմանադրության վերաբերյալ ժամանակակից պատկերացումների հետ<sup>1</sup>:

Պատահական չէ, որ Աղվանում ընդունված օրենքները հետագայում մտել են «Կանոնագիրք հայոց» ժողովածուի մեջ՝ որպես «Վաչագան արքայի կանոնական սահմանադրություն»<sup>2</sup>:

Առաջին սահմանադրական ակտերը կամ սահմանադրությունները ժամանակակից իմաստով, ի հայտ եկան XVII-XVIII դարերում, չնայած պետությունը և իրավունքը գոյություն ունեին ավելի քան 50 դար:

Ամերիկայի Միացյալ Նահանգների 1787 թ. Սահմանադրությունը (մարդկության պատմության մեջ առաջին Սահմանադրությունը) ընդունվեց առանց մարդու իրավունքների վերաբերյալ բաժնի:

Սահմանադրությունը հանդիսանում է պետության, պետականության զարգացման արդյունք և արտահայտություն: Այն հօգուտ մարդու ազատության և բարոյության, կոչված է սանձելու պետական իշխանության անսահմանափակության վտանգավոր ձգտումը: Սահմանադրության խնդիրն է պետական իշխանությունը պահել քաղաքացիների տեսադաշտում, նրանց մշտական վերահսկողության ներքո:

Սահմանադրության էության վերաբերյալ գրականության մեջ առկա են տարբեր մոտեցումներ, որոնք, ընդհանուր առմամբ, կարելի է բաժանել երկու խմբի. **մեկը՝ սահմանադրության արևմտյան հայեցակարգին հատուկ, իսկ մյուսը՝ մարքսիստական:**

Առավել տարածվածներից է բնական իրավունքի դպրոցը, որի ներկայա-

ցուցիչները սահմանադրությունը համարում են մի յուրատեսակ հասարակական պայմանագիր, որը հանդիսանում է ժողովրդի ընդհանուր կամքի, ինքնիշխանության արտահայտություն: Նորմատիվիստական դպրոցի ներկայացուցիչների կարծիքով սահմանադրությունը բարձրագույն իրավական նորմի արտահայտություն է, ըստ աստվածաբանական տեսության ներկայացուցիչների՝ բարձրագույն արդարության, բարձրագույն բանականության արտահայտություն և այլն:

Չնայած հսկայական բազմազանությանը, որ առկա է սահմանադրության էության բացահայտման կապակցությամբ արևմտյան հեղինակների մոտեցումներում, հիմնական հարցում նրանք միասնական. Սահմանադրությունը կոչված է սահմանափակելու պետական իշխանությունը և որոշելու սահմանափակման շրջանակները:

### **Սահմանադրության տեսակը և ձևը**

Սահմանադրություններն իրենց խնդիրներով ու նպատակներով, կարգավորման առարկայով, ներքին ու արտաքին հատկանիշներով և որոշ այլ չափանիշներով մեծ են միմյանց և ունեն շատ ընդհանրություններ: Ներկայումս կազմավորված ավելի քան 180 պետություններից յուրաքանչյուրը ունի իր Հիմնական օրենքը: Սակայն հանրահայտ է, որ պետության սահմանադրությունը պարտադիր կերպով արտացոլում է տվյալ ժողովրդի, ազգի պատմական, մշակութային, հոգեբանական, կրոնական, սովորութային, անգամ աշխարհագրական տարածքի բազմաթիվ այլ առանձնահատկություններ: Այդպիսի տարբերիչ գծեր են համարվում պետական իշխանության պատկանելության և դրա իրացման ձևերի ու եղանակների ամրագրումը, կարգավորման առարկայի ժավալը, դրա արտահայտման ձևը, կիրառման ժամկետների տևողությունը, լեզվի և ոճի տարբերությունները, ընդունման և փոփոխման կարգը և այլն<sup>3</sup>: Այդ պատճառով էլ Լեռնահայաստանի սահմանադրությունը որոշակի խմբի մեջ ընդգրկելուց առաջ անհրաժեշտ է որոշել տվյալ խմբին բնորոշ առավել ընդհանուր և կարևոր չափանիշները:

#### **Հանրապետական սահմանադրություն:**

Հայտնի է, որ յուրաքանչյուր Սահմանադրության առաջնահերթ խնդիրներից մեկը պետական իշխանության հարցն է, դրա պատկանելության և կազմավորման ձևերի և եղանակների ամրագրումը: Կախված այն քանից, թե երկրի հիմնական օրենքում ինչպես է ամրագրված պետության կառավարման ձևը, Սահմանադրությունները բաժանվում են միապետականի և հանրապետականի: Լեռնահայաստանի հիմնական օրենքը հանրապետական սահմանադրություն է:

Համազանգեզույան համագումարի որոշումների արձանագրության մեջ ուղղակի շեշտվում է «Չանգեզուրը հայտարարել ժամանակավորապես ինքնավար, մտցնելով հանրապետական իրավակարգ»:

1.Մանրամասն տես Կիմ Ղահրամանյան, Վլադիմիր Հովհաննիսյան, 1500-ամյա Հայկական Սահմանադրությունը: Երևան, 1999, էջ 15-16:

2.Տես Կանոնագիրք հայոց, աշխատասիրությամբ Վազգեն Հակոբյանի, հատոր Ա., Երևան, 1964, էջ 69:

**Ժողովրդավարական սահմանադրություն:**

Հիմնական օրենքները տարբերվում են նաև ըստ նրանցում ձևակերպված քաղաքական ռեժիմների: Այդ հատկանիշների հիման վրա դրանք բաժանվում են ժողովրդավարականի և ավտորիտարի:

**Ժողովրդավարական են** այն սահմանադրությունները, որոնք ամրագրում են քաղաքացիների համար լայն իրավունքներ ու ազատություններ իշխանության մարմինների ընտրովիության, բազմակուսակցության և կուսակցությունների իրավահավասարություն, խորհրդարանում ընդդիմության գոյություն և այլն:

Սահմանադրությունները տարբերվում են նաև ըստ գործողության ժամանակի տևողության: Այդ առումով սահմանադրությունները լինում են **ժամանակավոր և մշտական:**

**Մշտական** են այն սահմանադրությունները, որոնց գործողությունը սահմանափակված չէ ժամկետով:

**Ժամանակավոր** սահմանադրություններն ընդունվում են որոշակի ժամանակահատվածի համար կամ մինչև որոշակի դեպքի, իրադրության վրա հասնելը: Այդպիսին էր Սյունիքի սահմանադրությունը: Այսպես, Տաթևի II համազումարը որոշեց՝ «Ձանգեզուրը հայտարարել ժամանակավորապես ինքնավար, մտցնելով հանրապետական իրավակարգ, մնալով անկախ մինչև քաղաքական հնարավորություն կունենա միանալու իր մայր երկրի՝ Հայաստանի հետ»:

Ըստ ընդունման կարգի տարբերվում են **շնորհված և ժողովրդական սահմանադրություններ:**

**Ժողովրդական են** կոչվում այն սահմանադրությունները, որոնք ընդունվում են ժողովրդի կողմից անմիջականորեն հանրաքվեի միջոցով կամ ժողովրդի կողմից ընտրված սահմանադրական մարմինների (խորհուրդ, կոնվենտ, ժողով և այլն) միջոցով, կամ էլ նրանց կողմից ընտրված ներկայացուցչական մարմինների՝ խորհրդարանների կողմից: Լեռնահայաստանի Հանրապետությունում սահմանադրությունը ժողովրդական էր՝ քանի որ ընդունվել էր ժողովրդի կողմից ընտրված պառլամենտ-խորհրդարանի կողմից:

Ըստ փոփոխման կարգի տարբերվում են «կոշտ» և «ճկուն» սահմանադրություններ:

**Կոշտ են** կոչվում այն սահմանադրությունները, որոնց փոփոխության համար նախատեսված է բարդացված կարգ: Այդպիսիք են համարվում ԱՄՆ-ի, Ֆրանսիայի, Ռուսաստանի և մի շարք այլ պետությունների հիմնական օրենքները:

**Ճկուն են** կոչվում այն սահմանադրությունները, որոնց փոփոխությունները կատարվում են սովորական օրենքների ընդունման ճանապարհով: Դրանց թվում է Լեռնահայաստանի Սահմանադրությունը:

Ըստ քաղաքական-տարածքային կառուցվածքի սահմանադրությունները բաժանվում են դաշնայինի և ունիտարի:

**Սահմանադրության ձևը:** Սահմանադրությանը հատուկ է նրա ներքին և արտաքին ձևը:

**Սահմանադրության ներքին ձևն** իրենից ներկայացնում է, ամենից առաջ, որոշակի եղանակների համակցություն, որոնց միջոցով ստեղծվում է սահմանադրության բովանդակությունը, ձևավորվում է դրա էությունը: Առանց արտաքին ձևի կամ բովանդակության իրացման ձևի՝ սահմանադրությունը չի կարող դրսևորվել արտաքինապես, ունենալ սահմանադրությանը հատուկ արտաքին տեսք, առանց որի, ըստ էության, սահմանադրությունը չի կարող կազմավորվել:

Սահմանադրության արտաքին ձևը կազմող տարրերի թվին են դասվում՝ ա) սահմանադրության անվանումը, բ) դրա ուժի մեջ մտնելու կարգը, գ) իրացման կարգը, դ) դրա մեջ փոփոխություն կատարելու կարգը, ե) պահպանության կարգը: Այստեղ դժվար չէ նկատել, որ սահմանադրության ձևի արտաքին կողմը հանդիսանում է, մի տեսակ, նրա ներքին կողմի շարունակությունը, որով ամբողջական տեսք է ստանում սահմանադրությունը:

Դրա հետ մեկտեղ, սահմանադրությունն իր ներքին կառուցվածքով ձեռք է բերում որոշակի ամբողջականություն, երբ ձևավորվում է համապատասխան տեսքով, և ստանում հատուկ անվանում, որը նրա արտաքին ձևի տարրերից է: Սակայն հայտնի է նաև, որ սահմանադրությունն իր ներքին կառուցվածքով կարող է միասնական չլինել, հանդես գալ մի քանի իրավական ակտերի ձևով և չունենալ իր հատուկ անվանումը: Այն սահմանադրությունները, որոնք հանդես են գալիս մեկ միասնական իրավական ակտի ձևով, ունեն իրենց հատուկ անվանումները (սահմանադրություն, հիմնական օրենք, քաղաքական սահմանադրություն և այլն) և կարգավորում են տվյալ երկրի հիմնական հասարակական հարաբերությունները, ընդունված է անվանել գրված սահմանադրություն: Իսկ այն սահմանադրությունները, որոնք հանդես են գալիս մի քանի իրավական ակտերի տեսքով և չունեն միասնական անվանում, ընդունված է անվանել **չգրված սահմանադրություն**:

Լեռնահայաստանի գրված սահմանադրությունը միասնական ակտ է, որի նորմերը շարադրվում են որոշակի համակարգով և համախմբվում են միմյանց տրամաբանական շարունակությունը կազմող ինստիտուտների մեջ:

Գրված սահմանադրությունը ոչ միայն միասնական ակտ է, այլև **միակը** երկրում: Լեռնահայաստանի պարագայում «Կառավարման ձևի գլխավոր գծերը» հենց այդպիսինն է՝ միակը և միասնական: Գրված սահմանադրությունները կարգավորող հասարակական հարաբերությունների շրջանակների առումով, լինում են **ծավալուն և համառոտ** (ոչ ծավալուն):

**Ծավալուն սահմանադրությունների** օրինակ է ԱՄՆ-ի Կալիֆոռնիայի նահանգի Սահմանադրությունը (մոտ 50000 բառ), Հունաստանի, Պորտուգալիայի, Հնդկաստանի սահմանադրությունները:

**Համառոտ սահմանադրության** օրինակ է ԱՄՆ-ի Սահմանադրությունը (մոտ 5000 բառ), Հայաստանի Հանրապետության Սահմանադրությունը (մոտ 6500 բառ), Ֆրանսիայի, Իտալիայի, Ճապոնիայի և այլ երկրների սահմանադրությունները: Համառոտ Սահմանադրության օրինակ է: Համառոտ է նաև Լեռնահայաստանի Սահմանադրությունը:

Ծավալուն և համառոտ սահմանադրությունները, ըստ էության, միմյանցից տարբերվում են զուտ քանակական չափանիշներով, որը ոչնչով չի ազդում (ինչպես դրական, այնպես էլ բացասական առումով) դրանց որակական կողմի, մասնավորապես, դրանցում ամրագրված սկզբունքների և կարգավորվող հարաբերությունների կայունության վրա:

Կան երկրներ, որոնց չգրված սահմանադրությունը բաղկացած է մի քանի օրենսդրական ակտերից, որոնցից բոլորն էլ սահմանադրական են և հավասարապես ունեն բարձրագույն իրավաբանական ուժ: Շվեդիայի սահմանադրությունը բաղկացած է երեք նորմատիվ ակտերից: Նշված բոլոր ակտերն էլ ունեն միատեսակ սահմանադրական բնույթ:

Չգրված սահմանադրության ուրույն տեսակ է **Մեծ Բրիտանիայի Սահմանադրությունը**: Այն բաղկացած է 4 բաժիններից՝ ստատուտներ, դատական նախադեպեր, սահմանադրական սովորույթներ և դոկտրինալ աղբյուրներ:

Սահմանադրության (գրված) ձևի հետ սերտորեն առնչվում է դրա **կառուցվածքը**: Գրեթե բոլոր սահմանադրություններն ունեն միատեսակ կառուցվածքը՝ նախաբան (պրեամբուլա), հիմնական բովանդակություն, եզրափակիչ և անցումային դրույթներ:

### **Սահմանադրության գործառնությունները (ֆունկցիաները)**

Սահմանադրությունը բարդ հասարակական երևույթ է, որը կարող է եական ազդեցություն ունենալ ինչպես երկրի կյանքի վերընթաց զարգացման, այնպես էլ զարգացումը խոչընդոտելու գործում: Այդ կապակցությամբ առաջնային կարևորության հարց է Լեռնահայաստանի գործառնությունների ճիշտ ընկալումը, քանզի սահմանադրության դերը հասարակության կյանքում ամենից առաջ դրսևորվում է դրա գործառնությունների մեջ: Դրանք բաժանվում են երեք խմբի՝ **իրավական (իրավաբանական), քաղաքական և գաղափարական (դաստիարակչական)**:

**իրավական (իրավաբանական)** գործառնությունն արտահայտվում է նրանում, ինչպես արդեն ասվել է, սահմանադրությունը այդ թվում նաև պետության իրավունքի համակարգի միջուկն է, որը սահմանում է հիմնարար իրավական դրույթներ, որոնք համարվում են ելակետային և որոշիչ իրավունքի առանձին ճյուղերի համար:

**Քաղաքական գործառնությունն** արտահայտվում է նրանում, որ հենց սահմանադրությամբ են ամրագրվում պետության կառուցվածքի ձևը, պե-

տական մարմինների համակարգը, պետության քաղաքացիների, ինչպես նաև քաղաքական և այլ հասարակական միավորումների միջև փոխհարաբերությունների հիմունքները:

**Գաղափարական (դաստիարակչական)** գործառնությունը:

Սահմանադրական նորմերում բովանդակված կանոններն ու սկզբունքներն ունեն նաև լուրջ գաղափարական և դաստիարակչական նշանակություն:

### **Լեռնահայաստանի Սահմանադրության գործողությունը**

Սահմանադրության **գործողությունը սովորաբար հասկացվում է մի քանի առումներով: Դրանք են.**

**ա) սահմանադրության գործողությունը ժամանակի մեջ:**

Սահմանադրությունը, որպես կանոն, ուժի մեջ է մտնում դրա եզրափակիչ կամ անցումային դրույթներում նշված պահից, ավելի հազվադեպ դրա կիրառման վերաբերյալ ընդունված օրենքում նշված պահից: Լեռնահայաստանի սահմանադրությունը ուժի մեջ է մտնում ընդունման պահից:

**բ) սահմանադրության գործողությունը տարածության վրա:**

Սահմանադրությունը, որպես կանոն, ուժի մեջ է մտնում պետության ողջ տարածքի վրա:

**գ) սահմանադրության նորմերի անմիջական գործողությունը:**

Ժամանակակից սահմանադրություններն ընդլայնել են ոչ միայն իրենց կարգավորման առարկան, այլև սոցիալ-քաղաքական բովանդակությունը, դրանց նորմերի զգալի մասն ունի նորմ-ծրագիր, նորմսկզբունքների բնույթ, որոնք չեն առաջանում կոնկրետ իրավահարաբերություններ:

Դրա հետ մեկտեղ, սահմանադրություններում ամրագրված նորմերի մի մասի գործողության համար պահանջում է օրենքի ընդունում: Դրանք, այսպես կոչված, հենվող բնույթ ունեցող նորմերն են, որոնց կիրառության համար նախատեսվող պայմանը բովանդակում է սահմանադրության հիման վրա ընդունվող օրենքի մեջ, Լեռնահայաստանի պառլամենտ-խորհրդարանը ընդունելով սահմանադրությունը միևնույն ժամանակ մի շարք հարցերի կարգավորումը թողնում է լուծելու կառավարությանը:

### **Սահմանադրության ընդունման և փոփոխման կարգը**

**Սահմանադրության ընդունումը:**

Գոյություն ունի Սահմանադրության ընդունման մի քանի եղանակներ: Դրանք միմյանցից տարբերվում են մասնակիցների կազմով և ժողովրդավարության մակարդակով:

Դրանցից առավել նվազ ժողովրդավարական են, այսպես կոչված, **շնորհված սահմանադրությունները:**

Սահմանադրությունների ընդունման ավելի ժողովրդավարական (քան

նախորդը) եղանակ է ընտրովի Սահմանադիր ժողովի կողմից դրանց ընդունումը:

Սահմանադրության ընդունումը ինքնուրույն եղանակ է **խորհրդարանի կողմից** դրա ընդունումը: Այդպիսին էր նաև Լեռնահայաստանի սահմանադրությունը:

Տաթևի համազանգեզուրյան II համագումարը ընդունեց Լեռնահայաստանի Սահմանադրությունը, որն էլ հայտարարվեց որպես օրենսդիր (պառլամենտ-խորհրդարան) մարմին:

#### **Սահմանադրության փոփոխումը:**

Լեռնահայաստանի Հանրապետության Սահմանադրությունը, որը դասվում է ճկուն սահմանադրությունների շարքին, փոփոխություններ կատարվում են սովորական օրենքների ընդունման ձևով:

#### **Լեռնահայաստանի Հանրապետության կառավարման ձևը**

Կառավարման ձևը ունի հիմնարար նշանակություն պետության կազմակերպման և գործունեության սահմանադրաիրավական կարգավորման խնդրի ուսումնասիրման գործում: Դա այն բանալին է, որի օգնությամբ հնարավոր է բացահայտել համապատասխան պետության Սահմանադրությամբ ամրագրված պետական իշխանության մարմինների այս կամ այն համակարգի իմաստը:

«Կառավարման ձև» հասկացությունն իր արտահայտությունն է գտել բազում երկրների հիմնական օրենքներում:

«Ռուսաստանի Դաշնությունը՝ Ռուսաստանը, հանրապետական կառավարման ձևի ժողովրդավարական դաշնային իրավական պետություն է» ասված է ՌԴ Սահմանադրության 1-ին հոդվածում:

Մասնագիտական գրականությունում տրվում է կառավարման ձևի սահմանումը, որն իր մեջ ընդգրկում է «պետության գլխի, իշխանության բարձրագույն օրենսդիր և գործադիր մարմինների կազմակերպման, իրավական վիճակի և փոխհարաբերությունների համակարգը»<sup>1</sup>:

Հանրապետական կառավարման ձևը հանդես է գալիս 2 տարատեսակով՝ ա) նախագահական հանրապետության և բ) խորհրդարանական հանրապետության ձևով: Խորհրդարանական հանրապետության գլխավոր առանձնահատկությունն այն է, որ կառավարությունը քաղաքական պատասխանատվություն է կրում միայն խորհրդարանի առջև: Այստեղ անվտանգության քվեի դեպքում կառավարությունը պարտավոր է հրաժարական տալ:

Լեռնահայաստանը կառավարման խորհրդարանական հանրապետության ձևի պետություն է:

<sup>1</sup> Տես նույն տեղում, էջ 200:

#### **Լեռնահայաստանի ընտրական համակարգը**

Լեռնահայաստանի ընտրական համակարգը ընդգրկում է Սահմանադրությամբ և այլ իրավական ակտերով ամրագրված Լեռնահայաստանի բնակիչների կողմից անմիջականորեն համագումարը (պառլամենտ-խորհրդարան), պատգամավորների և տեղական մարմինների ընտրությունների կարգը: Ընտրությունների միջոցով է կազմակերպվել համագումարները (խորհրդարանը), տեղական մարմինները և այլն:

#### **Խորհրդարանի, պառլամենտի կազմակերպման կարգը և կառուցվածքը**

ժամանակակից պետությունների ճնշող մեծամասնության սահմանադրություններով օրինաստեղծ գործունեությունը վերապահվում է ընտրովի ներկայացուցչական մարմիններին: Տարբեր երկրներում այդ մարմիններն ունեն տարբեր անվանումներ: Սակայն, քանի որ օրինաստեղծ գործունեությունը ներկայացուցչական մարմինների միակ գործունեությունը չէ, ուստի դրանց անվանման համար օգտագործվում է հավաքական «պառլամենտ» արտահայտությունը: Օրենքներ ընդունելուց բացի, նրա իրավասության ոլորտի մեջ են մտնում պետության ներքին և արտաքին քաղաքականության հիմքերի որոշումը, հիմնարար ծրագրերի մշակումը և ընդունումը, բյուջեի հաստատումը և այլն<sup>1</sup>:

Լեռնահայաստանի Սահմանադրությունը բովանդակում է խորհրդարանի ձևավորման կապակցությամբ մի շարք սկզբունքներ, այդ թվում նաև կազմավորման կարգը և կառուցվածքը:

Պետական կառավարումը հանրապետության վարչատարածքային միավորումներում իրականացվում է Սահմանադրությամբ, օրենքներով և այլ իրավական ակտերով:

#### **Լեռնահայաստանի կառավարության գործունեության կազմակերպումը, կառավարության կազմակերպման կարգն ու կառուցվածքը**

Լեռնահայաստանի կառավարությունը իր գործունեությունը կազմակերպում է հանրապետության Սահմանադրությանը, օրենքներին համապատասխան: Սահմանադրական իրավունքի տեսության մեջ կառավարությունը բնութագրվում է որպես պետության վարչական (գործադիր և կարգադրիչ) գործունեությունը ղեկավարող ընդհանուր իրավասության կոլեգիալ մարմին:

Լեռնահայաստանի հանրապետության վարչական գործունեությունն իրականացնում է Լեռնահայաստանի կառավարությունը:

Սահմանադրության վերը նշված հոդվածները և դրույթները, ինչպես նաև հանրապետության մյուս նորմատիվ իրավական ակտերում կառավարու-

թյան վերաբերյալ ամրագրված հիմնադրույթները, բացահայտում են կառավարության իրավական բնույթը և դրա տեղն ու դերը ինչպես պետական իշխանության միասնական մարմինների, այնպես էլ գործադիր իշխանության մարմինների համակարգում:


**Լեռնահայաստանի պետական տարածքը**

Լեռնահայաստանի սահմանադրական կարգավիճակի կարևոր բնութագրիչներից է նրա տարածքը: Պետական տարածք ասելով հասկանում ենք հողագնդի այն հատվածը, որի վրա տարածվում է նրա իշխանությունը: Այն իր մեջ ընդգրկում է ինչպես ցամաքը, այնպես էլ նրա վրա բարձրացող օդի սյունը և ջրային տարածքները: Աշխարհի գրեթե բոլոր երկրների Սահմանադրություններն այս կամ այն ծավալով բովանդակում են պետության տարածքային կառուցվածքին վերաբերող նորմեր:

Լեռնահայաստանը տարածքային կառուցվածքի առումով ունիտար պետություն է, որովհետև նրա տարածքը բաժանված է միայն վարչական միավորների: Նրա հիմնական օրենքում ուղղակի նշվում է տարածքների մասին, որին մենք անդրադարձել ենք:

**Լեռնահայաստանի պետական խորհրդանիշները**

Լեռնահայաստանի սահմանադրական կարգավիճակը բնութագրվում է նաև նրա խորհրդանիշներով, որոնք հանդիսանում են յուրաքանչյուր ինքնիշխան պետության անօտարելի պաշտոնական խորհրդանիշները: Դրանք են՝ զինանշանը, դրոշը, օրհներգը և մայրաքաղաքը: Ինչպես տեսնում ենք, Սյունիքի սահմանադրությունը շատ հստակ անդրադարձել է նաև այդ հարցին:




**Գորիս**

**ԼԵՈՆԱԴԱՅԱՍՏԱՆԻ ԵՎ ԱՐԳԱՆԻ ՀԱՅԿԱԿԱՆ ՊԵՏՈՒԹՅՈՒՆՆԵՐԻ ԸՆԴՀԱՆՈՒՐ ԳԾԵՐԸ**

Դավիթ-Բեկի պայքարը XVIII-XX հազարամյակների շարժումների շրջանի առաջին նշանավոր օղակի պատմությունն է, որի հետ սերտորեն կապվում են Նժդեհյան ազատագրական կռիվները և արցախյան անկախության նվաճման արդի շարժումները:

Դավիթ-Բեկի ու Նժդեհի ազգային պատգամների ու քաջարի գործողությունների օրինակներով են մղվել ներկայիս արցախյան ազատամարտերը, որոնք հայոց պատմության մեծ տարեգրության անմահ դրվագներից են:



Հարկ ենք համարում հակիրճ անդրադառնալ Արցախի պատմությանն ու հիմնահարցին, ինչպես նաև Լեռնային Ղարաբաղի Հանրապետության հռչակմանը, այնքանով, որքանով այն առընչվում է մեր ուսումնասիրության թեմային:

Մեկ անգամ չէ, որ հայ ժողովուրդը, այդ թվում և արցախցիներն ու ուտիքցիները, ըմբոստացել են օտար նվաճողների պարսկա-թուրքական բռնակալությունների դեմ: Վավերագրերը պատմում են, որ 821-822 թվականներին Պարտավից արաբական ուժերը ներխուժել են Վարանդա, գերի վերցրել հազար հայ և ամրացել Շիկաքար (Շուշի) բերդում: Լուսադեմին Սահլի Ամբատյան եռանշահիկները զորքով հարձակվել են, կոտորել բոլոր արաբներին և ազատել հայ գերիներին:

Սկսած 10-րդ դարից, Արցախը և Ուտիքը պատմական աղբյուրներում հանդես են գալիս հաչենի իշխանություն անվանումով, որի պատմությունը հանգամանորեն շարադրված է Բագրատ Ուլուբաբյանի «հաչենի իշխանությունը 10-16-րդ դարերում» ծավալուն ուսումնասիրության մեջ:

Երբ հեռվում, Միջերկրականի ափին, հայկական թագավորության դրոշմներն էին մարվում, այստեղ, Արցախ-Ուտիքում վեր էր բարձրանում հաչենի հայոց իշխանությունը, որը հետագայում բազում փառավոր էջեր գրեց հայոց պատմության մագաղաթում:

Միջնադարում հաչեն էր անվանվում այն տարածքը, որը ներկայումս ընդգրկում է Լեռնային Ղարաբաղի Հանրապետությունը: Ասենք, որ հաչենի իշխանության տարածքը միշտ էլ ենթարկվում էր փոփոխությունների:

17-րդ դարում Արցախի տարածքում, պարսկական պետության կողմից ձևավորվել է հինգ մելիքություններ՝ Գյուլիստանի, Ջրաբերդի, հաչենի, Վարանդայի և Դիզակի, որոնք ունեին իրենց զինանշանը ու դրոշը: Այդ հինգ մելիքությունները միասին պարսկերեն անվանվում էին համսե (դինգ):

Թուրքիայի դեմ վարած չորս պատերազմներում Ղարաբաղի մելիքների ցուցաբերած ակտիվ մասնակցության համար Շահ-Աբասը 1603 թվականին հաստատեց նրանց իշխանական իրավունքները: Իսկ Նադիր Շահը (1736-1747 թթ.) Թուրքիայի դեմ պատերազմին մասնակցելու համար Ջրաբերդի մելիք Իսրայելին շնորհեց սուլթանի, իսկ Դիզակի մելիք Ավանին՝ խանի և մելիքների ավագի տիտղոսներ:

Մելիքներն ունեին իրենց ամրոցները և սեփական զինված ուժերը, հանդիսանում էին իրենց տարածքների միանձնյա կառավարիչները: Ղարաբաղի հինգ մելիքությունների միջև գոյություն ուներ սերտ միություն և նրանք ներկայացնում էին լուրջ ուժ, որի հետ հաշվի էին նստում ոչ միայն հարևանները, այլև պարսկական մի շահ:

Արցախ-Ղարաբաղի պատմության մեջ նոր ու կարևոր էջ բացվեց 17-րդ դարի վերջին և 18-րդ դարի առաջին քառորդում, երբ արցախցիների և սյունեցիների ինքնապաշտպանությունը վերածվեց ազգային-ազատագրական լայն շարժման: Այդ պայքարը կազմակերպելու գործում անգնահատելի դեր ունեցան Իսրայել Օրին, Եսայի Յասան-Ջալալյանցը, Իվան Կարապետը, Դավիթ-Բեկը, Ավան հարյուրապետը, Մխիթար Սպարապետը և ուրիշներ: Ղարաբաղի և Սյունիքի համատեղ ապստամբությունը, որը ղեկավարում էր Դավիթ-Բեկը, իսկ նրա մահից հետո՝ Մխիթար Սպարապետը, հերոսությամբ և խիզախությամբ լի էջեր են: Թե ինչո՞ւ հենց Ղարաբաղի լեռներում ծնվեց և գլուխ բարձրացավ հայրենիքի ազատագրության գործը, Լեռն այսպես է բացատրում, «չէր կարող ոչ ծնվել, ոչ էլ սնվել այնպիսի մի տեղ, ուր չկար հայ ազնվականություն, իբրև ազգային իշխանության կազմակերպված ուժ և իբրև ռազմիկ տարրերի առաջնորդ: Ղարաբաղն էլ կարող էր դառնալ հայոց ազատագրության պատմության օրորոց: Ինչպես միշտ, անցյալում, ազնվականությունն ու հոգևորականությունն էին իրենց ձեռքն առնում շարժումը, և ժողովուրդը հետևում էր նրանց»<sup>5</sup>:

1736 թ. գարնանամուտին Մուղանի դաշտում Թահմազ-Կուլի խանը թագադրվեց որպես Պարսկաստանի շահ Նադիր: Հայոց Աբրահամ Կրետացի կաթողիկոսը օրհնեց նրա սուրը և իր ձեռքով կապեց պարսից նոր շահի մեջքին և թագադրեց Նադիրին, որպես շահն-շահ Իրանի: Պատվավոր տեղ էր գրավում Արցախի Դիզակի Մելիք Ավանը (Եգան), որին շահը «բաբալը» (հայրացու) էր անվանում: Հենց Նադիրի մտահոլացմամբ էր, որ Ղարաբաղցիները 1733 թ. Մեծ պասի առաջին գիշերը կոտորեցին Ղարաբաղի և Գանձակի կողմերում գտնվող օսմանյան բոլոր գործերին: Այդ ամենի համար, գրում է ռուս պատմաբան Բոտկովը:

Հաշվի առնելով հայ իշխանական տարրի հակաթուրքական կեցվածքը՝ Նադիր շահը «հայերին ազատում էր զանազան խաների միջնորդական իշխանություններից, ճանաչում էր մելիքներին իբրև բնիկ իշխողներ»<sup>6</sup>:

Ղարաբաղի մելիքները կախում ունենալով միայն Նադիր շահից, իրենց իշխանության մեջ վայելում էին «ինքնավարության կատարյալ իրավունք»:

ներ, որպես վալիներ նրանք ավելի հանգիստ և ապահով դրություն ստացան և սկսեցին ավելի զորացնել իրենց ուժերը»<sup>7</sup>:

Այս իրավիճակը պահպանվեց մինչև XIX դար, երբ Արցախը և Սյունիքը միացվեցին Ռուսական կայսրությանը:

Ինչպես հայտնի է, 19-րդ դարի սկզբից Անդրկովկասում ռուսական տիրապետության ժամանակաշրջանում Անդրկովկասը բաժանված էր նահանգների, գրեթե առանց հաշվի առնելու ազգային հատկանիշը: Արցախը և Ուտիքը տարանջատվել էին տարբեր նահանգների ու ուեզդների մեջ:

Հետագայում Արցախյան տանջահարված խնդիրը զոհասեղան բերեց բոլշևիկների Անդրկովկասյան կամ Կավբյուրոյի նիստում: Առաջին նիստում հուլիսի 4-ին որոշվեց Արցախը միացնել Հայաստանին: Սակայն «եղբայր» Ադրբեջանը հայտարարեց, որ որոշման կենսագործման դեպքում կառավարությունը հրաժարական կտա, և կվարկաբեկվեն խորհրդային կարգերը: 1921 թ. հուլիսի 5-ին, մույն մարմնի երկրորդ նիստում, Ստալինի պարտադրանքով Արցախը բռնակցվեց Ադրբեջանին:

### Լեռնային Ղարաբաղի Հանրապետության հռչակումը

1988-91 թթ. Հայաստանի իշխանությունները ի սկզբանե փորձում էին Ղարաբաղյան հակամարտությունը կարգավորել խաղաղ բանակցությունների ճանապարհով, խորհրդային օրենսդրության շրջանակներում: Սակայն փորձերն ապարդյուն անցան:

Ադրբեջանի իշխանությունները փորձում էին ուժի դիրքերից լուծել այդ հարցը և մշտապես ռմբակոծում էին Արցախի բնակավայրերը, հատկապես մայրաքաղաք Ստեփանակերտը և Հայաստանի սահմանամերձ գոտին փորձելով նրան ներքաշել պատերազմի մեջ:

1991 թ. սեպտեմբերի 2-ին Լեռնային Ղարաբաղի Ինքնավար Սարգի մարզային և Շահումյանի շրջանային ժողովրդական պատգամավորների խորհուրդների Ստեփանակերտում կայացած համատեղ նիստում հռչակվեց Լեռնային Ղարաբաղի Հանրապետությունը:

1991 թ. ծանր վիճակ ստեղծվեց Ստեփանակերտի համար, որն անընդհատ հրետակոծվում էր Խոջալուի, Շուշիի, Ադղամի ռազմական հենակետերից: ԼՂՀ-ի ինքնապաշտպանական ուժերը 1992 թ. ձմռանը լայնածավալ հարձակման անցան: Բնակչության անվտանգությունն ապահովելու ուրիշ ելք չկար: Փետրվարի վերջերին հայ ազատամարտիկներին հաջողվեց ոչնչացնել Խոջալուի ռազմական խմբավորումը՝ գրավելով մեծ քանակությամբ ռազմամթերք: Հաջողություններով ոգևորված՝ հայկական զորամիավորումները ծրագրեցին ազատագրել հայոց հիմնավորց Շուշի քաղաքը, որի տարածքը ադրբեջանցիները դարձրել էին խոշոր ռազմական հենակետ և բարձունքից շուրջ երկու տարի անընդհատ ռմբակոծվում էին Ստեփանակերտը: Ուսումնասիրելով հակառակորդի տեղաբաշխումն ու դասավորությունը և

կազմելով հարձակման համակողմանի պլան 1992 թ. մայիսի սկզբներին Արցախի ազատամարտիկները Սերժ Սարգսյանի իրամանատարությամբ հարձակվեցին Շուշիի ուղղությամբ:

Մայիսի 9-ին ազատագրվեց Շուշին: Դա Արցախի ազատագրական պայքարի փառավոր էջերից էր:

Իսկ 1992 թ. հունվարի 6-ին ԼՂՀ Գերագույն խորհուրդը, հաշվի առնելով ԼՂՀ Անկախության հանրաքվեի արդյունքները, Լեռնային Ղարաբաղի ռանրապետությունը հռչակեց անկախ պետություն:

1993 թ. գարնանը Արցախի ազատամարտիկները ձեռնամուխ եղան ադրբեջանցիների կողմից զավթված հայկական տարածքների ազատագրմանը: Սեղծ ժամկետում ազատագրվեց Մարտունու շրջանի մեծ մասը, ոչնչացվեցին քննանու խոշոր հենակետերը Քելբաջարի, Աղդամի, Ֆիզուլու, Կուբաթլիի, Ջեբրայելի և Ջանգելանի շրջաններում: Դա Արցախյան ազատագրական պայքարի հաղթական երթն էր: Ադրբեջանական զավթիչներն առաջին անգամ զգացին հայ զինուժի ողջ հզորությունը:

Չկարողանալով ռազմաճակատի որևէ ռատվածում հաջողության հասնել և համոզվելով, որ ուժով անհնար է լուծել Արցախյան հիմնահարցը, նաև վախճնալով ազատամարտիկների նոր առաջխաղացումից, Ադրբեջանը, հարկադրված, 1994 թ. մայիսին Ռուսաստանի միջնորդությամբ և Մինսկի լսմբի աջակցությամբ Բիչքեկում գինադարար կնքեց: Արցախի հերոսական ժողովուրդը մեկընդմիջտ լուծեց իր ազատագրման հարցը:

\*  
\* \* \*

Գարեգին Նժդեհի բարձրագույն ցանկությունը Սյունիքի միացումն էր ազատ և անկախ Հայաստանին, որպիսին չէր, սակայն, խորհրդայինը: Նրա երազած անկախ հայկական պետությունն այսօր իրականություն է: Նժդեհը ծագում էր նաև «վիճելի» Ղարաբաղի ու Նախիջևանի միավորումը Մայր Հայրենիքին: Լեռնային Ղարաբաղի Հանրապետության հռչակումը ևս Նժդեհի մարգարեության մարմնավորումն է: Դավիթբեկյան, Նժդեհյան և Արցախյան շարժումները Հայոց ազգային ազատագրական պայքարի պատմության մեջ միևնույն ոսկե շղթայի օղակներն են: Երեքն էլ պսակվել են փառավոր հաղթանակներով:

Երեքն էլ ստեղծեցին այս կամ այն տիպի գծերով ինքնուրույն ազգային պետություն:

Դավիթբեկյան իշխանությունը ընդհատվեց, երբ այդ իշխանության ստեղծող անակնկալ, դեռևս երիտասարդ վախճանվեց:

Իսկ Նժդեհյան իշխանության վախճանը որոշվեց փետրվարյան ապստամբության պարտությամբ:


Այս երկու շարժումների ժամանակ էլ հայությունը միասնական չէր:

Դավիթբեկյան ազատագրական կռիվների ժամանակ հաճախ Դավիթ-Բե-

կը ստիպված էր կռվել ապստամբների և ազգադավ մեղիքների դեմ, իսկ Նժդեհը գանգատվում էր, թե իր դեմ հայերին են բերում, իսկ ինքը չի կարողանում կրակել նրանց վրա:

Արցախյան շարժումը հավանաբար միակն էր, որի ժամանակ ոչ մի հայ գեներ չվերցրեց իր ազգի դեմ:

Արցախյան գոյամարտը XX դարերում մղած հայ ազատագրական պայքարի ամենահաջող դրվագներից է, որը պսակվել է կատարյալ և փառավոր հաղթանակով:



ԼՂՀ ԶԻՆԱՆՇԱՆՆԸ



## Ամփոփում


Հայոց Սյունիքն ու Արցախը Մեծ Հայքի այդ երկու խոշոր մարզերը կամ, ինչպես «Աշխարհացոյց»-ում է նշվում «աշխարհները», եղել և այսօր էլ մնում են մեր երկրի արևելյան անառիկ պատմեշները: Թեպետ այդ երկու «աշխարհներն» էլ իրենց պատմական տարածքների զգալի հատված կորցրել են քոչվոր թուրք-թաթարական ցեղերի դեմ մղած հարյուրամյակներ ընդգրկող պայքարում, սակայն ոչ միայն պահպանել են իրենց տարածքների զգալի մասը, այլև հանդիսացել հայ ազգային-ազատագրական շարժման կենտրոններ: Եթե մենք ցավով միայն կարող ենք նշել, որ հայկական Նախիջևանը չդիմացավ քոչվոր ելուզակների ճնշմանը և այսօր գտնվում է «Ադրբեջան» պետության «հովանավորության» տակ, ապա հպարտությամբ կարող ենք ասել, որ Սյունիքն ու Արցախը իրենց անընկճելի ոգու շնորհիվ դիմացան և միշտ էլ կմնան որպես հայ ազատագրական շարժման, հայկական պետականության ամրապնդման, մեր ազգային պատմական տարածքների ազատագրման ու **ամբողջացման** անխախտելի հիմքը: Այդպես էին նրանք XVIII դարում, Ղափիթ-Քեկի և Մխիթար Սպարապետի գլխավորած պայքարի ընթացքում, այդպես էին XX դարի սկզբին, 80-ական թվականներին վերջերին, 90-ական թվականներին և այդպիսին են այսօր:

1918-20-ական թվականներին և Սյունիքի և Արցախ-Ղարաբաղի ժողովուրդը ոտքի կանգնեց պաշտպանելու իր անկախությունը, ազգային դեմքը պանթուրքական, պանիսլամական գաղափարախոսական պատրանքներով տարված թուրք-«ադրբեջանական» ագրեսորներից:

Լեռնահայաստանի և Ինքնավար Սյունիքի այդ շրջանում մղած պայքարը հայ ազատագրական շարժման հերոսական դրվագներից է: Այն վերստին համոզում է մեզ, որ ինչպիսի հզոր բարեկամներ էլ որ ունենա երկիրը, այնուամենայնիվ, պետք է վճռական դեր հատկացնի իր իսկ **սեփական ուժերին**, ներքին միաբանությանը՝ հատկապես օտար նվաճողների դեմ պայքարում: XX դարի վերջերին սկսված ազատագրական պայքարի շնորհիվ ազատագրվեցին և այսօր էլ հայկական ինքնապաշտպանական ուժերի հսկողության տակ է գտնվում Սյունիքի և Արցախի բնիկ հայկական ազգային պատմական տարածքների զգալի մասը: Նախկին ԼՂԻՄ-ի տարածքը «ադրբեջանական» Կուբաթլին պատմական Հաբանդի Գորիսի տարածք, Լաչինը՝ պատմական հայկական Աղահեճքը (Քաշաթաղը), Կովսականը («ադրբեջանական» Ջանգելանը) և այլն: Այդ համեստ արդյունքները ձեռք բերվեցին ոչ միայն մեր հերոսների արյան, այլև ամբողջ ժողովրդի, նրա մեծամասնության կրած սոցիալ-տնտեսական բազմաթիվ ծանր հարվածների, զրկանքների, կորուստների գնով: Ուստի, ձեռք բերածի պահպանումն այլընտրանք չունի:

Լեռնահայաստանի և Ինքնավար Սյունիքի մղած պայքարը ոչ միայն պահպանեց այդ բուն հայկական երկրամասը, այլև եապես նպաստեց Ար-

ցախ-Ղարաբաղի պահպանմանը՝ այսօրվա ԼՂՀ-ի ստեղծմանն ու գոյատևմանը: Ճիշտ կողմնորոշվելով միջազգային բարդ իրողությունների մեջ, լավ հասկանալով իր բոլոր բարեկամներին և թշնամիներին, Սյունիք-Ջանգելուրի ժողովուրդը՝ Նժդեհի և մեր մյուս հերոսների գլխավորած հերոսական պայքարով ոչ միայն փրկեց ինքն իրեն ու Մեծ Հայքի 1/10 մասը կազմող Հայաստանի Հանրապետությունը, այլև պատմեշեց պանթուրքիզմի ճանապարհը, նրա՝ հեռուն գնացող հանցավոր ծրագրերը: Այս առումով ևս Սյունիքի և Արցախի առջև դրված խնդիրն այսօր էլ չի փոխվել... Ուստի, մեր նորանկախ պետությունն այսօր առավել ևս, քան երբևէ, պետք է **հատուկ** ուշադրություն դարձնի այդ երկրամասի Սյունիքի և Արցախի, բնականաբար նաև՝ **ազատագրված** հարակից հայկական տարածքների եթնիկական, սոցիալ-տնտեսական աճի, զարգացման գործին: Ուշագրավ է նաև Լեռնահայաստանի, Ինքնավար Սյունիքի **պետական կազմակերպության ստեղծման ու գործունեության փորձը**: Պետական այդ միավորի առանձնահատկությունը հենց նրանում էր, որ սահմանված ժողովրդավարական համակարգը հնարավորություն տվեց ստեղծելու **պետության ու ժողովրդի** միասնություն. կոլեկտիվ կառավարում, որը եապես նպաստեց այդ երկրամասի ժողովրդի մղած արդյունավետ պայքարին:





## ՃԱՆՈՑԱԳՐՈՒԹՅՈՒՆՆԵՐ

### Լեռնահայաստանի հանրապետությունը.

#### Սյունիքի սահմանադրությունը

1. Խրոպանյուկ, Պետության և իրավունքի տեսություն, Երևան, 1997 թ., էջ 83:
2. Ռ. Համբարձումյան, «Վարք Եժեհի», Երևան, 2001 թ., էջ 7:
3. Նույն տեղում:
4. Գ. Գրիգորյան, Ս. Հախվերդյան, Սյունիքի պատմություն, Երևան, «Հրազդան», 2001 թ., էջ 230:
5. Ա. Սիմոնյան, Ձանգեզուրի գոյամարտը (1920-1921 թթ), Երևան, 2000 թ., էջ 667:
6. Նույն տեղում, էջ 668:

### ԼԵՌՆԱԴԱՅԱՍՏԱՆԻ ՀՈՉՎԿՄԱՆ ՆԱԽԱԴՐՅԱԼՆԵՐԸ

1. Ջորավար Անդրանիկի Կովկասյան ծակատի պատմական օրագրությունը..., էջ 133-134: Ծ. Աղայան, Անդրանիկ, ՀԲՀ հրատարակչություն, Երևան, 1994 թ., էջ 725:
2. Նժդեհ, էջեր իմ օրագրեն, Երևան, «Ռսկան Երևանցի», 2002 թ., էջ 6:
3. Բաբալեան, էջեր Հայաստանի անկախության պատմութենից, Գահիրե, 1959 թ., էջ 38:
4. Գ. Գրիգորյան, Ս. Հախվերդյան, Ազգայնագիտություն, էջ 206:
5. Ս. Վրացյան, Հայաստանի Հանրապետություն, Երևան, «Հայաստան», 1998 թ., էջ 351:
6. Պետական և հասարակական հաստատությունները պարտավոր են վեց ամսվա ընթացքում հայերենը դարձնել պետական գործածության պաշտոնական լեզու:  
Փոխնախագահ պառլամենտի Լևոն Շանթ  
Հայաստանի Հանրապետության օրենքների հավաքածու, 1919 թ., թիվ 10, էջ 79:
7. «Ազգայնացման հարցի շուրջը» հոդվածում անդրադառնալով այս հարցին, թերթը նշում է, որ մի շարք անհատների համար անսպասելի էր գեներալ-կոմիսարի այսօրինակ հրամանը. որով Ձանգեզուրի բոլոր հիմնարկներում 1920 թվականի հունվարի 1-ից մտցվում է հայոց լեզուն որպես պետական լեզու: «Ինչպես կարելի է... հայերեն իմացողները շատ քիչ են, (ասում են այդ մի քանի հոգին, որ մի քանի տարում պետք է գլուխ բերել այդ գործը)... դրանք բեռնատիկ «հնտելիզացիայի» մի մաս կազմող հայերն են, որոնք ասում են, թե ոնց կարելի է, դեռ մենք Ռուսաստանի մասն ենք, բայց մոռանում են. որ վրացիները վաղուց են արդեն հնչեցրել վրացերենն իրենց երկրում», «Սյունիք», 1920 թ., թիվ 4:

8. «Սյունիք», թիվ 14:

9. Քաղաքացիական կռիվների պատմություն, ժողովածու առաջին, նյութեր և փաստաթղթեր, կազմ. Կ. Ղազարյան և Ս. Ներսիսյան, Պետհրատ, 1932 թ., փ. 111, էջ 193:

10. «Սյունիք» 1920 թ., թիվ 4:

11. Առայժմ մեր խնդրի մեջ չի մտնում 1918-1919 թթ. իրադարձությունների քննարկումը, երբ, նախ Հայաստանի Ազգային Ձանգեզուր-Ղարաբաղի կառավարիչ Արսեն Շահնազյանի, ապա Անդրանիկի գործունեության արդյունքում Ձանգեզուրը գերծ մնաց Ադրբեջանի ոտնձգություններից:

12. «Սյունիք» թիվ 2, հունվարի 8:

13. Խոսքը օղու վրա դրված ակցիզային հարկը ավելացնելու և դրա հետ կապված խնդիրների մասին է, տես «Սյունիք», թիվ 5:

14. «Սյունիք» թիվ 8, 25-ը մարտի:

15. Այստեղ գործում էր տեղական սպառողական ընկերություն (Կարճևանում կար սպառողական ընկերություն, Գեմվազում, Մեղրիում սպառողական խանութներ, որոնք վերսկսել էին գործել 1919 թ. դեկտեմբերից. ունեին շուրջ 240 անդամ, «Սյունիք», 23 մայիսի:

16. Գ. Գրիգորյան «Սյունիքի պատմություն», էջ 205-206:

17. Հր. Սիմոնյան «Անդրանիկի ժամանակը», Երևան:

18. ՀՀ ՊԿՊԱ Ֆ 370 ց.1. գ.33, թ.4:

19. ՀՀ ՊԿՊԱ Ֆ 370, ց.1, գ.53, թ.10-11:

20. Նույն տեղում:

21. ՀՀ ՊԿՊԱ, Ֆ 370, ց.1, գ.56, թ.7-9 շրջ:

22. Նույն տեղում, թ.9:

23. ՊԿՊԱ, Ֆ 370, ց.1, գ.56, թ.6 և շրջ.:

24. Նույն տեղում, թ.5:

25. Նույն տեղում, թ.11:

26. ՀՀ ՊԿՊԱ, Ֆ 370, ց.1, գ.34, թ.24:

27. ՀՀ ՊԿՊԱ, Ֆ 370, ց.1, գ.34, թ.40 և շրջ.:

28. Նույն տեղում, թ.5 և շրջ.:

29. ՀՀ ՊԿՊԱ, Ֆ 323, ց.1, գ.1, թ.21:

30. ՀՀ ՊԿՊԱ, Ֆ 370, ց.1, գ.34, թ.41 և շրջ.:

31. ՀՀ ՊԿՊԱ. Ֆ 200, ց.1, գ.563, թ.209:

32. Վ.Գևորգյան, Լեռնահայաստանի հերոսամարտը (1919-1921 թթ.): Երևան, 1991 թ., էջ 123:

33. ՀՀ Նորագույն պատմության կենտրոնական պետական արխիվ (ՆՊԿՊԱ), Ֆ 113, ց.3, գ.7, թ.25:

34. Վլ. Ղազախեցյան, Նժդեհը Ձանգեզուրում. Երևան, 2001 թ., էջ 5:

35. Նույն տեղում:

36. Նույն տեղում:

37. Վ. Գևորգյան, Լեռնահայաստանի հերոսամարտը, էջ 113-116:

38. Բանբեր Հայաստանի արխիվների (ԲՀԱ), 1978 թ., թիվ 1, էջ 61: Վ. Ղազախեցյան, նշված աշխատությունը, էջ 6:  
 39. նշված աշխատությունը, էջ 123:

**ՍՅՈՒՆԻՔԻ ԻՆՔՆԱՎԱՐՈՒԹՅԱՆ ՀՈՇԱԿՈՒՄԸ**

1. Համազանգեզուրյան համագումարի և ինքնավար Սյունիքի կազմավորման մասին, ՀՀ ՊԿՊԱ, Ֆ 113, ց.1, գ.30, ք.25, գ.37, ք.98, 129:  
 2. «Նժդեհ, Կյանքն ու գործունեությունը, նշխարներ, վկայություններ», էջ 165-166:  
 3. Նույն տեղում, էջ 166: ՀՀ ՆԴԿՊԱ, Ֆ 113, ց.3, գ.37, ք.127-128, նաև «Ազատ Սիւնիք», էջ 58, Ս. Վրացյան, Հայաստանի Հանրապետութիւն, էջ 626-627 (հավելված):  
 4. ՀՀ ՆԴԿՊԱ, Ֆ 114, ց.2, գ.70, ք.11: Վլ. Ղազախեցյան, Նժդեհը Ձանգեզուրում, Երևան, 2001 թ., էջ 7-8:  
 5. «Ազատ Սյունիք, Սև էջեր և փաստեր բուլղահիկների հնգամսյա գործունեությունից», Գորիս, 1921 թ.:  
 6. Վլ. Ղազախեցյան, Նժդեհը Ձանգեզուրում, Երևան, 2001 թ., էջ 87:  
 7. Գարեգին Նժդեհ, Իմ պատասխանը, էջ 42, «Ազատ Սիւնիք», էջ 44, ՀՀ ՆԴԿՊԱ, Ֆ 113, ց.3, գ.37, ք.120 շրջերես:  
 8. ՀՀ ՆԴԿՊԱ, Ֆ 113, ց.3, գ.37, ք.121 և շրջերես, նաև «Ազատ Սիւնիք», էջ 45-46, Ս. Վրացյան, Հայաստանի Հանրապետութիւն, էջ 620-621: Ա. Սիմոնյան, Ձանգեզուրի գոյամարտը, (1920-1921 թթ.), Երևան, 2000 թ., էջ 373:  
 9. Ա. Սիմոնյան, նշված աշխատությունը, էջ 373:  
 10. Համազանգեզուրյան 1-ին համագումարի արձանագրություն:  
 11. Ա. Սիմոնյան, նշված աշխատությունը, էջ 373:  
 12. ՀՀ ՆԴԿՊԱ, Ֆ 114, ց.2, գ.70, ք.11, շրջ., նաև Ս. Վրացյան, Հայաստանի Հանրապետութիւն, էջ 628, «Ազատ Սիւնիք», էջ 46-50: Ա. Սիմոնյան, նշված աշխատությունը, էջ 375, Վ. Ղազախեցյան, նշված աշխատությունը, էջ 8:  
 13. Գ. Նժդեհ, Ինչու պայքարեց Լեռնահայաստանը: «Հայրենիք», 1923թ., թիվ 8, էջ 80:  
 14. Գ. Նժդեհ, Ազատ Սիւնիք: «Հայրենիք», 1925 թ., թիվ 7, էջ 135:  
 15. Ա. Սիմոնյան, նշված աշխատությունը, էջ 376:  
 16. Համազանգեզուրյան առաջին համագումարի որոշումներն ու բանաձևերը, Ս. Վրացյան, Հայաստանի Հանրապետություն, Երևան, 1993 թ., էջ 658-667:  
 18. ԲՀԱ, 1978 թ., թիվ 1, էջ 89-90:  
 19. Վլ. Ղազախեցյան, նշված աշխատությունը, էջ 12:  
 20. Գ. Նժդեհ, Ազատ Սիւնիք. «Հայրենիք», 1925 թ., թիվ 10, էջ 138-139:  
 21. ՀՀ ՆԴԿՊԱ, Ֆ 114, ց.2, գ.89, ք.12:  
 22. Ա. Սիմոնյան, նշված աշխատությունը, էջ 473:  
 23. Գ. Նժդեհ, Ցեղի ոգու շարժը, Սոֆիա, 1932 թ., էջ 32:

24. ՀՀ ՊԿՊԱ, Ֆ 178, ց1. գ.73, ք.11: Ա. Սիմոնյան, նշված աշխատությունը, էջ 474:  
 25. Ս. Վրացյան, Կեանքի ուղիներով, Դէպքեր, դեմքեր, ապրումներ, Ձ հատոր, էջ 178: Ա. Սիմոնյան, նշված աշխատությունը, էջ 475:  
 26. Ա. Սիմոնյան, նշված աշխատությունը, էջ 476:  
 27. ՀՀ ՊԿՊԱ, Ֆ 198, ց.1, գ.73, ք.11 և շրջ.:  
 28. Ս. Վրացյան, Կեանքի ուղիներով: Դէպքեր, դեմքեր, ապրումներ, Ձ հատոր, էջ 233:  
 29. Նույն տեղում, էջ 234: Ա. Սիմոնյան, նշված աշխատությունը, էջ 476:  
 30. Ս. Վրացյան, Կեանքի ուղիներով: Դէպքեր, դեմքեր, ապրումներ, Ձ հատոր, էջ 235:  
 31. Գ. Նժդեհ, Ինչու պայքարեց Լեռնահայաստանը, «Հայրենիք» ամսագիր, 1923, հունիս, թիվ 8, էջ 80: Ա. Սիմոնյան, նշված աշխատությունը, էջ 477:  
 32. Գ. Նժդեհ, Ազատ Սիւնիք, «Հայրենիք», 1925 թ., թիվ 10, էջ 138:  
 33. Վ. Գևորգյան, Լեռնահայաստանի հերոսամարտը, էջ 161-162:  
 34. Ա. Հարությունյան, Գարեգին Նժդեհի 1921 թ. Թավրիզի դատավարությունը (ըստ նորահայտ վավերաթղթերի), Երևան, 2001 թ., էջ 106-108:  
 35. Նույն տեղում, էջ 35-36:  
 36. Նույն տեղում, էջ 66:  
 37. Վլ. Ղազախեցյան, նշված աշխատությունը, էջ 32:  
 38. Նույն տեղում:  
 39. Ա. Հարությունյան, Գարեգին Նժդեհի 1921 թ. Թավրիզի դատավարությունը (ըստ նորահայտ վավերաթղթերի), Երևան, 2001 թ., էջ 64:  
 40. Նույն տեղում, էջ 90:  
 41. Գ. Նժդեհ, Ազատ Սիւնիք. «Հայրենիք», 1925 թ., թիվ 11, էջ 88:  
 42. Նույն տեղում:  
 43. Գ. Նժդեհ, Հատընտիր, Երևան, 2001 թ., էջ 152-153: Վլ. Ղազախեցյան, նշված աշխատությունը, էջ 34-35:  
 44. Գ. Նժդեհ, Ազատ Սյունիք, Պեյրուք, 1999 թ., էջ 137:  
 45. Վ. Գևորգյան, Լեռնահայաստանի հերոսամարտը, էջ 163:  
 46. Ա. Սիմոնյան, Ռազմական պատմություն, էջ 78: Ռ. Համբարձումյան, Վարք Նժդեհի, Երևան, 2001 թ., էջ 70:  
 47. Վ. Գևորգյան, նշված աշխատությունը, էջ 173-174: Գ. Նժդեհ, Ազատ Սիւնիք, 1999 թ., էջ 160, 166-167:  
 48. «Հայրենիք», 1923 թ., թիվ 8, էջ 78-82:  
 49. Ա. Հարությունյան, Գարեգին Նժդեհի 1921 թ. Թավրիզի դատավարությունը: Երևան, 2001 թ., էջ 46-81, նաև 82-91:  
 50. Հովի. Քաջազունի, ՀՀ Դաշնակցությունը անելիք չունի այլևս. Թիֆլիս, 1923 թ., էջ 53:  
 51. Գ. Նժդեհ, Հատընտիր, Երևան, 2001 թ., էջ 236:  
 52. Ա. Սիմոնյան, նշված աշխատությունը, էջ 666-667:

53. Խրոպանյուկ Վ. Ն., *նշված աշխատությունը*, էջ 83:  
 54. Шершеневич Г. Ф., *Общая теория права*. М., 1991. с. 98., Кокошкин Ф. Ф., *Лекции по общему государственное право*. М., 1912. с. 181-190  
 55. ԴԴ ՊԿՊԱ. ֆ 113, ց.3, գ.37, ք.112:  
 56. Նույն տեղում, ք.129:  
 57. Նույն տեղում, ք.130:  
 58. Նույն տեղում, ք.132:  
 59. Խրոպանյուկ Ն. Վ., *նշված աշխատությունը*, էջ 167-173:  
 60. 54. Шершеневич Г. Ф., *Общая теория права*. М., 1991. с. 106: Ա. Սիմոնյան, *նշված աշխատությունը*, էջ 666:  
 61. Ա. Զիլֆուղարյան, *Սյունիքի սահամանադրությունը*, Երևան, 2008 թ. ԳՊԴ հրատարակչություն, էջ 45:

**ԼԵՆԱԴԱՅԱՍՏԱՆԻ ԵՎ ԱՐՑԱՆԻ ՀԱՅԿԱԿԱՆ ՊԵՏՈՒԹՅՈՒՆՆԵՐԻ ԸՆԴՀԱՆՈՒՐ ԳԾԵՐԸ**

1. Խոսքը Կիլիկյան Հայաստանի մասին է (Ս. Խ.):  
 2. XIV դարից Խաչենը կոչվեց Ղարաբաղ:  
 3. Բ. Ա. Ուլուբաբյան, *Խաչեն...*, էջ 55, *Ման Կրթությունը և գիտությունը Արցախում, պարբերական*, 2002 թ., համար 1-2, էջ 16:  
 4. Նույն տեղում, էջ 18:  
 5. *Լեռ, Երկեր...*, հ. 3, գիրք 2, էջ 27:  
 6. Րաֆֆի, *Խամսայի մեկնությունները (1600-1827)*, Երկերի ժողովածու, հ. 9, Երևան 1987 թ., էջ 444:  
 7. Նույն տեղում, էջ 443:  
 8. Գ. Գրիգորյան, Ա. Հախվերդյան, *նշված աշխատությունը*, էջ 226:  
 9. Նույն տեղում:

**ԲՈՎԱՆԴԱԿՈՒԹՅՈՒՆ**

Երկու խոսք ..... 3  
 Լեռնահայաստանի հայկական պետությունը և  
 Սյունիքի սահամանադրությունը ..... 4  
 Սյունիքի Հանրապետության  
 պետականության խորհրդանիշները ..... 9  
 Սյունյաց նախարարության նահապետները  
 (աշխարհակալները), թագավորները, գահերեց իշխանները,  
 վարչապետները ..... 10  
 Հայաստանի հարավային դարպաս ..... 12  
 Սյունիքի մարզ ..... 13

**ԼԵՆԱԴԱՅԱՍՏԱՆԻ ՀՈՉԱԿՄԱՆ ՔԱՂԱՔԱԿԱՆ, ՏՆՏԵՍԱԿԱՆ  
 ՆԱԽԱԴՐՅԱԼՆԵՐԸ**

Իրավիճակը Ձանգեզուրում 1918-20 թթ. .... 14

**ՀԱՅԿԱԿԱՆ ՊԵՏԱԿԱՆՈՒԹՅԱՆ ՎԵՐԱԿԱՆԳՆՈՒՄԸ ԶԱՆԳԵԶՈՒՐՈՒՄ  
 XX դար**

Սյունիքի ինքնավարության հռչակումը ..... 21  
 Տաթևի համազանգեզուրյան I համագումարը ..... 23  
 Համակարգի օրակարգը ..... 24  
 Կառավարության ձևի գլխավոր գծերը ..... 27  
 Վարչատերիտորիալ բաժանումը ..... 28  
 Կառավարության (դիվանի) ընտրությունը, Սյունյաց  
 Սպարապետի հրավիրումը ..... 28  
 Սպարապետի օժուրը Գորիսի Սբ Գ. Լուսավորիչ եկեղեցում ..... 30  
 Սյունիքի պառլամենտը ..... 31

**ՏԱԹԵՎԻ ՀԱՄԱԶԱՆԳԵԶՈՒՐՅԱՆ ՈՒ ՀԱՄԱԳՈՒՄԱՐԸ,  
 ԼԵՆԱԴԱՅԱՍՏԱՆԻ ԱՆԿԱՆՈՒԹՅԱՆ ՀՈՉԱԿՈՒՄԸ** ..... 33  
 Օրակարգ ..... 33  
 Պարենավորման հարցը ..... 34  
 Կառավարության կազմը ..... 36  
 Լեռնահայաստանի անկումը,  
 պատմական նշանակությունը և դասերը ..... 38  
 Լեռնահայաստանի հայկական պետության  
 բնորոշ հատկանիշները ..... 42

**ԼԵՌՆԱՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍԱՀՄԱՆԱԴՐՈՒԹՅՈՒՆԸ**  
**«ԻՆՔՆԱՎԱՐ ՍՅՈՒՆԻՔԻ ԿԱՌԱՎԱՐՈՒԹՅԱՆ ՉԵՎԻ ԳԼԽԱՎՈՐ ԳԾԵՐԸ» . . . . . 45**

Սահմանադրության հասկացությունը . . . . . 45  
Լեռնահայաստանի Սահմանադրության իրավաբանական բնույթը . . . . . 47  
Լեռնահայաստանի Սահմանադրության էությունը . . . . . 47  
Սահմանադրության տեսակը և ձևը . . . . . 49  
Սահմանադրության գործառնությունները (ֆունկցիաները) . . . . . 52  
Լեռնահայաստանի Սահմանադրության գործողությունը . . . . . 52  
Սահմանադրության ընդունման և փոփոխման կարգը . . . . . 53  
Լեռնահայաստանի Հանրապետության կառավարման ձևը . . . . . 54  
Լեռնահայաստանի ընտրական համակարգը . . . . . 54  
Խորհրդարանի, պառլամենտի կազմակերպման կարգը և կառուցվածքը . . . . . 54  
Լեռնահայաստանի կառավարության գործունեության կազմակերպումը կառավարության կազմակերպման կարգն ու կառուցվածքը . . . . . 55  
Լեռնահայաստանի պետական տարածքը . . . . . 55  
Լեռնահայաստանի պետական խորհրդանիշները . . . . . 56

**ԼԵՌՆԱՀԱՅԱՍՏԱՆԻ ԵՎ ԱՐՑԱԽԻ ՀԱՅԿԱԿԱՆ ՊԵՏՈՒԹՅՈՒՆՆԵՐԻ ԸՆԴՀԱՆՈՒՐ ԳԾԵՐԸ . . . . . 57**

Լեռնային Ղարաբաղի հանրապետության հռչակումը . . . . . 59  
Ամփոփում . . . . . 62  
Ծանոթագրություն . . . . . 64

**ՄԱՐՏԻՆ ԶԻԼՖՈՒՂԱՐՅԱՆ**

**Լ Ե Ռ Ն Ա Հ Ա Յ Ա Ս Տ Ա Ն Ի**  
**Հ Ա Ն Ր Ա Պ Ե Տ ՈՒ Թ Յ ՈՒ Ն Ը**

**Ս Յ ՈՒ Ն Ի Ք Ի**  
**Ս Ա Հ Մ Ա Ն Ա Դ Ր ՈՒ Թ Յ ՈՒ Ն Ը**

<b>ՀՐԱՏԱՐԱՎԻՉ ՏՆՕՐԵՆ՝</b>	<b>ՆԱՐԻՆԵ ԶԻԼՖՈՒՂԱՐՅԱՆ</b>
Համակարգչային շարվածքը և ձևավորումը՝	Քրիստինե Իսկանդարյանի և Արփինե Գուլոյանի
Վերստուող սրբաթիշ՝	Զարուհի Մխիկյան
Տեխնիկական խմբա՝իր՝	Արմեն Զիլֆուղարյան

Ստորագրված է տպագրության 02.04.2008 թ.: Ծավալը՝ 4.5 մամուլ:  
Չափսը՝ 60-84 1/16: Թուղթը՝ օֆսետ - 1: Տպագրությունը՝ օֆսետ:  
Տպաքանակը՝ 500 օրինակ:  
Տպագրվել է «Գրիգոր Տաթևացի» ՍՊԸ տպարանում



ԳՊՀ հրատարակչություն  
Գորիս 2008